

## Mélíméli icac ai

*Anutunéh Yesu wagicma eñec.*

<sup>1</sup> Tiofilus, nuac kiwina walac ogéñi imuaru, Yesunéh aiya hénima haka wamma ackuazéc ku énécmima keñkecma naléya hayu <sup>2</sup> Mélíméli ic énépésiyec ionac niñ wamma Uña Téréya méliyu hama énézéma meseli énécmiyu Anutunéh i wagicma eñec, imuac suraiguc haka hicñiyec imuac suruc imi moczoñ odari. <sup>3</sup> Qenzen manzeñ qema humuyec imuac andiaiguc inéh ai meme 40 imuac suraiguc winini énécmiyec. Wañu qelima kerec imuac héipuc wamma ninzéh ninzéh mihicñi énécmimacac séc sasala hicñi énécmima Anutuac héngaleñ ama areña yandawac énézéyec. <sup>4</sup> Wañu ic iniguc momacnec kerec nalé imuaru yomuhuc zéseli énécmiyec; Yerusalem ménda waima kemmu. Wañu Anutuac sisipac ac énézéwa niñgic imuac héla niñac mambéc kecmu. <sup>5</sup> Yohanenéh dokunéh naec énécmiyec, néñ ini imi ai meme sasala ménda keñunec Anutuac Uña Téréyanéh ewa qerignaiguc naec énécmimac.

<sup>6</sup> Imuhuc zéyu ieneñ tocgéma Yesu qesimigic; Miñ Kewu, gi némac naléiguc héngaleñ ama areña yanda imi Israel ic embac neñañ muru meqeli nénécmiwésémañ? <sup>7</sup> Zégic inéh melemma énézéyec; Ai meme zéma naléya imi, eneñ nimmuac séc qahac. Nalé imi Mañgoc eñeya kucyaiguc meyu hezac. <sup>8</sup> Wañu Uña Téréya

onac muru mamac nalé imuaru ini kuc mema Yerusalem zéma Yuda zéma Samaria zéma baec tetcgia séciguc kemma nuac héipuc ic hécna wammu. <sup>9</sup> Ac imi zéyu tecgéyu hémmanc naŋgic Anutunéh wagiru ou eŋec. Eŋu hosusunéh i osoma musaŋgéyu kicginanéh hémmuac séc qa-hac waŋec. <sup>10</sup> Imuhuc eŋu ieneŋ kurumeŋiguc kicgina hima héŋ sosolimanec naŋgic ic éréhéc malekugira lalacnec iereŋ hosucginu wininima naŋoc. <sup>11</sup> Namma yomuhuc zéyoc; Galilaia ic! Ini némac niŋ kurumeŋiguc kicgina himanec nanzu? Yesu onac murunec wagiru kurumeŋiguc enzac. I kurumeŋiguc eŋu hénzu imuhucyanec liliŋgéma mamac.

*Matia kumugic Yudawac tatac késayec.*

<sup>12</sup> Imuhuc zéyu ieneŋ baec boŋa méh Oliwa zéaŋgic imuarunec liliŋgéma Yerusalem hagic. Baec boŋa imi mia Sabata naléiguc keŋkeŋawac séc Yerusalem hosuraiguc tarec.\* <sup>13</sup> Taru hama ama qeria méh qacyaiguc heyu tacyac waŋaŋgic imuhucgeŋ eŋgic. Waŋu imuaru tocgégic ionac qacgina imi yomuhuc; Petero, Yohane, Yakobo zéma Anderea, Filipino zéma Toma, Batolomaio zéma Mataio, Alfaioac naŋa Yakobo zéma Simon Zelote,† waŋu Yakoboac naŋa Yuda, imuhuc. <sup>14</sup> Ic imi eneŋ ewa momacguc wamma zéwelec ai imi ai meme sasala toroqema memanec kecgcic. Waŋu embac tosara zéma Yesuac neŋgocya Maria

---

\* **1:12:** Yuda ic ieneŋ Sabataiguc héna horua niŋgic ai tanec wawaŋa imuhucya ménda keŋha waŋaŋgic. † **1:13:** Girik ac yomuac hénia imi seliseli wawaŋa, imi mia Yuda ic ionac tuŋ méŋac qara, ieneŋ Roma gawamaŋ imuac mézétiti wamma seliseli wamma euqac waŋaŋgic.

zéma Yesuac munahéra ienenj acguc momacnec toroqema kecgic.

15 (Ic embac tocgégic ionac zangégina imi 120 imuac séc wañec.) Nalé imuhucgenj PETERONÉJ sucginaiguc yacma yomuhuc zéyec; 16 Dac munahécna, becneç Uña Téréyanéj Dawidiac kuaya mema Yudawac niñ zéyec ac iminéj héla wammacac niñ heyec. Yuda imi ic tosara Yesu késagic ionac héná meyec ic imi mia. 17 Wañu ic imi 12 sucninaiguc keçma Miñ Kewuac ai yomuac bakia meañec. 18 (Wañu ic iminéj hakaya biriawac boñanéj baec ménj boñ meyec, imuac andiaiguc orucyanéj melemma hiñgacma qeyu tomeña qéséñu kera tomeña madaru humuyec. 19 Wañu haka imi zésaigic keñu ic embac Yerusalem kecgic ienenj moczoñ nindacma baec imuac Akeldama zéangic. Wañu ac imuac hénia imi Sac baera.) 20 Imuac mia kiwi Legiciguc yomuhuc oyec hezac; Iwac baec imi kisi wañu ménénj ménj imuhucgenj ménda keçmac. Wañu ic ménénj iwac ai buña imi késamac. 21 Imuac niñ Yohanenéj Yesu doku naecmiyec imuhuc geñnec érékeçma Anutunéj Yesu sucninaiguc wagicma eñec nalé imuac suraiguc ic tosara Yesunéj sucninaiguc tacyac wañañec imuac séc 22 niniguc kecgic ionarunec ménj kumuni niniguc Yesuac yacyarawac héipuc ic wambiñ. 23 Imuhuc zéyu ic éréhéc mihicñi éréçmigic. Qacgira imi Yosefe zéma Matia. Wañu Yosefe iwac Basaba me Yusito zémiangic. 24 (24a) Wañu ienenj yomuhuc zéma zéwelecgic; Miñ Kewunina, gi ic embac neñañ qeri héhéñnina keçzañ. 25 (25a) Yudanéj ai buñaya

imi waima eneya hénayaiguc keñec. (24b) Imuac ic éréhéc youmi iorac muru mérac késana (25b) tatacyac mema weleñ qeçe ai zéma Mélíméli icac ai memac imi nénézéna hénni. <sup>26</sup> Imuhuc zéma sumbic néma héngic Matia iwac muru héiyu inéñ Mélíméli ic 11 ionac muru toroqeyec.

## 2

*Ai meme 50 imuac kendoñaguc Uña Téréya mayec.*

<sup>1</sup> Ai meme 50 imuac kendoña\* ducñiyu ienen moczoñ ama méñu momacnec tocgégic. <sup>2</sup> Wañu kurumené igucnec hétén yanda méñ élanzañnec luhuc selia qeanzac ésécnec mama ama tacgic imuac qeria séc sécgédarec. <sup>3</sup> Wañu iwawai méñ tanera geric bélaña ésécnec imuhucyanéñ tuima ic embac tacgic orucgina séc mama héiyec. <sup>4</sup> Wañu ic embac ienen moczoñ Uña Téréyanéñ qeriginaiguc sécgéma ac méréra hénia hénia énécmiyec séc hénima zégic.

<sup>5</sup> Nalé imuaru kurumené bawaiguc baera baera heyec imuhucgeñ Yuda ic Anutu méndacma kecañgic ienen Yerusalem hama tacyac wañgic. <sup>6</sup> Hétén imi hicñiyu tuñ yanda imuaru tocgéma niñgic acgina séc zégic imuac niñac niniñgina sicsaoc wañu témpin wañgic. <sup>7</sup> Wañu ienen kileñ yanda welicgéma zégic; Ic embac ac zézu yomi Galilaia baec miñina zéma ninziñ. <sup>8</sup> Wañu

---

\* **2:1:** Pentikost imi Yuda ic ionac kendoñ méñ; Nagu sacyaguc ogicma kekeña imuac kendoña tecgéyuguc éréma ai meme 50 wañu Yuda ic ienen kendoñ tacañgic, wañu nalé imuaru mia Uña téréya mayec.

dimuhuciguc ieneṅ zégic neṅaṅ acninaiguc séc ninziṅ? <sup>9</sup> Neṅaṅ youmi Pada ic, Mede ic, Elam ic, Mesopotamia miṅina, Yuda ic zéma Kapadokia ic, Ponto ic zéma Asia ic,† <sup>10</sup> Firigia ic, Pamfilia ic, Izipte ic, ic tosara Kirene hosura Libia baec yandaiguc baec bakia bakia hezac imuacnec, ic kianaṅ tosara Romanec, (Imi mia Yuda ic zéma ic tosara Yuda ic ionac ninzéh ninzéh ginaiguc toroqegic imi mia.) <sup>11</sup> Krete ic zéma Arabia ic, neṅaṅ imuhucyanéh kiwi hénia hénia Anutunéh meyec imi zéaugic acninaiguc séc ninziṅ. <sup>12</sup> Ieneṅ moczoṅ welicgégic ewagina sicsaoc waṅec. Waṅu eṅaocnec qesiamuma zégic; Imuac hénia imi dimuhuc? <sup>13</sup> Waṅu ic tosara eneṅ zézerec waṅ énécmima zégic; Ic youmi doku seli siṅaguc imuac kuhanéh qerigina sécgézac.

*Peteronéh kiwi baec icnéṅ ménda memeya imuac hénia énézéyec.*

<sup>14</sup> Imuhuc zégic Peteronéh Yesuac Mélíméli ic 11 iniguc namma ewaya mema yacma yomuhuc énézéyec; Yuda ic alahécna zéma ic embac Yerusalem kecaṅzu ini moczoṅ, neṅ hénia zéasari énécmima ac zémaṅ imuac gezacgina haima niṅgic. <sup>15</sup> Ini ninzu ésécnec qahac. Ic youmi doku selinéṅ ménda mesoho énécmizac. Kaiwe kiwa imi siṅunec 9 kilok sac wanzac. <sup>16</sup> Qahac, iwawai imi Anutuac tiliṅ tiliṅ ic Yoelnéh zéyec ésécnec hicṅizac. <sup>17</sup> Miṅ Kewunéh yomuhuc zézac; Kecma nalé tetecgiaiguc ni Uṅana ic embac momac yanda séc pocgé énécmiwa nambérac

---

† 2:9: Asia komora zéanziṅ imi deguc Téki taczac baec imuac qara.

hécgina ienen iwawai kecma hicñimac imuac ara zéaumu. Wañu sac qeli enen Anutuac tilin tilinçiguc séséc hicñi énécmiyu hémmu. Wañu ic embac yanda ienen gau hémmu. <sup>18</sup> Wañu nalé imuaru ni Uñana imi welen qeçe ic me embachéna pocgé énécmiwa ienen iwawai kecma andiaiguc hicñimac imuac ara zému. <sup>19</sup> Wañu énézéwa ou kurumeñiguc kiwi welic welicgia, emu baeciguc asé kiwiac haka héniya héniya hémmu. Imi mia sac zéma geric bélañ zéma hofac kondun wéséséya. <sup>20</sup> Kaiwe kiwanén melemma sinji wañu maso kiwa imi sac sac wañuguc Miñ Kewuac nalé yanda asahaguc imi hamac. <sup>21</sup> Wañu méñnéñ méñ Miñ Kewuac qara qacanzuiguc kápésic igucnec añgégina tiénécmimañ.

<sup>22</sup> Israel ic embac, ac youmi niñgic; Ini ninzu ésécnec, Anutunén sugginaiguc haka kuc yandayaguc zéma kiwi méréra héniya héniya zéma asé kiwiac haka héniya héniya imi Yesuac muru mema Yesu Nazaretenec i héipucya wammiyec. <sup>23</sup> Ic imi mia, Anutunén haka imi ménda hicñiyecnec nimma ewaya dérécgéyu heyec séc onac muru oporu enen ic Moseac hena ac ménda niñgic ionac méraginaiguc haigic biriñnéñ qegic humuyec. <sup>24</sup> Wañu humucnéñ i késamacac séc qahac wañu Anutunén humucac zéra igucnec hulacmima meqeli miyec. <sup>25</sup> Dawidinén iwac niñac yomuhuc zéyec; Ni hémba Miñ Kewunén nalé séc wésénaiguc kecanzac. Wañu inén nuac héinaiguc nañu ni qeka meka ménda wammañ. <sup>26</sup> Imuac niñ ewana ségiségi wañu ezelañnanén mepési miyu séwina

imuhucyanec yacyarawac mambéc kecmac. <sup>27</sup> Hénia imi yomuhuc; Gi ni humumia ionac baec dumuŋaiguc ménda waina hemaŋ. Waŋu guac Icga Téréya ménda waimina houmac. <sup>28</sup> Geŋ nézéna, keckecac hénaya héŋi. Geŋ wéségaiguc ségiségi imi nuac qerinaiguc haina sécgémac.

<sup>29</sup> Dac munahécna ni ac yomi efima hia énézémaŋac séc; Yandanina Dawidinéŋ humuyu téngégic iwac kic suaŋa imi sucninaiguc heyecac érékecma deguc hezacnec. <sup>30</sup> Waŋu i imi Anutuac tiliŋ tiliŋ ic kerec imuac niŋ Anutunéŋ iwac qelihéra sucnina igucnec méŋ kumuyu iwac ic kewu tataciguc tacmac niŋac ac selianec zikima ézéyu niŋec. <sup>31</sup> Iwawai hicŋimac imi héŋtegiema Kristoac yacyacwac niŋac yomuhuc zéyec; I humumia ionac baec dumuŋaiguc ménda waimiyu heyec. Iwac séwiyanéŋ ménda houyec. <sup>32</sup> Anutunéŋ Yesu imi meqeliyu yarec. Waŋu neŋaŋ moczoŋ haka imuac héipuc ichéra wamma kecziŋ. <sup>33</sup> Anutunéŋ meyacmiyu inéŋ iwac héiyaiguc emma ac ziki nénécmiyec séc Maŋgocac murunec Uŋa Téréya mema pocgé nénécmiyu iwawai imi mia hémma ninzu. <sup>34</sup> Dawidi inéŋ kurumeniguc ménda eŋec. Waŋu inéŋ yomuhuc zéyec; Miŋ Kewunanéŋ‡ nuac Miŋ Kewuna§ yomuhuc ézéyec; Nuac héinaiguc tacna. <sup>35</sup> Tacnanec neŋ guac hazéchécga onopocba guac hénagawac hena titiga wammu. <sup>36</sup> Imuac niŋ Israel ama séc ic embac moczoŋ yomuhuc niŋ yacgému; Ini Yesu ic héŋgeŋa wéndaraiguc qegic

---

‡ **2:34:** Hebiraió aciguc; Yawe. § **2:34:** Hebiraió aciguc; Adonai.

Anutunéŋ i Miŋ Kewu zéma Kristo kumuyec.

<sup>37</sup> Imuhuc zéyu ic embac ieneŋ ac imi niŋgic qerigina néyu Petero zéma Yesuac Mélíméli ic tosara ionac énézéma zégic; Dac munahécnina, nini dimuhuc wambiŋ? <sup>38</sup> Imuhuc zégic Peteronéŋ melemma zéyec; Ini moczoŋ yanda, ewa qerigina melenjic késpedesgina wai énécmimacac niŋ Yesu Kristoac qaraiguc doku naec énécmiŋi ewa hiawac Uŋa Téréya énécmiyu memu. <sup>39</sup> Sésépac ac imi, ini zéma qelihécgina zéma ic embac lakec keczu séc Miŋ Kewu Anutuninanéŋ héihéré énécmimac ionac buŋa wammac. <sup>40</sup> Imuhuc zéma inéŋ ac sasala ménj torogema héipuc wamma meseli énécmima zéyec; Eneŋ hicŋisai biria yomi onarunec aŋgégina tiénécmiyu érému! <sup>41</sup> Imuhuc zéyu ic embac tosara iwac ara késagic séc doku naec énécmigic nalé imuhucgeŋ zaŋgégina 3,000 imuhuc ésécnecc tunjinaiguc toroqe énécmigic. <sup>42</sup> Waŋu Yesuac Mélíméli ic ieneŋ ku énécmigic imuac séciguc selianec nammanec ala waŋamuma saméŋ kuma nema zéwelec ai imuac opocamuma kecagic.

<sup>43</sup> Waŋu ic embac moczoŋ zénéŋgina hiriyec. Waŋu Yesuac Mélíméli ic ieneŋ kiwi méréra héniya héniya zéma asé kiwiac haka méréra sasala megic hicŋiyec. <sup>44</sup> Waŋu ninzéh ninzéh ic ieneŋ momacnec tacyac wamma iwawaigina imi nuaru qahac guaru qahac momacnec mema kecaŋgic. <sup>45</sup> Kecma ménjnéŋ ménj iwawai ménj niŋac osigiciguc aigina me iwawaigina haima soukiwaya mema sécgina énécmiaŋgic. <sup>46</sup> Waŋu nalé séc ewa momacguc wamma ocmuŋ téréyaiguc



toçgéaŋgic. Waŋu amagina séc ewa hia zéma ewa héla nimma saméŋ kuma amunec qamunec wamma neaŋgic. <sup>47</sup> Haka imuhuc wamma Anutu mepésigic ic embac ieneŋ eegina héiénécmigic kecaŋgic aŋgéŋ tiénécmimia ionac zaŋgégina imi Miŋ Kewunéŋ toroqe énécmiyu eŋec.

### 3

#### *Peteronéŋ ic puriŋ méŋ mehiaruyec.*

<sup>1</sup> Zéwelecac kaiwe kiwa maria 3 kilok imuhucgeŋ Petero zéma Yohane iereŋ ocmuŋ téréyaiguc eŋoc. <sup>2</sup> Waŋu ic méŋ neŋgocyawac qeria igucnec puriŋ hicŋjima kekera imi ic tosaraneŋ duŋaguc huama hagic. Ic imi mia ic tosara ocmuŋ téréyaiguc eŋeŋ mama waŋgic iwawai méŋ niŋac qesiénécmimac niŋ kaiweya kaiweya nagu méŋ Naguc soroc zéaŋgic imuaru haigic tacaneŋ. <sup>3</sup> Ic iminéŋ Petero zéma Yohane iereŋ ocmuŋ téréyaiguc embiŋ zé waŋgic iricma iwawai niŋac welec érécmiyec. <sup>4</sup> Weleru Peteronéŋ Yohaneguc héŋsosolima yomuhuc ézéyec; Niri niricna. <sup>5</sup> Zéyu inéŋ iorarunec iwawai méŋ memaŋ zé mambécma iricsosoliyec. <sup>6</sup> Iriŋ Peteronéŋ yomuhuc zéyec; Siliwa zéma goli imi ni ménda késa kecza, waŋu iwawai késakeczua imi gémmaŋ. Nazarete ic Yesu Kristoac qaraiguc yacma kenna. <sup>7</sup> Imuhuc zéma méra héiyaiguc késama méra miyu imuhuc geŋnec hena tawéya zéma hénayawac giniŋa imi kuhaguc waŋec. <sup>8</sup> Imuhuc wamma seligiyyu técgéma yacma hénima kemma iriguc ocmuŋ téréyaiguc emma tima kemma técgéma kemma

Anutu mepésiyec. <sup>9</sup> Wañu inéñ tima kemma Anutu mepésiyu ic embac moczoñ yanda ieneñ i héngic. <sup>10</sup> Hémma ic iminéñ Nagu sorociguc tacma iwawai niñac welec énécmianec ic imi mia zéma héntegicma haka hicñimiyec imuac muñguc yanda welicgéma aurigic.

*Peteronéñ welicgéma tocgégic  
imi onac ac énézézec.*

<sup>11</sup> Ic iminéñ Petero zéma Yohane érépésima keñu ic embac ieneñ aurima Solomonac luhuc ama yanda imuaru usuñec hama ionac muru tocgégic. <sup>12</sup> Wañu Peteronéñ inicma énézézec; Israel ic embac, némac niñac haka imuac aurizu? Ini niñgic nereñ norac kucnira zéma hakanira hia bianéñ ic yomi mehiaruzic esécnec wañu nirić sosolima nanzu? <sup>13</sup> Imi nereñ qahac, néñ Yesu eneñ Pilatoac mériaiguc opocgic Pilatonéñ hulacmimañ zéma ewaya zikiyec. Wañu ini iwac kic ségériaiguc Yesu qaecgémigic. Wañu yanda hécnina Abaraham zéma Isaka zéma Yakop ionac Anutunéñ eñeya welen qeçe ic Yesuac qac buña meyarec; <sup>14</sup> Eneñ ic solañ zéma téréya ménda nimmima sac naec ic méñ hulacmimac niñac zéwelec migic. <sup>15</sup> Eneñ kekec miñina qe-humugic. Wañu Anutunéñ ic humumia suggina igucnec i meqeli miyec. Wañu neñañ imuac héipuc ic wanzin. <sup>16</sup> Ic youmi hémma nimmizu, iminéñ Yesuac qara ninzénégéyu ninzén ninzéña iminéñ séwiya meselimizac. Yesuac qara zéma ninzén ninzén iwac murunec hicñimizac iminéñ ic youmi ini moczoñ yanda kicginaiguc séwiya solañ mihicñi mizac. <sup>17</sup> Wañu deguc ni

yomuhuc ninzua; Ini ménda ninasarima imuhuc wanġic. Waŋu galenġécgina ieneġ imuhucyanec. <sup>18</sup> Waŋu Anutunéġ eġeya kua meme ic ionac kuagina mema eġeya Kristonéġ qenzeġ manzeġ nimmac imi ménda hicġiyunec zédarec ac imi imuhuc meseliyec. <sup>19</sup> Imuac ewa qerigina melemma Anutuac muru hagic onac kápésicgina zuac énécmiyu. <sup>20</sup> Imuhuc wanġic Miġ Kewuac murunec tac hiahiaruac naléya hamac. Hayu inéġ Yesu Kristo becneġ kumuyec i acguc onac méli énécmimac. <sup>21</sup> Anutunéġ baec yomuac naléya hama keġec imuac suraiguc eġeya kua meme ic téréya ionac kuagina mema zéyec séc kurumeġnéġ Yesu tétécgéma heyunec iwawai moczoġ meqelimac. <sup>22</sup> Mosenéġ yomuhuc zéyec; Miġ Kewu Anutuginanéġ onac niġac dac munahécgina ionac suggina igucnec kua meme ic méġ ni ésécneġ kumuyu nammac. Waŋu inéġ ac imuhucya me imuhucya énézéyu imi moczoġ niġtohodacmu. <sup>23</sup> Méġnéġ méġ Anutuac kuaya meme ic iwac ara ménda niġtohomac imi ic embac suggina igucnec elicgéyu qahac wandacmac. <sup>24</sup> Anutuac tilinġ tilinġ ic Samuel igucnec namma éréma kua meme ic tosara ai imuac areġiguc namma zégic imi eneġ moczoġ nalé sura yomuac niġac walacnec zégic. <sup>25</sup> Eneġ imi Anutuac tilinġ tilinġ ic ionac qelihécgina zéma Anutunéġ yanda hécginaġac ac zikiyec zikizki ac imuac qelihéra. Anutunéġ Abaraham yomuhuc ézéyec; Baec séc ic embac tuġa tuġa moczoġ guac qeliga iwac murunec mériaġ memu. <sup>26</sup> Eġac eġac kápésicgina igucnec melenġ énécmima mériaġ qeénécmimaġ

zéma Anutu eņeya welenj qeqe icya kumuma walac onac muru méliyec.

## 4

*Petero zéma Yohane hésa amaiguc oropocgic.*

<sup>1</sup> Petero zéma Yohane ierenj ic embac ac énézéma nanjic hofac oo ic zéma ocmuņ téréyawac deminj galeņ kunenjingina zéma Sadukaio ic ienenj iorac muru hagic. <sup>2</sup> Ierenj ic embac ku énécmima Yesuac muru humuc igucnec yacyac hezac zéma zéauyic qerigina biriyec. <sup>3</sup> Biriyu érépésigic ama bec sinjyec imuac niņ hésa amaiguc oropocgic heyicnec ama gianjyec. <sup>4</sup> Waņu acgira niņgic ionac suggina igucnec sasalanénj ninzénjégic ic embac zaņgégina 5,000 éséc waņec.

<sup>5</sup> Ai meme imuhucgeņ séwiac galeņ zéma qeriac galeņ zéma hena acac kiwi ic tosara Yerusalem amaiguc tocgégic. <sup>6</sup> Héfac oo ic kunenjingina Hanasi, zéma Kayafa, Yohane, Aleksande zéma hofac oo ic kunenjingina iwac sac kitichéra ienenj momacnec kecgic. <sup>7</sup> Ienenj Petero zéma Yohane sugginaiguc oropocgic nanjic yomuhuc qesiéércmigic; Némac kuc zéma mérac qaciguc ai imi mezaoc? <sup>8</sup> Qesigic Petero imi Uņa Téréyanénj qeriaiguc kuaya qeyu yomuhuc énézéyec; Hénaorinj neņañ séwiac galeņ zéma Israel neņañ qeriac galeņ hécnina, <sup>9</sup> Ic puriņa imi haka hiabia wammiyic imuac némaciguc mehiaruyoc zéma niri deguc aciguc gési nérécmizuiguc, <sup>10</sup> Ini zéma Israel ic embac moczoņ yomuhuc niņasarimu; Ini Yesu Kristo Nazaretenc i ic héņgeņa wéndaraiguc qehumugic Anutunénj

humuc igucnec meqelimiyeç. Wañu iwac qaraiguc mia ic youmi hiabia soroc wamma kicginaiguc nançac. <sup>11</sup> Yesu imi merige ic eñaoc hoc mênj héñara mema gilicic kenkeña iminéñ mia ama wañgoñaiguc ama imuac hoc oruha wañec. <sup>12</sup> Képésic igucnec aňgéh titi imi mênaru mênj ménda hezac. Kurumênj bawaiguc ic neñañ muru aňgéh tinénécmimacac qac mênj ménda nénécmiyu hezac. <sup>13</sup> Petero zéma Yohane iereñ imi ic omaya, kiwi amaiguc ménda eñoc imuhuc zéma niňgic. Wañu efima kucnec zéyic nimma aurigic. Wañu becnec Yesuguc keroc imi irictegicic. <sup>14</sup> Wañu ic hiaruyec iminéñ iriguc momacnec nañu hémma zéqetali wañ érécmiwiñ zéma osigic. <sup>15</sup> Wañu érézégic gésigési ic ionac murunec waima hiňgaric eñaçnec yomuhuc eminimma zégic; <sup>16</sup> Neñañ ic éréhéc imi dimuhuc wañ érécmiwiñ? Kiwi méréra eñeña wañic ic embac Yerusalem keczu ieneñ moczoñ buña imi nindacgic. Wañu neñañ imuac qaecgéwiñac séc qahac wañçac. <sup>17</sup> Ic embac ionac sugcinaiguc iwawai imi ménda saima kemmac niñac Yesuac qaraiguc ic mênac mênj, ac mênj muňguc ménda zémaoc niñac zétericgé érécmima zéseli érécmiwiñ. <sup>18</sup> Imuhuc zémaguc muňguc héihéré érécmima Yesuac qaraiguc méndagucnec zéma ku énécmimaoc niñac zéseli érécmigic. <sup>19</sup> Zégic Petero zéma Yohane iereñ yomuhuc melemma zéyoc; Anutuac kic ségériaiguc Anutuac ara waima onac acgina méndacbic iminéñ hia me qahac imi eñaoc niňgésigic. <sup>20</sup> Niri imi iwawai hémma niñic imi ménda zéauwicac séc qahac.

21-22 Mehiahiaruac asé kiwiya hicñiyec ic iwac yawuŋa imi 40 ogirec imuac niŋac ic embac moczoŋ haka hicñiyec imuac Anutu mepésigic. Imuac dimuhuc yéwéri érécmiwiŋ zé osima muŋguc zétericgé erécmima wai érécmigic keŋoc.

*Ninzéŋ ninzéŋ ic ieneŋ zéwelec waŋgic.*

<sup>23</sup> Kemma Petero zéma Yohane iereŋ ekan ic embac ionac muru liliŋgéma kemma ho-fac oo ic kiwa zéma qeriawac galeŋ ieneŋ ac érézégic imi moczoŋ énézédaroc. <sup>24</sup> Zéyic ieneŋ nimma momac yanda ewa maracgina meyacma Anutu welecmima zégic; Miŋ Kewu yanda, Anutu! Geŋ baec kurumeŋ zéma kon-duŋ zéma iwawai moczoŋ yanda imuac qeri-aiguc hezac imi zéna hicñiyec. <sup>25</sup> Geŋ Uŋaga Téréya mélimima weleŋ qeqega Dawidi, neŋaŋ yandanina iwac kuaya mema yomuhuc zénecc; Némac niŋac baera baera i hazéc wammizu? Waŋu imuac ic embac ieneŋ aigina héla qa-hac imuhucya mewiŋ zé sasangaiguc ac zézu? <sup>26</sup> Anutu zéma iwac halécnéŋ météré mimia iorac hazéc waŋ érécmiwiŋ zéma baecac ic kewuhéra ieneŋ yacma nanzu, waŋu séwiac galeŋ eneŋ momacnec tocgézu. <sup>27</sup> Hélécnec, imuac séciguc ama areŋa yanda yomuhucgeŋ Herode zéma Pilato iereŋ baec méŋunec méŋunec ic embac zéma Israel ic embac iniguc guac weleŋ qeqe icga téréya Yesu halécnéŋ météreminec i hazéc wammima tocgégic. <sup>28</sup> Imi eneŋ geŋgaoc iwawai méŋ hicñimacac zéma guac ewa siŋga zéma méraga kuhanéŋ becnec niŋareŋgénecc imuac mia wambiŋ zéma tocgégic. <sup>29</sup> Miŋ Kewu

deguc zéteric tericgina imi hémma guac welen qeqehécga nanjé nénécmína zénéngina ménda hiriyu ackuazécga imi zéauwiñ. <sup>30</sup> Wañu méraga suluma hafi mehiaruma waina kiwi méréra zéma asé kiwiac haka hénia hénia guac welen qeqe icga téréya Yesuac qaraiguc hicñimac. <sup>31</sup> Imuhuc zéma welecgic tecgéyu ama tocgéma tacgic iminéñ hiriyu ienenñ moczonñ Uña Téréyanéñ qerigina kuaya qeyu zénéngina ménda hiriyu Anutuac ackuazéc zéaugic.

*Ninzéñ ninzéñ ic ienenñ ewa momac wamma kecgcic.*

<sup>32</sup> Ic tunñ ninzénngéic ienenñ ewa qeri momacguc wamma méñnéñ méñ iwawaigina méñ niñac guaru qahac nuaru qahac ménda zéma momacnec mema kecangic. <sup>33</sup> Wañu Mélíméli ic ienenñ kucgina seliaguc Miñ Kewu Yesuac yacyarawac héipucya wamma toroqema zéaugic Anutuac ewa hianéñ qacginu heyec. <sup>34 (34a)</sup> Heyu naléya naléya ic embac baec me ama gericginaguc ienenñ iwawai imi haigic megic soukiwaya mema haangic. <sup>35</sup> Hama Yesuac Mélíméli ic ionac hénaginu haigic méndémma ic tosara iwawai méñ niñac osigic séc énécmigic, <sup>(34b)</sup> sugcinaiguc méñnéñ méñ iwawai méñ niñac ménda osigic. <sup>36</sup> Wañu Rewi ic méñ qara Yosefe, Kipuro baec zékéña igucnec keru Mélíméli ic ienenñ iwac Banaba zémiañgic. (Imuac hénia imi ewa qeri meme seli wañ énécmimiawac naña.) <sup>37</sup> Inéñ ai méñ késa kerec imi haiyu megic soukiwaya mema hama Mélíméli ic ionac hénaginaiguc haiyec.

## 5

### *Anania zéma iniña Safira.*

<sup>1</sup> Wañu ic mén qara Anania inén iniña Safira i guc iwawaigira haima sokiwa meyoc. <sup>2</sup> Wañu inén boña bakia musañgyu heyu, iniñanén momacnec niñec. Wañu bakianec mema hama Méliméli ic ionac hénaginaiguc haiyec. <sup>3</sup> Haiyu Peteronén zéyec; Anania, némac niñac Biria miñinanén qeriga sécgéyu Uña Téréya ikoc wammima baecgawac boña bakia musañgézan? <sup>4</sup> Iwawai hegéjec imi geñga buña ménda heyec me? Wañu haima soukiwa menec imi geñga buña ménda heyec me? Imi moczon geñga, nén némac niñac haka imuhucya guac qerigaiguc niñarengéma kecne? Ic ionac qahac, nén gi Anutu ikoc wammizan. <sup>5</sup> Imuhuc zéyu Ananianén nimma humuma mama qeyec. Wañu haka hicñiyec imi niñgic séc zénéngina kunen yanda hiriyec. <sup>6</sup> Humuyu sac qeli merac enen hama qamocya osoma huama kemma téngéjic.

<sup>7</sup> Kaiwe kiwa 3 kilok kenju iwac iniñanén haka hicñiyec imi ménda niñtegicma hama éréyec. <sup>8</sup> Éréyu Peteronén qesimiyec; Nézéna youmi gi zéma Anania baec imi wai énécmima boña meyoc imuac sécyá wanzac me? Zéyu inén zéyec; Oo imi sécyá wanzac. <sup>9</sup> Zéyu Peteronén ézéyec; Dimuhuc Miñ Kewuac Uña Téréya batucgéwic zéma ewa momac wañoc? Inicna, ic tosara euga téngéma lilingéma hama naguiguc nanzu. Wañu ienen gi momacnec huagémma kemmu. <sup>10</sup> Zéyu imuhuc geñnec i acguc humuma iwac hénayaiguc mama qeyec. Wañu sac qeli merac ienen éréma héngic



qamoc mén hicnima heyu hémma huama mama kemma iwac euyawac qéhéréñaiguc téngégic. <sup>11</sup> Hénaorin zéma ic embac haka imuac surucya ninjic séc zénéngina kuney yanda hiriyec.

*Mélíméli ic eney ic embac hafiginaguc sasala mehiaru énécmigic.*

<sup>12</sup> Mélíméli ic ienen méragina suluma ic embac sugginaiguc asé kiwiac haka zéma kiwi mérera héniya héniya megic hicniyu ic embac sasala ewa momac wamma Solomonac luhuc ama yandaiguc tocgéangic. <sup>13</sup> Wañu tosanéné ionac muru ménda efima toroqegic. Wañu ic embac ienen Mélíméli ic ionac ninjic eneyña wañec. <sup>14</sup> Wañu ic zéma embac momacnec tunja tunja muñguc yanda ninzéhégéma Minj Kewuac muru toroqegic. <sup>15</sup> Imuac nin Peteronéñ hama keñu irecyanéñ osiénécmimacac nin ic embac hafiginaguc onagicma hama hena yandaiguc hehe duñgina me aturu heheginaiguc onopocgic hegic. <sup>16</sup> Wañu ic embac sasala ama areña kuney kuney séc Yerusalem lelec lelec tacma keñec imuacnec ienen imuhucyanec ic embac hafiginaguc zéma tosara uña birianéñ wañu qenzen manzen qeangic imi onagicma hagic. Wañu hagic séc moczon hiarudacgic.

*Kua meme uñanéñ Yesuac Mélíméli ic hésa ama igucnec hulac énécmiyu magic.*

<sup>17</sup> Wañu hofac oo ic eneyña zéma tosachéra Sadukaio tunaguc kecgic imi eney qeri biric nimma yacgic. <sup>18</sup> Yacma Yesuac Mélíméli ic énépésima ic embac kicginaiguc hésa amaiguc onopocgic. <sup>19</sup> Wañu sinjyaiguc Minj Kewuac kua

meme ujanén hésa amawac naguya naguya auma onagicma mama yomuhuc énézéyec; <sup>20</sup> Kemma ocmuñ téréyaiguc namma kekecac ackuazéc imi moczoñ ic embac énézédacmu. <sup>21</sup> Imuhuc zéyu ama gianñ gianñiguc ocmuñ téréyaiguc emma ackuazéc ku énécmigic. Wañu hofac oo ic eñeña zéma tosachéra hama Sanhederin kaunsol zéma Israel qerawac galenñ moczoñ énézégic tocgégic. Wañu Yesuac Mélíméli ic onagicma hamu niñac ic tosara hésa amaiguc méli énécmigic. <sup>22</sup> Wañu ocmuñ téréyawac galenñ meme ic ieneñ kemma hésa amaiguc ménda mihicñi énécmima lilingéma hama énézégic. <sup>23</sup> Énézéma yomuhuc zégic; Kemma hénni hésa ama imi naguya zikigic taczacnec. Wañu awiawi ic ieneñ nagu séc nañgic. Wañu qeri séwélawac naguya naguya auma qeriaiguc ic ménñ ménda mihicñiziñ. <sup>24</sup> Ama ocmuñ téréyawac deminñ galenñ kunenñina zéma hofac oo ic kiwa hécgina ieneñ acgina nimma haka imi yandima némac tanec wammac zéma niñgic sicsaoc wañec. <sup>25</sup> Wañu ic méñnéñ hama énézéma zéyec; Ninzu, ic tosara hésa amaiguc onopocgic imi eneñ ama téréyaiguc namma ic embac ackuazéc ku énécmizu. <sup>26</sup> Zéyu galenñ iminéñ ai ichéra iniguc kemma onagicma hagic. Wañu ic embac ieneñ hocnéñ nunuwu niñac zéma bacgina yandiyu bénzérñec onagicma hagic.

<sup>27</sup> Hama onopocgic kaunsol kicginaiguc nañgic hofac oo ic eñeñaginanénñ qesiéncmima zéyec; <sup>28</sup> Ic iwac qaraiguc ic embac ackuazéc ménda ku énécmimu niñac selianec zéseli énécmiyiñ.

Waŋu ini héna acgina imi ku énécmigic Yerusalem ama séc sécgédaczac. Waŋu ic iwac sacya niŋac Anutunéh imuac bakia melenj nénécmiyu neŋaoc bisiwij niŋ wanzu? <sup>29</sup> Zégic Petero zéma Yesuac Mélíméli ic tosara ieneŋ yomuhuc melemma zégic; Ic onac ackuazéc tohowij zé Anutuac ackuazéc waiwiŋac séc qahac. <sup>30</sup> Eneŋ Yesu ic héŋgeŋa wéndaraiguc qehumugic. Waŋu imi mia yanda hécnina ionac Anutunéh meqeliyu yarec. <sup>31</sup> Israel ic embac ewa qerigina melenjic késpedesgina wai énécmimacac niŋ Anutunéh méra héiyanéh i wagicma emma ic kewu zéma aŋgéh titi icninawac kumuyec. <sup>32</sup> Nini haka imuac héipuc ic wanzij. Waŋu Anutunéh méhénéŋ ménj ara tohogic ionac Uŋa téréya énécmiyu Uŋa Téréya iminéŋ imuhucyanec héipuc wanzac.

<sup>33</sup> Imuhuc zégic niŋgic qerigina kileŋ yanda biriyu unuhumuwiŋ zé waŋgic. <sup>34</sup> Imuhuc waŋgic méhénéŋ sugina igucnec yarec. Ic imi Farisaio ic, qara Gamaliel, Héna acac kiwi ic, waŋu ic embac moczoŋ yanda eeya héiaŋgic. Inéh Yesuac Mélíméli ic onagicma komora ménj séhgaŋgeŋ kemma nammu niŋac énézéyec. <sup>35</sup> Imuhuc wammaguc yomuhuc énézéyec; Israel ic, ic imi onac iwawai ménjac ménj waŋ énécmiwiŋ zé haka imuac hiabianec niŋgésimu. <sup>36</sup> Hénia zéwa niŋgic, becneŋ Teuda hiçjima eŋeya niŋ ménjac séciguc séwiya meemma zéyu iwac muru ic zaŋgégina 400 imuac séc toroqegic. Waŋu qegic humuyu ic méndacmigic séc héndéh amuma kendacgic, héla qahac waŋec. <sup>37</sup> Imuac andiaiguc qac meme naléyaiguc Galilaia ic Yudanéh hiçjima

ic tun yanda héihéré énécmiyu méndacmigic. Wañu i imuhucyanec humuyu méndacmigic ienené héndén amuma kendacgic. <sup>38</sup> Imuac ni degucguc énézézua, ic ionac murunec lakec namma wai énécmigic kecgic. Ninin arengia zéma aigina iminéñ ic ionac murunec hicñizaciguc birima maqemac. <sup>39</sup> Wañu Anutuac murunec hazaciguc enen mebirimuac séc qahac wammac, néñ Anutuguc eumu tanec wambac niñac. <sup>40</sup> Imuhuc énézéyu ara tohoma Yesuac Mélíméli ic unurugic érégic kémbinénéñ unuma Yesuac qaraiguc ac méné ménda zému niñac zéselima wai énécmigic kenñic. <sup>41</sup> Wañu Yesuac Mélíméli ic enen Sanhederin kaunsol wai énécmima kemma Anutunénéñ niñu nini Yesuac qara niñac mema titi wañ nénécmiwu éséc wañzac zéma nimma ségiségi wañgic. <sup>42</sup> Wañu ienené méndagucnec waigic, néñ kaiweya kaiweya ocmuñ téréya me amagina séciguc Yesu imi Kristo zéma zéauma buña suruc hiabia ku énécmiañgic.

## 6

### *Yesuac Mélíméli ic ienené ai ic 7 kumu énécmigic.*

<sup>1</sup> Wañu nalé imuhucgeñ Yesuac tohotoho ichéra zañgégina toroqema enec. Enu Yuda ic tosara Hebiraio ac zéañgic ienené naléya naléya maqeqeya galenñgé énécmima Yuda ic tosara Girik ac zéañgic ionac maléhécgina méragina ménda énécmigic. Wañu Yuda ic Girik ac zéañgic ienené enacnec ewa héténgina memama haka imuac Hebiraio ic zébiri énécmigic. <sup>2</sup> Imuhuc wañgic Mélíméli ic ienené tohotoho ichéra tocgé

énécmima zégic; Nini Anutuac ackuazéc ménda zéauma nene yaka méndéñ énécmimanec kecbiñ imi haka hiabia qahac. <sup>3</sup> Dac munahécnina sugginaiguc ic 7 Uña Téréya zéma ninjegic qinjegic sécgé énécmiyu eegina héiéncmianzu imi mihicñi énécmigic neneñ ai imuac kumu énécmiwiñ. <sup>4</sup> Wañu neneñ imi zéwelec ai zéma ac téréyawac ai sac toroqema mema kecbiñ. <sup>5</sup> Zégic ac iminéñ hénaoriñ moczoñ yanda ionac ewagina mehiaru énécmiyu ieneñ ic youmi mihicñi énécmigic; Ninzén ninzén zéma Uña téréya sécgémimia Stefano imi zéma Filipo, Porokoro, Nikano, Timon, Pamena, zéma Antiokia ic Nikolao, wañu Nikolao inéñ becaru melemma Yuda hénaiguc toroqema kekera. <sup>6</sup> Wañu ic imi Yesuac Mélíméli ic ionac kic ségéra ginaiguc hai énécmigic nañgic walac zéwelecmaguc méragina orucginaiguc hai énécmima mozocgé énécmigic.

<sup>7</sup> Wañu Anutuac ackuazécnéñ saima keñu Yesuac tohotoho ichéra ionac zanéginanéñ Yerusalemiguc kuneñ yanda toroqema eñec. Wañu hofac oo ic sasalanéñ ninzén ninzén imi tohogic.

*Stefano késama aciguc haigic.*

<sup>8</sup> Ewa hia zéma kuc sécgémimia Stefano inéñ ic embac sugginaiguc kiwi welicwelicgia zéma asé kiwiac haka icnéñ ménda memeya imi sasala meyec. <sup>9</sup> Wañu tocgotocgo ama ménac hénaoriñ qacgina Ic hulac énécmimia\* ionac murunec tosara Kirene, Aleksandria, Kilikia, zéma Asia

---

\* **6:9:** Yuda ic tunj mén Roma baec yandaiguc ziki sipacgina qahac kekera.

baec igucnec hagic ieneḡ momacnec yacma Stefanoguc zééḡ zéma wamma ac zégic. <sup>10</sup> Waḡu Stefanonéḡ Uḡa Téréyaguc ac hiabianec niḡareḡ wamma zéyu ieneḡ ara melemmuac séc qa-hac waḡec. <sup>11</sup> Waḡu ieneḡ ic tosara zénaḡgé énécmigic yomuhuc zégic; Nini hénni Stefanonéḡ Mose zéma Anutu zébiri érécmizac. <sup>12</sup> Imuhuc zéma ic embac zéma qerawac galéḡ zéma héna acac kiwi ic ionac qerigina éségic iwac muru hama késama kaunsol onac muru wagicma keḡgic. <sup>13</sup> Kemma héipuc ic ikora onopocgic namma yomuhuc zégic; Ic youmi imi ocmuḡ téréya zéma héna ac imuac nalé séc zébirianzac. <sup>14</sup> Nini imi inéḡ Yesu Nazareteneḡ iminéḡ ama youmi hézéggéma haka silic Mosenéḡ mema mama nénécmiyec imi melleḡu qelia wammac imuhuc zéyu niḡanzḡ. <sup>15</sup> Zégic kaunsol moczoḡ yanda imuaru tacgic imi eneḡ Stefanoac hémma héḡ waḡgic iwac kic tanera imi kua meme uḡa ionac kic tanec ésécneḡ waḡec.

## 7

### *Stefanonéḡ Yesuac hénia zéasariyec.*

<sup>1</sup> Waḡu mulu memeac icya ionac eḡeḡaginanéḡ qesimima zéyec; Ac imi hélacneḡ me? <sup>2</sup> Zéyu Stefanonéḡ yomuhuc zéyec; Dac munahécna zéma maḡgoc hécna acna zéwa niḡgic; Yandanina Abaraham Haran baeciguc ménda kemma kecma Mesopotamia baeciguc kerunec Anutu odamuyagucnéḡ hicḡimiyec. <sup>3</sup> Hicḡimima yomuhuc ézéyec; Gi ama baecga zéma areḡhécgga wai énécmiḡa neḡ baec ménḡ gézéwa hémbésémaḡ

imuaru kembésémaŋ. <sup>4</sup> Imuhuc ézéyu inéŋ Kaldia ic ionac baec imi waima Haran baeciguc kemma kerec. Keru maŋgocya humuyuguc Anutunéŋ eneŋ deguc keczu baec yomuaru wagicma hayec. <sup>5</sup> Hama inéŋ baec yomuaru iwawai ménŋ ménda waimima baec titiŋa ménŋ ménda miyec. Waŋu Anutunéŋ Abaraham meracya ménŋ qahac kerunec eŋeya zéma andiaiguc qelihéra ieneŋ baec yomi késamu niŋac ac zikimiyec. <sup>6</sup> Waŋu ac Anutunéŋ ézéyec imi yomuhuc; Iwac qelihéra ieneŋ ic méréra ionac baeciguc ic kian kemma kecmu. Kecgic baec miŋina ieneŋ welenŋ qeénécmimuc niŋ énépésima yawuŋ 400 séc ziki sipacgé énécmimu. <sup>7</sup> Waŋu welenŋ qemuac niŋ énépésimu ionac baec yanda imuac ic embac imi niŋgési énécmima bakia melenŋ énécmimaŋ. Waŋu imuac andiaiguc qelihéra ieneŋ baec imi waima hama baec yomuaru ni welenŋ qenémmu. <sup>8</sup> Waŋu Inéŋ Abaraham séwi tasé hericheric imuac sisipac ac imi zémiyec. Waŋu naŋa Isaka héri haima mema keru kaiweya 8 waŋu séwi taséya hericheric imuac haka waŋec. Waŋu Isakanéŋ Yakop mihicŋiyec. Waŋu Yakobonéŋ yanda hécnina 12 mihicŋi énécmiyec.

<sup>9</sup> Waŋu yanda hécnina ieneŋ Yosefeac nimbupuc wammima soukiwa niŋac waimigic késama Izipte baeciguc keŋgic Anutunéŋ i guc kerec. <sup>10</sup> Kecma zéra béra moczoŋ imuac qaha igucnec metecgéma ewa hia nimmima niŋtegitic qinŋtegiticac kuha miyu Izipte ic kewu Faraonéŋ héŋu hiaruyu Izipte héŋgalenŋ ama areŋa yanda zéma eŋeya ama séc héŋgalenŋ

wammac niḡac kumuyec. <sup>11</sup> Nalé imuaru Izipte zéma Kanaan baec séc béti hicḡiyu qenḡeḡ manḡeḡ he énécmiyu yanda hécnina imi nenegina qahac kecḡic. <sup>12</sup> Waḡu Yakopnéḡ Izipte baeciguc nene hezac imuhuc zégic nimma yanda hécnina méli énécmiyu keḡic. <sup>13</sup> Waḡu muḡuc keḡic Yosefenéḡ eḡeya héniaya zéasari énécmiyu dac munahéra ieneḡ héniaya niḡic. Waḡu Farao ézéyu inéḡ Yosefeac areḡhéra héniagina wininiyu inicma niḡec. <sup>14</sup> Waḡu Yosefenéḡ dac munahéra tosara méli énécmiyu maḡocya Yakop zéma sac kitichéra moczoḡ ic embac 75 onagicḡic. <sup>15</sup> Waḡu Yakopnéḡ Izipte baeciguc mekemma kecma humuyu yanda hécnina imuhucnec humudacḡic. <sup>16</sup> Kecma qamoc hécgina Sekemiguc mema hama baec méḡ Abarahamnéḡ becneḡ Sekem baeciguc Hamoroac qelihéra ionarunec kicsuaḡac buḡa soukiwa énécmima meyec imuaru téḡgé énécmigic.

<sup>17</sup> Waḡu Anutunéḡ Abaraham ac zikimiyec imi seligimac imuac naléya ducḡiyu Izipte baeciguc areḡhécnina ionac zaḡgégina imi muḡuc yanda saima eḡec. <sup>18</sup> Waḡu kecma ic kewu méréra méḡ Yosefeac hénia ménda niniḡanéḡ Izipte baecac galeḡ waḡec. <sup>19</sup> Waḡu ic kewu inéḡ mia areḡ hécnina tiwiqiwiliḡ waḡ énécmima zéra béraiguc onoporec. Waḡu yanda hécnina zéseli énécmiyu qelihécgina kokoc humumu niḡac demiiḡ séḡgaḡeḡiguc wai énécmiaḡic. <sup>20</sup> Nalé imuaru mia Mose hicḡiyec. Waḡu Anutunéḡ héḡu sécgéyec. Sécgéyu maḡocyawac amaiguc namu gumuyu maso haréwéc waḡec. <sup>21</sup> Waḡu



kecma winiñu waigic Farao béracyanéñ wagicma galeñgyu iwac naña wañec. <sup>22</sup> Wañu Mose imi Izipte ic ionac niniñgina imi moczoñ kumigic ara zéma wawañ memeya imi kucyaguc wañec.

<sup>23</sup> Kecma yawuñ 40 imuac séc wañu kemma Israelac qeli, dac munahécna inicmañ zéma qerianéñ niñec. <sup>24</sup> Kemma Izipte ic méñnéñ Israel ic méñ eñ qeyu iricma ic méñ yéwériyaguc iwac saiwa wammima Izipte ic imi bakia melenmima qehumuyec. <sup>25</sup> Wañu inéñ dac munahécna ieneñ Anutunéñ mérananéñ yéwérigina igucnec metecgé énécmimac imi niñasarimu imuhuc zéma niñec, néñ ieneñ imi ménda niñtegcigic. <sup>26</sup> Wañu ama siñima gianñyu Israel ic éréhéc euyic muñguc winini érécmima iereñ ewa momacguc wammaoc niñac yomuhuc érézéyec; Ic éréhéc iri dara munia, wañu némac niñac mebiri amuzaoc? <sup>27</sup> Zéyu ic alaya eñ qeyec iminéñ Mose qéfacgé mima yomuhuc zéyec; Mérénéñ gi nonac galeñ zéma gésigési ic kumugéñec? <sup>28</sup> Orañ Izipte ic qehumunec imuhucyanec ni numañ zéma wanzañ? <sup>29</sup> Zéyu ac imuac niñac Mosenéñ néñgacma Midian baeciguc ic kian wamma kecma baec imuhucgeñ nanhéréraguc wañec.

<sup>30</sup> Wañu yawuñ 40 imuac tetecgia wañu, Sinai baec boña imuac hosuraiguc baec kéra kérésiaiguc Miñ Kewuac kua meme uña méñnéñ ic hésa waiyaguc imuac geric bélaña qeriaiguc iwac muru wininiyec. <sup>31</sup> Wininiyu Mosenéñ hémma kiwi imuac welicgéyec. Nimma héñ sosolimañ zéma hosuraiguc keñu Miñ Kewuac ac ewaya yomuhuc mayec; <sup>32</sup> Ni yanda hécga ionac

Anutu; Abarahamac Anutu, Isakawac Anutu, Yakopac Anutu. Imuhuc zéyu Mosenéj bac yandi yandi wamma zénéja hiriyu efima hémmacac séc qahac wañec. <sup>33</sup> Wañu Miñ Kewunéj yomuhuc ézéyec; Baec tima nanzañ imi baec téréya imuac hena usuga imi hénaga igucnec hetecgéna. <sup>34</sup> Ic embachéna Izipte baeciguc kecgic mematiti wañ énécmigic hémma héñanzua. Wañu ionac zésiaccinanéj nuruyu nimma hulac énécmimañ zéma mazua. Deguc hana neñ gi Izipte baeciguc méligémba. <sup>35</sup> Imi mia ieneñ Moseac méréneñ gi galen zéma gésigési ic kumugéñec imuhuc zéma waimigic. Néj Anutunéj ic imi mia ionac galen zéma angéñ titi icgina wammac niñac kua meme uña méliyu ic hésa waiyaguc imuac qeriaiguc hicñimima Mose méliyec. <sup>36</sup> Méliyu ic iminéj kemma Izipte baeciguc zéma Konduñ pésiaiguc zéma baec kéra kérésiaiguc haka welic welicgia zéma asé kiwi haka hénia hénia imi yawuñ <sup>40</sup> imuac séc meyu héngic onagicma hayec. <sup>37</sup> Wañu Mosenéj mia Israelac qelihéra yomuhuc énézéyec; Anutugina Miñ Kewu iminéj dac munahécgina ionac suc igucnec kua meme ic mén ni éséc imuhucya meyacmimac. <sup>38</sup> Mose inéj baec kéra kérésiaiguc azorogic sugcignaiguc yanda hécnina zéma kua meme uña mén Sinai baec boñaiguc ac ézéyec imi iniguc momacnec kerec. Wañu inéj mia ac kekecyaguc imi nénécmimañ zé meyec. <sup>39</sup> Yandahécnina ieneñ acya ménda tohoma qéfaccgéma sugcina igucnec elicgéic ewa qeriginanéj Izipte baeciguc liliñgéyec. <sup>40</sup> Wañu Aron yomuhuc ézégic;

Gi anutuac irecya mén mena iminéñ walac walac keñu méndacbiñ. Mose Izipte baec igucnec nonagicma hayec imi youmi iwac muru némac iwawai hicñiyec imi nini ménda ninziñ. <sup>41</sup> Imuhuc zéma sura imuhucgeñ burumakao merawa imuac baniaraya mema iwac muru yañ qema héfac héimigic. Wañu méraginanéñ megic iwawai imuac ségiségi wañgic. <sup>42</sup> Imuhuc wañgic Anutunéñ andé unuma wai énécmiyu ieneñ kurumeñac iwawai\* mepési énécmigic. Imuac mia kua meme ic ionac kiwiiguc ac yomuhuc hezac; Israel ama miñina eneñ yawuñ 40 imuac séc baec kéra kérésiaiguc kecma yañ mén qema lémbañ mén onéñgic me qahac? <sup>43</sup> Ini Molok imuac✧ ocmuñ zéma baniara Refan imuac ménni sikilu zéma irec tosara mepési énécmimu niñac mesorocgéma megic imi mepési énécmiañgic, imuac ni Babilon baec emañgeñ ini nesi énécmimañ.

<sup>44</sup> Yandahécnina ieneñ baec kéra kérésiaiguc héipuc ac haliginaguc kecañgic. Hali imi Anutunéñ imuac tanera Mose ézéyec séc megic. <sup>45</sup> Wañu hali imi mia yanda hécninanéñ bisima keñkecma kecgic. Wañu Anutunéñ kicginaiguc ic enia nesi énécmiyu ionac baec késagic nalé imuhucgeñ yanda hécnina Yesua méra bawaiguc kecgic imi eneñ iwawai imi bisima hagic tac énécmiyunec Dawidi galengé énécmiyec imuac naléya hayec. <sup>46</sup> Wañu Dawidi inéñ Anutuac ewa hia iwac muru hemiyu Yakopac qelihéra

---

\* **7:42:** Kembaña 43 iguc hénia imi ooyawac hezac. ✧ **7:43:** 2Ki 23:10

onac niŋ wamma Anutuac amaya memac niŋ welerec. <sup>47</sup> Waŋu i qahac, néŋ Solomonnéŋ iwac ocmuŋ téréya meyec. <sup>48</sup> Waŋu Eneŋa yanda iminéŋ amaya amaya ic méranéŋ megic imuaru ménda kecanzac. Imuac mia kua meme icnéŋ yomuhuc zéyec; <sup>49</sup> Kurumeŋ imi nuac ic kewu tatacna, waŋu baec imi nuac héna titina. Imuac niŋac ini ama dimuhucya hia menémmu? Waŋu baec dimuhucyanéŋ nuac tac niniŋac sécya hia wammac me? <sup>50</sup> Waŋu iwawai momac yanda imi mérananéŋ ménda mihiŋiyi me?

<sup>51</sup> Ini imi ewagina selia, qeri gezacgina ménda hericgic béréŋgéyec. Eneŋ yanda hécgina waŋaŋgic ésécnec nalé séc Uŋa Téréya andé qeŋe wammianzu. <sup>52</sup> Némac kua meme ic méŋac onac yanda eneŋ ménda qehéi waŋgic kerec? Ic solaŋa ménŋ hamac zégic séc unudacgic. Deguc ini imi ic solaŋa imi mia andé qema qehumugic. <sup>53</sup> Waŋu kua meme uŋa eŋeyaoc hama héna ac imi énécmiyec, néŋ kileŋdac ménda tohoanzu.

### *Stefano qegic humuyec.*

<sup>54</sup> Ac imuhucya zéyu niŋgic qerigina yaru iwac niŋ zécgina kizéŋgéigic. <sup>55</sup> Stefano imi Uŋa téréyanéŋ qeriaiguc kuaya qeyu kurumeŋiguc hiyu Anutuac kiwi asaha zéma Yesu Anutu méra héiyaiguc naŋu hémma <sup>56</sup> yomuhuc zéyec; Ninzu, ni kurumeŋ aŋgéyu Icac Naŋa Anutu méra héiyaiguc naŋu hénzua. <sup>57</sup> Imuhuc zéyu ac qeweloŋ yanda qema gezacgina hézicgéma momac yanda yacma iwac muru usuŋnec kemma qéfacgéma <sup>58</sup> ama areŋ yanda demin seliaguc imuac séŋgaŋgeŋiguc wagicma kemma

hocnéj héigic héipuc ic tosanénéj malekugina hetecgéma sac qeli ménj qara Saulo iwac héniaiguc haigic. <sup>59</sup> Wañu hocnéj héima kecgic Stefanonénj welecma ac yomuhuc zéyec; O! Miñ Kewu Yesu, gi qeri uñana késana. <sup>60</sup> Imuhuc zémaguc siminj héima kucnec yanda qacma zéyec; Miñ Kewu gi késpedesgina ionac qacginu ménda haina enj, imuhuc zémaguc gau seli heyec.

## 8

*Yesuac héniaorinj hazéc mihicñima néngacma kenja wañgic.*

<sup>1</sup> Stefano humuyu Saulonénj qehumugic imuac ewa momac wañec. Wañu nalé imuaru Yesuac héniaorinj Yerusalem kecgic ienenj hazéc yanda mihicñima Yuda zéma Samaria baec séc néngacma kendacgic. Kenjic Yesuac Mélíméli ic enjacnec ménda néngacma Yerusalemiguc kecgic. <sup>2</sup> Wañu Anutu ee héihéi wammianzu ienenj Stefano héisiac yanda wammima téngégic. <sup>3</sup> Saulo inénj amaya amaya emma ic zéma embac momacnec énépésima qatéhéré wañ énécmima héniaorinj mebiri énécmima hésa amaiguc onoprec.

*Filiponénj Samaria ama areña areña séc ackuazéc énézéyec.*

<sup>4</sup> Héndéj énécmimia imi enenj baera baera kemma ackuazéc imi zéau énécmigic. <sup>5</sup> Imuhuc wañgic Filiponénj Samaria ama areña yandaiguc hiñgacma Kristoac héniaaya zéau énécmiyec. <sup>6</sup> Wañu Filiponénj kiwi hénia hénia mema ackuazéc énézéyu tuñ yanda ienenj ewa momac wamma hémma nimma acyawac wamma

gezacgina haigic. <sup>7</sup> Hénia imi yomuhuc; Inéj zéyu kuwic biria sasalanéj ic tosara sipacgé énécmima kecgic ionac murunec qewelonj yanda qema éréjic. Wañu puriñ zéma hénia méragina biria sasala mehiaru énécmiyec. <sup>8</sup> Wañu ama arenja yanda imuaru ségiségi kunéj yanda hicñiyec.

*Séwi galen ic Simonnéj Uña Téréya boñ memañ zé wañec.*

<sup>9</sup> Wañu ama arenja yanda imuaru séwi galen ménj kerec. Iwac qara imi Simon. Inéj kuwi kuhanéj ai ikora meyu Samaria ic embac ieneñ hémma welicgégic eñeya niñac ic kunéj zéamuma kecañec. <sup>10</sup> Wañu eñeña mamaya momacnec iwac gezacgina haima, Ic youmi Anutuac kuc kunéj yanda késakeczac zéañjic. <sup>11</sup> Wañu nalé horua yanda gété manira ai iminéj ewagina mesoho énécmiyu méndac mianjic. <sup>12</sup> Wañu Filiponéj Anutuac héngalenj ama arenja yanda zéma Yesu Kristoac qac buña zéau énécmiyu ninzénégic ic embac momacnec doku naec énécmiyec. <sup>13</sup> Imuhuc wañu Simon imuhucnec ackuazéc ninzénégéyu doku naecmiyu Filipo méndacmiyu Filiponéj séséc hénia hénia zéma kuc yanda mewininiyu hémma welicgéyec.

<sup>14</sup> Yesuac Mélíméli ic Yerusalem kecgic ieneñ imi Samaria ic tuñ ieneñ Anutuac ackuazéc késaniñ wañjic zégic nimma Petero zéma Yohane ionac muru méli énécmigic keñoc. <sup>15-16</sup> (Wañu imuaru héniorij imi hakecma ménac ménj Uña téréyanéj ménda mayecnec, ieneñ Yesuac qaraiguc dokunec sac naecgic,) imuac niñ iereñ mekemma Uña téréyaguc wammu

niṅac zéweleroc. <sup>17</sup> Waṅu Yesuac méliméli ic éréhéc ieren méragira orucginaiguc haiyic Uṅa Téréya megic. <sup>18</sup> Simon imi Yesuac méliméli ic ieren méragira orucginaiguc haiyic Uṅa Téréya énécmiyu hémma soukiwa érécmiyec. <sup>19</sup> Érécmima yomuhuc érézéyec; Kuc buṅa imuhucya ni momacnec néjic ic embac ménac mén orucginaiguc mérana haiwa Uṅa téréyaguc wammac. <sup>20</sup> Imuhuc zéyu Peteronéj yomuhuc ézéyec; Gi Anutuac sese imi soukiwanéj boṅa hia memaṅac zéma ninzaṅ, imuac soukiwaga imi giguc momacnec biridacmaoc. <sup>21</sup> Guac ewa qeriga imi Anutuac kiwaiguc dindiṅa qahac. Imuac hénac ac yominéj guac iwawai me ai buṅaga ménda wammac. <sup>22</sup> Qeri biricga imi melemma Miṅ Kewu welec mina qerigaiguc niniṅ imuhucya késakeczaṅ imuac késpedesga waigémmac gezaṅ. <sup>23</sup> Gémba biriawac houhouyanéj qeriga sécgéyu késpedesganéj pipigemma hezac. <sup>24</sup> Zéyu Simonnéj melemma zéyec; Iri ekaoc nuac niṅ wamma Miṅ Kewu welecmyic iwawai zézaoc imi nuaru mén ménda hicṅi némmac.

<sup>25</sup> Waṅu Yesuac Méliméli ic ieren Miṅ Kewuac ackuazéc imi héipuc wamma selima zéau énécmimaguc Samaria baec komoc komoc sasalaiguc buṅa suruc hiabia imi zéau énécmima zéau énécmima hama Yerusalem liliṅéma keṅoc.

*Filiponéj Edipia ic mén Yesuac hénac ac ézéyec.*

<sup>26</sup> Miṅ Kewuac kua meme uṅanéj Filipo yomuhuc ézéyec; Gi yacma emaṅgeṅgeṅ baec waṅgoṅa Saut iguc hiṅgacma hénac mén

Yerusalemnec hénima Gaza amaiguc hiŋgaczac imuaru kembésémaŋ. Waŋu héná imi baec kéra kérésiaiguc heyec. <sup>27</sup> Imuhuc zéyu Filiponéŋ yacma keŋu Etiopia héŋgaleŋ ama areŋa yandawac Embac garata Kandake iwac welenŋ qeŋe icnéŋ Yerusalemiguc Anutu mepésimaŋ zé eŋec igucnec mayec. Waŋu ic imi héŋgaleŋ ama areŋa yanda imuac sou kiwa moczoŋ galeŋgémac niŋac kuc yanda hemiyec. <sup>28</sup> Waŋu inéŋ liliŋgéma eŋeya karisi yanda imuac qacyaiguc tacma Anutuac tiliŋ tiliŋ ic Yesaiawac kiwi imi olomma kerec. <sup>29</sup> Waŋu Uŋa téréyanéŋ Filipo yomuhuc ézéyec; Karisi imuac hosuraiguc kemma kenna. <sup>30</sup> Zéyu Filiponéŋ usuŋnec kemma kua meme ic Yesaia iwac kiwi imi oloŋu nimma qesimiyec; Ac olonzaŋ imuac hénia ninzaŋ? <sup>31</sup> Waŋu inéŋ zéyec; Méŋnéŋ hénia ménda meyu nimma dimuhuc niŋasarimaŋ? Imuhuc zémaguc éréma tacmacac niŋ Filipo héihéré miyec. <sup>32</sup> Embac kewuac welenŋ qeŋe iminéŋ ac kiwi oloŋec imi yomuhuc; Rama merawa méŋ qehéric wammu niŋ héréma keŋanzu ésécnec hérémigic keŋec. Waŋu rama méŋ zucya héric héric ic méŋac wésiaiguc hétéŋ qahac wamma taczac imi ésécnec kuaya méŋ ménda aŋgéyec. <sup>33</sup> Waŋu mamaya waŋu didiŋanec ménda zétecgé migic. Waŋu baec igucnec kekecyá wagicgic qahac waŋec imuac mérénéŋ iwac qelihéraguc wammac hia zéwacnec?

<sup>34</sup> Waŋu garatawac welenŋ qeŋe icnéŋ melemma Filipo ézéyec; Qesigémba nézéna. Anutuac tiliŋ tiliŋ icnéŋ mérac niŋ imuhuc zézac, eŋeya



niṅac me ic ménṅ niṅac? <sup>35</sup> Qesiyu Filiponén kuaya aṅgéma ac imuaru toroqema Yesuac hénia ézéyec. <sup>36</sup> Waṅu héná keṅkecma doku ménṅiguc kereṅic garatawac welenṅ qeṅe icnéṅ zéyec; Doku you hezac imuac némacnéṅ ziki néṅu doku ménda naec némbésémaṅ? <sup>37</sup> (Méndá hezac.) <sup>38</sup> Imuhuc zéma nesinesi ic énézéyu karisi yanda imi zikigic naṅu Filipo zéma garatawac welenṅ qeṅe ic ierenṅ ekawu dokuiguc mekeṅic Filiponén doku naecmiyec. <sup>39</sup> Waṅu doku igucnec éréyc Miṅ Kewuac Uṅanéṅ Filipo wagicma keṅu welenṅ qeṅe ic iminéṅ i muṅguc ménda hémma ségiségi wamma hénaya méndacma keṅec. <sup>40</sup> Waṅu Filipo inén Azoto\* taunṅiguc wininima lelecgéma ama areṅa kunenṅ kunenṅ séc séc buṅa suruc hiabia énézéma hama Kaisarea† hadarec.

## 9

### *Miṅ Kewunénṅ Sauloac hicṅimiyec.*

<sup>1</sup> Saulo imi Miṅ Kewuac ai ichéra tericgé énécmima unuhéi waṅ énécmimacac niṅ qeria geriwaguc waṅu wéséséya héiyu érémanec naṅu hofac oo ic eṅeṅa iwac muru keṅec. <sup>2</sup> Kemma ménṅnéṅ ménṅ héná qelia imi méndacma keczuiguc mihicṅi énécmima ic me embac moczoṅ méragina dérécgéma Yerusalem érémaṅ zé Damasiko ama areṅa yanda imuac tocgotocgo ama séc keṅkeṅawac oaec kiwi niṅac welecmiyec. <sup>3</sup> Welecmiyu omiyu mema keṅkecma Damasiko ama areṅa yanda

\* **8:40:** Qara ménṅ; Asidot. † **8:40:** Ama areṅa yanda ménṅ zéic alayaguc.

hosuraiguc keñec. Nalé imuhucgeñ kurumen igucnec asac mararañ méñnéñ élanzañnec mama qetagalima lelecgémiyec. <sup>4</sup> Lelecgémiyu baeciguc tendiñgéma maqeyu hema ac ewa méñ yomuhuc zéyu niñec; Saulo, Saulo, gi némac niñac nunesi wannémma kecanzañ? <sup>5</sup> Zéyu Saulonéñ qesimima zéyec; Miñ Kewu, gi méré? Zéyu zéyec; Ni Yesu geñ qenesi wammima kecanzañ imi mia. <sup>6</sup> Gi yacma ama areña yandaiguc kerenna, imuaru némac ai kilenj mewésémañ imuac ara gézéyu nimbésémañ. <sup>7</sup> Zéyu ic i guc keñgic ienenj héténj imi niñgic, néñ ic méñ ménda héñgic imuac niñ acgina qahac nañgic. <sup>8</sup> Wañu Saulonéñ baec igucnec yacma kiwa himanec nañec, néñ iwawai méñ hémmacac séc qahac wañu ichéra ienenj mériaiguc késama wagicgic Damasiko ama areña yandaiguc kereñgic. <sup>9</sup> Wañu ai meme haréwéc kiwa hilicgémanec taru nene me doku méñ ménda neyec.

*Ananianéñ Saulo doku naecmiyec.*

<sup>10</sup> Damasiko ama areña yandaiguc Yesuac ai ic méñ kerec. Qara imi Anania. Wañu Miñ Kewunéñ tilinj tilinjiguc hicñimima ézéyec; Anania! Zéyu melemma zéyec; Oo, Miñ Kewu. <sup>11</sup> Zéyu Miñ Kewunéñ ézéyec; Ninzañ, ic méñnéñ welecma taczac, imuac niñ gi yacma hena qara Hena Dindiña imuaru kemma Yudawac amaiguc emma ic méñ qara Saulo, Taso ama areña yanda igucnec iwac hocma mihicñiwésémañ. <sup>12</sup> Inéñ irec méñ tilinj tilinjiguc hicñimiyu ic méñ qara Ananianéñ eñeya muru hama méria qacyaiguc haiyu muñguc kic hihiyaguc wañec imi hénzac.

<sup>13</sup> Zéyu Ananianéj melemma zéyec; Miñ Kewu, ic embac sasalanéj iwac niñ zéma Yerusalemiguc guac hénáorinj hécgá haka biria hatac dahec wañ énécmiyec imuac suruc zégic niñanzua. <sup>14</sup> Wañu yomuaru imuhucnec guac qacga guruanziñ nini moczoñ méranina dérécgé nénécmimac niñac hofac oo eñeñagina iwac murunec kuc buña imi mema hayec. <sup>15</sup> Imuhuc zéyec, néj Miñ Kewunéj yomuhuc ézéyec; Gi tinduc kenna, baera baera ic embac zéma ic kewu zéma Israelac nambérac héra ionac muru nuac qac buñana wagicma kemmacac niñ késawa ic imi nuac ai ic wanzac. <sup>16</sup> Qac buñanawac wamma zéra béra yéwéria dimuhucya mihicñimac imi ézéwa hémmac. <sup>17</sup> Wañu Ananianéj kemma ama imuaru emma Sauloac oruhaiguc méria haima zéyec; Saulo, munana, gi muñguc kic hihi wamma Uña Téréya sécgégéñu kecbésémañ niñac Miñ Kewu Yesu hénáiguc hicñigéñec inéj mia méli néñu hazua. <sup>18</sup> Zéyu nalé sosola qahac kiwa igucnec iwawai sekec sekec ésécnecnéj taima mayu kicya muñguc hima hémma yacma nañu doku naecmiyec. <sup>19</sup> Wañu nene nema kuhagic wañec. Inéj Yesuac ai ichéra Damasiko ama areña yandaiguc kegcic iniguc ai meme tosara kegcic.

*Saulonéj hénima buña suruc hiabia zéauyu zéra béra qahaiguc opocgic.*

<sup>20</sup> Kecma nalé sosola qahac Yuda ic ionac togotocgo amaiguc emma Yesu imi Anutuac Naña keczac zéma zéau énécmiyec. <sup>21</sup> Énézéyu niñgic imi eneñ moczoñ welicgéma yomuhuc zégic; Ic

yomi Yerusalem imuaru qac imi qacangic ini mebiri énécmiañec imi qahac me? Wañu ic embac imuhucya qaté énécmima hofac oo ic ionac muru énépésima kemmanñ zé hayec. <sup>22</sup> Wañu Saulo inéñ muñguc yanda kuhaguc wamma Yesu imi Kristo téngéñ wanzac imi héipuc wamma Damasiko ama areña yandaiguc Yuda ic kecgic énézéyu niñgic sicsaoc wañec.

<sup>23</sup> Imuhuc wamma keru ai meme sasala keñu Yuda ic eneñ Saulo qewiñ zéma zéeminiñ wañgic.

<sup>24</sup> Wañu ac saña hazéra imi Saulo gezawanéñ niñec. Wañu ieneñ Saulo qehumuwiñ zé siñi kaiwe séc nagu yanda séc awima nañgic.

<sup>25</sup> Imuhuc wañgic iwac tohotoho ichéra ieneñ siñiyaiguc nenñeñguc Saulo tima hésanéñ nenñeñ qatéma deminñ yanda andia luhuc memeac ki-fañaguc nañgéñgic hiñgacma néngarec.

<sup>26</sup> Kemma Yerusalem keremma Yesuac ai ichéra ionaru toroqemac niñ batucgé énécmiyec, néñ ieneñ moczoñ Yesuac ai ic wanzac imi ménda ninzénégic imuac iwac zénéngina hiriyec.

<sup>27</sup> Wañu Banabanéñ Yesuac Mélíméli ic ionaru wagicma kemma Saulonéñ hénaiñguc Miñ Kewu dimuhuc héñu Miñ Kewunéñ dimuhuc ac ézéyu Damasiko ama areña yandaiguc inéñ Yesuac qaraiguc kucnec zéma dimuhuc zéauyec imuac ac suruc wañ énécmiyec. <sup>28</sup> Wañu inéñ iniguc momacnec kecma Yerusalem eñeñ mama wamma Miñ Kewu Yesuac qaraiguc ackuazéc selianec zéauyec. <sup>29</sup> Wañu Yuda ic tosara Girik ac zéañgic iniguc ac wañgic acginanéñ eñeñ mama wañec. Wañu ic ieneñ Paulo qewiñ zé wañgic. <sup>30</sup> Wañu ai momachéra ieneñ nimma

Kaisarea ama areña yanda zéic alayaguc imuaru wagicma hínjacma kemma méligic Taso ama areña yandaiguc keñec.

<sup>31</sup> Imuac niñ Yesuac hénacoriñ Yuda, Galilaia zéma Samaria baeciguc kecgic ionaru luae he énécmiyu nanañ seli mihicñi énécmimia wañu Miñ Kewuac ehéihéi wammima Uña Téréyanéñ ewa qeriginaguc dongé énécmiyu zañgégina saima keñec.

*Peteronéñ ic méñ mehiaruyec.*

<sup>32</sup> Peteronéñ baec séc lelecgéma kecma Yesuac hénacoriñ Lida ama areña yandaiguc kecgic ionac muru keñec. <sup>33</sup> Wañu imuaru ic méñ mihicñiyec, qara imi Ainea, inéñ puriñ wamma hehe tat-aciguc hema keru yawuñ 8 wañec. <sup>34</sup> Wañu Peteronéñ yomuhuc ézéyec; Ainea Yesu Kristonéñ mehiaru génzac imuac niñ yacma hehe tat-acga imi geñgaoc mindiñina zéyu nalé imuarunec yarec. <sup>35</sup> Yaru Lida zéma Saron ama areña yanda igucnecnéñ i hémma ewagina melemma Miñ Kewuac hagic.

*Peteronéñ Tabita humuc igucnec meqeliyec.*

<sup>36</sup> Yope ama areña yandaiguc Yesuac tohotoho embac méñ kerec, qara imi Tabita, neñañ aciguc Noniñ, wañu inéñ ai hiabia sasala mema ic embac maqeqeya méra énécmianec. <sup>37</sup> Wañu nalé imuhucgeñ Tabita i hafi hicñimiyu humuyu qamocya naecmima ama qeria méñ qacyaiguc heyec imuaru haigic heyec. <sup>38</sup> Lida ama areña yanda imi Yope ama areña yanda hosuru tarec. Wañu Yesuac ai ic embac ieneñ Peteronéñ imuaru

taczac zégic nimma ic éréhéc iwaru méli érécmigic ierenj kemma nalé sosola qahacnec foc hamacac niñ qesimiyoc. <sup>39</sup> Zéyic Peteronéñ yacma iriguc momacnec keñgic. Kemma kendacgic ierenj ama qeria ménj qacyaiguc heyec imuaru i wagiric enjic. Enjic embac malé sasala ienenj ic iwac maréñgic namma siacma zari maleku Tabitanéñ iniguc kecma meyacgéyec imi ézégic héñec. <sup>40</sup> Wañu Peteronéñ énézéyu hiñgacdacgic simiñ héima zéwelerec. Zéweleru tecgéyu qamocac muru melemma namma yomuhuc ézéyec; Tabita gi yacna zéyu kiwa héitegicma Petero hémma yacma tarec. <sup>41</sup> Taru Peteronéñ mériaiguc késama héréyu yacma nañec. Nañu Yesuac hénariniñ zéma embac malé unuruyu enjic Tabita qelizac imi énézéyu héñgic. <sup>42</sup> Wañu Yope ama arenja yanda imuac miñjina ienenj haka imi zésaigic nimma sasala ienenj Miñ Kewu ninzénégic. <sup>43</sup> Wañu Peteronéñ Yopeiguc ic ménj qara Simon yañ séwéla meme iwac amaiguc ai meme sasala kerec.

## 10

### *Kua meme uña ménéñ Konelio hicñimiyec.*

<sup>1</sup> Kaisarea zéic alawac ama arenja yandaiguc ic ménj kerec, qara Konelio. Inéñ yaré ic 100 ionac galeñ kerec. Wañu inéñ tuñ ménj Italia yaré ic tuñja zéañgic imuacnec. <sup>2</sup> Wañu inéñ enjeya ama taséhéra iniguc Anutuac wamma nalégina zéma usuñgina qemima ee héihéi wammima kecma ic embac maqeqeya ionac ewa biric wañ énécmima haleñ sasala hai énécmima Anutu zéwelec wammima kecañgic. <sup>3</sup> Kaiwe ménj maria

3 kilok imuaru inéŋ héŋu Anutuac kua meme uŋa ménéŋ tiliŋ tiliŋiguc hicŋimima Konelio, zéma qarec. <sup>4</sup> Waŋu inéŋ héŋsosolima zénéŋa hiriyu zéyec; Miŋ Kewu, hénia némac niŋ? Zéyu zéyec; Haléŋa ic embac maqeqeya ionac haianzaŋ imi zéma zéwelecga iminéŋ Anutuac muru haréyu haihakaga imi niŋqelima niŋgénzac. <sup>5</sup> Imuac deguc gi Yope ama areŋa yandaiguc ic tosara méli énécmima kemma ic mén qara Simon Petero zémimia i héihéré mimu. <sup>6</sup> Ic imi yaŋ séwéla meme ic, Simonac amaiguc tacyac waŋanzaŋ. Waŋu ama imi konduŋ giŋgiŋaiguc taczac. <sup>7</sup> Kua meme uŋanéŋ ac imuhuc ézéma keŋu welen qeqe ic éréhéc zéma yaré ic sugina igucnec mén Konelio eŋeya méndacmima Anutu ee héihéi wammianzac i momacnec unuruyec. <sup>8</sup> Unuruma ac suruc imi waŋ énécmidacma Yope amaiguc méli énécmiyu keŋgic.

*Miŋ Kewunéŋ Petero tiliŋ tiliŋiguc ézéyu héŋec.*

<sup>9</sup> Ama siŋima gianjiyu kaiweya mén keŋkecma gau komoc waŋu ienen keŋkecma ama imuac hosuraiguc kereŋgic. Waŋu nalé imuaru Peteronéŋ zéwelec wammaŋ zé ama qacyaiguc eŋec. <sup>10</sup> Waŋu inéŋ yaka niŋ humuma nene nemaŋ zé wamma énézéyu otocgo wamma nec kecgc Uŋanéŋ qéléléŋgé miyec. <sup>11</sup> Miyu héŋu kurumen aŋgéyu gésé mén maleku éséc nec waŋgoŋa kemboŋ qahac imi zikima nanégic baec qahaiguc mayu héŋec. <sup>12</sup> Héŋu qerai guc yaŋ hénagina kemboŋ qahac hénia hénia zéma gisic zinaŋgoc, zini mokoléŋ, zéma nei hénia hénia heyec. <sup>13</sup> Waŋu ac mén yomuhuc

mayec; Petero, yacma unuma nena. <sup>14</sup> Waᅇu Peteronéᅇ zéyec; Miᅇ Kewu, qahac téᅇgéᅇ! Ni ménda neneya sic saocya zéma iwawai biria méndagucnec neanzua. <sup>15</sup> Zéyu ac méᅇ yomuhuc hicᅇiyu hatac éréhéᅇ waᅇec; Iwawai Anutunéᅇ zézuaczac imuac geᅇ qakolayaguc ménda zéna. <sup>16</sup> Haka imi muᅇguc hicᅇiyu hatac haréwéc waᅇu imuacnec gése imi hérégic kurumeᅇiguc eᅇec.

<sup>17</sup> Waᅇu Petero iwawai héᅇec imuac hénia imi dimuhuc zéma eᅇeya ewayanéᅇ nimma niᅇ éréhéᅇ waᅇec. Waᅇu ic tosara Konelionéᅇ méli énécmiyec ieneᅇ naguyaiguc namma Simonac ama niᅇac qesigic. <sup>18</sup> Qesima qacma yomuhuc zégic; Simon Petero zémimia imi yomuaru taczac mé? <sup>19</sup> Waᅇu Petero i iwawai héᅇec imuac hénia niᅇ areᅇgémanec keru Uᅇa téréyanéᅇ yomuhuc ézéyec; Ninzaᅇ, ic haréwéc haréma gi hocgéᅇzu. <sup>20</sup> I ini neᅇ méli énécmiwa hazu. Imuac gi yacma hiᅇgacma ewa éréhéᅇ ménda wamma iniguc kembésémaᅇ. <sup>21</sup> Zéyu Peteronéᅇ ionac muru hiᅇgacma zéyec; Ic hocma hazu imi ni yomi mia. Hénia némac niᅇ you hazu? <sup>22</sup> Zéyu zégic, Yaré ic 100 ionac galéᅇgina Konelionéᅇ ic solaᅇa kecma Anutu ee héihéi wammianᅇu Yuda ic ieneᅇ ee héihéi wammianzu. Kua meme uᅇa téréya méᅇnéᅇ gi iwac amaiguc héihéré gémma guac murunec ac nimmac niᅇ ézéyec. <sup>23</sup> Imuhuc zéyu Peteronéᅇ onagiru ama tacyac waᅇaᅇec imuaru emma hegic ama gianiyu yacma iniguc keᅇgic. Waᅇu Yope amaiguc ninzéᅇ ninzéᅇ dacmuna tosara ieneᅇ acguc i guc momacnec keᅇgic.

*Peteronéᅇ ic enia Konelioac*



*amaiguc keŋec.*

<sup>24</sup> Ieneŋ hénaiɣuc siŋi mén hema keŋkecma Kaisarea zéic alawac ama areŋa yandaiguc kereŋɣic. Waŋu Konelionéŋ sac kitichéra zéma ala hiabia keɣɣic tosara unuruyu toɣéma mambéc keɣɣic. <sup>25</sup> Peteronéŋ amaiguc eŋu Konelionéŋ iwac muru hama iwac hénayaiguc mama sigéma mepésimiyec. <sup>26</sup> Mepésimiyu Peteronéŋ mema yacma yomuhuc ézéyec; Yacna, ni acɣuc ic keczua. <sup>27</sup> Yaru i guc ac wamma ama qeriaiguc emma iniru ic embac sasala toɣéma taɣɣic. <sup>28</sup> Waŋu inéŋ ac yomuhuc hénima énézéyec; Ini nindaczu ésécneɣ Yuda ic ménéŋ ic enia mén ala wammima momacneɣ azorogic zézé seli ac logizac wammac. Waŋu Anutunéŋ ic ménac mén qakola me zapi qeqeya ménda zémanɣac zé nézéyec. <sup>29</sup> Imuac niŋ héihéré néŋɣic acna waima hazua. Waŋu qesiéncmiwa, ini hénia némac niŋ héihéré nénzú? <sup>30</sup> Zéyu Konelionéŋ yomuhuc ézéyec; Haka yomi hicŋiyuguc bec ai meme kembon qahac tecgezac. Maria yomuhucgeŋ, maria 3 kilok imuaru amanaiguc tacma zéwelecba ic mén malekuya lalacnéŋ kic ségéranaiguc wininima naŋec. <sup>31</sup> Namma yomuhuc zéyec; Konelio, welecwelecga zéma haleŋga ic embac maqeqeya ionac haianzaŋ iminéŋ Anutuaru haréyu haihakaga imi niŋqelima niŋgézac. <sup>32</sup> Waŋu gi Yope amaiguc ic tosara méli énécmiɣa kemma ic mén qara Simon Petero zéanzu i héihéré mimu. Ic imi yaŋ séwéla meme ic Simonac amaiguc tacyac waŋanzac. Waŋu ama

imi kondun giŋgiŋaiguc taczac. <sup>33</sup> Imuhuc zéyu nalé sosola qahac ic tosara méli énécmiyi. Hazan imi hiabia! Nini moczon youmi Miŋ Kewunéŋ ac gézéyec imi moczon nimbiŋ niŋac Anutuac kiwaiguc tocgéma tacziŋ.

*Peteronéŋ Konelioac héna géséhéra ackuazéc énézéyec.*

<sup>34</sup> Zéyu Peteronéŋ kuaya auma énézéyec; Deguc ni héla mén niŋasarizua. Anutunéŋ ic neŋaŋ séwinina igucgeŋ ménda ninicma nénépésianzac. <sup>35</sup> Ic embac baera baera keczu sugcina igucnec méhnéŋ mén Anutu ee héihéi wammima haihaka solanŋ waŋanŋu imi hia énépésimacac séha wanŋu. <sup>36</sup> Anutunéŋ luaeac ackuazéc imi Yesuac murunec Israelac qelihéra onac énécmiyec. Waŋu Yesu iminéŋ iwawai momac yandawac Miŋ Kewu wanŋac. <sup>37</sup> Yohanenéŋ doku naec hakawac zéauyuguc imuac andiaiguc Galilaia baec igucnec hénima Yuda baec séc néma iwawai hicŋiyec imi ini ninzu. <sup>38</sup> Anutunéŋ Yesu Nazarete ama areŋa igucnec i Uŋa Téréya zéma kuc buŋa imi haléc ésécnec pocgémma i guc momacnec kerec, Imuac niŋ inéŋ lelecgéma haka hiabia wamma ic embac tosara uŋa birianéŋ helanŋi énécmima yéwéri énécmimia imi mehiaru énécmiyec. <sup>39</sup> Nini imi inéŋ Yuda ic nonac baec yanda zéma Yerusalemiguc haka waŋec imi moczon kicninanéŋ hémma héipuc wanŋiŋ. I imi ic héŋgeŋa wéndaraiguc qegic humuyec. <sup>40</sup> Waŋu ai meme haréwéc waŋu Anutunéŋ meqeliyu wininiyu héŋiŋ. <sup>41</sup> Waŋu ic embac moczon yanda ionaru qahac, néŋ humuc igucnec yaruguc héipuc

ic wambin̄ zé Anutunéh bec nec gési nénécmiyu i guc nene doku neyin̄ nonac muru sac wininiyec. <sup>42</sup> Anutunéh ic embac kic qeli zéma ic embac humumia zétecgé nénécmimacac nin̄ ic mén̄ kumuyec imi Yesu imi mia zéma imuac héipuc wamma ic embac ackua zéc zéau énécmiwin̄ nin̄ac Yesunéh nénézéyec. <sup>43</sup> Wan̄u Anutuac tilin̄ tilin̄ ic ienen̄ acguc iwac héipuc wamma yomuhuc zégic; Ic embac i nin̄zén̄gému moczon̄ iwac qara nin̄ac késpedescina zuac énécmimac.

*Uḡa Téréyanéh ic enia ionac muru mayec.*

<sup>44</sup> Peteronéh ac imuhuc zémanec nan̄u Uḡa Téréyanéh ic embac moczon̄ ara nimma tacgic séc qacginaiguc mayec. <sup>45</sup> (45a) Mayu nin̄zén̄ nin̄zén̄ ic tosara séwi tasé hericheric ginaguc Peteroguc ken̄gic ienen̄ Anutunéh ic enia ionac Uḡa Téréya qocgé énécmiyu <sup>46</sup> en̄an̄ ac waima ac méréraiguc zéma Anutu mepésigic nimma (45b) kilen̄ yanda aurigic. <sup>47</sup> Wan̄u Peteronéh zéyec; Nen̄an̄ meyin̄ éséc nec ic youmi ienen̄ Uḡa Téréya mezu imuac mérénen̄ doku ménda naec énécmiwin̄ nin̄ac neun̄ héinénéc mimacac séc wammac? <sup>48</sup> Imuhuc zéma Peteronéh Yesu Kristoac qaraiguc doku naec énécmimu nin̄ac énézéyec. Wan̄u ic embac ienen̄ ai meme tosara mén̄ in̄iguc tacyac wammu nin̄ac Petero welecmigic.

## 11

*Peteronéh ai meyec imuac surucya zéasari énécmima Yuda ic énézéyec.*

<sup>1</sup> Yesuac Méliméli ic tosara zéma nin̄zén̄ nin̄zén̄ dacmuna Yuda baec séc kecgc ienen̄ ic enia

ieneŋ Anutuac ackuazéc aŋgéné tигic imuac suruc niŋgic. <sup>2</sup> Imuac Peteronéné Yerusalem lilingéma enu séwi tasé hericheric ginaguc ieneŋ Petero mematiti wammigic. <sup>3</sup> Wammima yomuhuc ézégic; Gi némac niŋac ic enia ionac amaiguc emma iniguc momacnec nene nenec? <sup>4</sup> Zégic Peteronéné areŋgéma yomuhuc zéasari énécmiyec; <sup>5</sup> Ni Yope ama yandaiguc zéwelecma kecba Anutunéné tilinginaguc nézéyu yomuhuc héŋi; Gésé méŋ maleku yanda ésécnec kitiwa kembon qahac imuaru zikima kurumeŋ igucnec naŋgégic ségéranaiguc mayec. <sup>6</sup> Mayu qeriaiguc héŋ sosoliwa baec yaŋ hénagina kembon qahacginaguc hénia hénia zéma haséŋ yaŋ zéma gisic zinangoc, zini mokoleŋ zéma sawawac nei hegic iniri. <sup>7</sup> Inicma ewa méŋ nimba yomuhuc nézéyec, Petero, yacma unuma nena. <sup>8</sup> Zéyu neŋ zéyi, Miŋ Kewu, qahac téngéné! Ni iwawai qakolayaguc zéma iwawai zapi qeqeya imuhucya méŋ kuanaiguc méndagucnec haiwa hiŋgarec. <sup>9</sup> Imuhuc zéwa kurumeŋ igucnec ewa méŋ yomuhuc melenju hatac éréhécnec mayec; Iwawai Anutunéné zézuaczac imuac geŋ iwawai zapi qeqeya ménda zéna. <sup>10</sup> Iwawai imi hicŋiyu hatac haréwéc waŋuguc imuacnec iwawai imi moczon hérégic kurumeŋiguc eŋec. <sup>11</sup> Waŋu nalé sosola qahac ic haréwécnéŋ ama hema kecaŋi imuaru hama naguyaiguc naŋgic. Imi mia Kaisarea zéic alawac ama areŋa yanda imuarunec nuac muru méli énécmiyu hagic. <sup>12</sup> Hagic Uŋa Téréyanéné yomuhuc nézéyec; Gi ewa éréhéc ménda wamma iniguc kembésémaŋ.

Imuhuc zéyu ni zéma ic 6 yomi neɲawu kemma méli énécmiyec iwac amaiguc eniɲ. <sup>13</sup> Enni inéɲ haka dimuhuc hicɲimiyec imuac surucya zéma yomuhuc nénézéyec; Kua meme uɲa méɲɲéɲ nuac amaiguc wininima namma yomuhuc nézéyu niɲi; Gi Yope amaiguc ic tosara méli énécmiɲa kemma ic méɲ qara Simon, Petero zémimia i héihéré mimu. <sup>14</sup> Inéɲ hama ackuazéc énézéyu ackuazéc iminéɲ gi zéma hena géséhécga moczoɲ képésicgina igucnec aɲgégina timac. <sup>15</sup> Imuhuc zéyu ni ackuazéc imi hénima énézéwa Uɲa Téréya neɲaɲ muru mayec imuhucyanéɲ ionac muru mayec. <sup>16</sup> Mayu hémma Miɲ Kewunéɲ ac yomuhuc zéyec imi niɲ qeliyi; Yohanenéɲ dokunéɲ naec énécmiyec, néɲ ini mia Uɲa Téréyanéɲ naec énécmimac. <sup>17</sup> Anutunéɲ neɲaɲ Miɲ Kewu Yesu Kristo ninzégéyini nalé imuaru sese nénécmiyec. Waɲu inéɲ sese imuhucyanec ionac énécmiyec. Imuac ni dac imuhucyanéɲ némaciguc Anutu neuɲ héimiwinec. <sup>18</sup> Imuhuc zéyu ieneɲ ac imi nimma ac hétéɲgina waima Anutu mepésima yomuhuc zégic; Ic enia ionac muru kekec memuac ewa qeri melenɲ melenɲac buɲa énécmiyec.

*Antiokia ama areɲa yandaiguc Yesuac hénakorin hicɲiyec.*

<sup>19</sup> Stefano niɲac ununesi hicɲiyu ic embac tosara ieneɲ héndéɲ héndéɲ amuma Foinike zéma Kipuro zéma Antiokia ama séc kemma ic tosara qahac, néɲ Yuda ic embac ionac sac ackuazéc énézégic. <sup>20</sup> Waɲu sucginaiguc tosara

Kipuro baec zéma Kirene baec igucnecnéŋ Antiokia ama areŋa yandaiguc keremma Girik ic ionac muru acguc Miŋ Kewu Yesuac buŋa suruc hiabia énézégic. <sup>21</sup> Waŋu Miŋ Kewuac mérayanéŋ iniguc heyu ic embac sasalanéŋ ninzéŋgéma Miŋ Kewuac muru liliŋgéma hagic. <sup>22</sup> Waŋu Yerusalemiguc hénaoriŋ kecgcic ieneŋ imuac suruc nimma Banaba méligic Antiokia ama areŋa yanda imuaru keŋec. <sup>23</sup> Kemma Anutuac ewa hia he énécmiyu hémma ségiségi waŋec. Waŋu ewa siŋgina yandaguc Anutuaru qékétama kecmu niŋac ic embac moczoŋ acnéŋ meseli énécmiyec. <sup>24</sup> Banaba imi ic hiabia, waŋu Uŋa Téréya zéma ninzéŋ ninzéŋ yanda sécgémima heyec. Imuac niŋac ic embac tuŋ yandanéŋ Miŋ Kewuac muru toroqegic. <sup>25</sup> Waŋu Banabanéŋ Saulo mihicŋimaŋ zé Taso ama areŋa yandaiguc keŋec. <sup>26</sup> Kemma mihicŋima wagiru Antiokia ama areŋa yandaiguc hayoc. Hama yawuŋ momacguc ekawu kecma Yesuac hénaoriŋ mihicŋi énécmima ic embac sasala ackuazéc ku énécmiyic Antiokia ama areŋa yanda imuaru mia walac walac Yesuac hénaoriŋ ionac qacma Kristoac ic zéénécmigic.

*Yesuac hénaoriŋ Yuda baeciguc ionaru soukiwa haigic keŋec.*

<sup>27</sup> Nalé imuaru Anutuac tiliŋ tiliŋ ic tosara Yerusalemnec Antiokia ama areŋa yandaiguc hagic. <sup>28</sup> Waŋu ionarunec ménŋ qara Agabonéŋ Uŋa Téréyanéŋ tiliŋgémiyu baec séc béti yanda hicŋimac niŋ andiawac ara énézéyec. Waŋu béti yanda imi ic kewu yanda Klaudio kerec nalé imuaru hicŋiyec. <sup>29</sup> Hicŋiyu Yesuac

hénaorin ienen kucgina he énécmiyec séc iwawai qutulanjéma Yuda baeciguc ninzén ninzénac dacmuna hécgina kecgic ionaru haleŋgina haigic kemmac niŋ zétecgégic. <sup>30</sup> Zétecgégic imuhucyanec haleŋ imi Banaba zéma Saulo iorac méragiraiguc haima, ninzén ninzénac dacmuna hécgina ionac muru haigic keŋec.

## 12

*Herodenén Yakobo qehumuma Petero hésa amaiguc oporec.*

<sup>1</sup> Nalé imuaru ic kewu Herodenén hénaorin tosara ununesi énécmimanŋ zé méra meyacma énézéyec. <sup>2</sup> Inén Yohaneac dara Yakobo késama sounén héiyu humuyec. <sup>3</sup> Imuhuc waŋu Yuda ic ienen haka imuac ségiségi waŋic inictegicma Petero acguc késamanŋ zé waŋec. (Waŋu haka imi samén yisya qahac imuac kendorjiguc hicŋiyec.) <sup>4</sup> Waŋu nagu sacyaguc ogicma keŋic imuac kendorj tegéyu hérémima ic embac kicginaiguc haiyu naŋu ara zétecgémacac niŋ hésa amaiguc oporu tarec. Taru yaré ic 16 imi tuŋhéra 4 méndén amuma galenagému niŋac ionac méraginaiguc oporec. <sup>5</sup> Petero hésa amaiguc galenagéic heyu hénaorin ienen iwac niŋ wamma ewa qerigina hélacnéŋ Anutu welecmicigic.

*Kua meme uŋa méhénéŋ Petero hulacmiyec.*

<sup>6</sup> Herodenén i wagicma hamuac niŋec imuac naléya imi ama gianiyu ducŋimac. Waŋu ménda gianiyunec siŋi imuaru Petero seŋ hésa éréhécnéŋ qatégic téŋgiŋ ic éréhéc iorac sugiraiguc gauya hekerrec. Keru galenŋ meme ic

tosara nagu séngan̄gen̄iguc galen̄ mema nan̄gic.  
7 Wañu héngic Miñ Kewuac kua meme uña mén̄nén̄ wininiyu hésa ama imuac qeriaiguc asac mararañ mén̄nén̄ asariyec. Wañu kua meme uñanén̄ Petero maréñ̄aiguc qema mindima zéyec; Fodac yacna. Zéyu nalé imuarunec Petero méria igucnec señ hésanén̄ loloma madarec.  
8 Wañu kua meme uñanén̄ ézéyec; Rikuñga zikima hén̄a usuga héina hiñgaru. Imuhuc zéyu inén̄ imuhuc wañec. Wañu kua meme uñanén̄ muñguc ézéyec; Séwi usuga horua imi héina hiñgaruguc méndac némma hana. 9 Zéyu Peteronén̄ méndacmima keñec. Wañu kua meme uñanén̄ iwawai hélacnec wammiyec, nén̄ ménda niñasarima gau hén̄zua imuhuc zéma niñec.  
10 Wañu ieren̄ galen̄ meme ic nagu séngan̄gen̄iguc nan̄oc imi walac nanaña zéma andu nanaña orogicma keremma demin̄ yandawac aiñ naguya ama areña yanda wésiaiguc nanaña imuaru hayoc. Hayic nagu imi eñeyaocnec añgé ércmiyu mama hén̄a yandaiguc keñoc. Keñic kua meme uña iminén̄ élanzañnec waimima eñec. 11 Eñu Peteronén̄ ninin̄a béréñ̄géyu yomuhuc zéyec; Deguc ni ninzua. Haka yomi hélacnec téñgén̄. Miñ Kewunén̄ kua meme uñaya mélima Herodeac méria zéma ai areñ Yuda ic ionac ewa qeriginaiguc hezac imuarunec nuagicma hazac.  
12 Imuhuc nin̄tegiçma Yohane, Mareko zémimia iwac neñgocya Mariawac amaiguc keñec. Wañu imuaru ic embac sasalanén̄ tocgéma zéwelec wamma tacgic. 13 Kemma Peteronén̄ naguguc qeyu welen̄ qeçe embac mén̄ qara Rodenén̄



ewayá nimman̄ zé hosuru hayec. <sup>14</sup> Hama Peteroac ewaya niņasariyec. Wañu ségiségi yandanéñ ewa soho wammiyu nagu ménda auma eñ usuñnec ama qeriaiguc emma Petero naguiguc hama nanzac imuhuc qacma énézéyec. <sup>15</sup> Énézéyu ienen̄ nimma zégic; Gi ewaga sohozac. Wañu inéñ imuhuc seli qema zémanec nan̄u ienen̄ zégic; Imi iwac kua meme uñaya gezan̄. <sup>16</sup> Wañu Peteronéñ nagu imi qemanec nan̄u ienen̄ nagu auma i hémma aurigic. <sup>17</sup> Wañu acgina qaimac niñ méranéñ séséc wañ énécmima Miñ Kewunéñ hésa ama igucnec wagiru mama éréyec imuac ac suruc wañ énécmidacma ac suruc imi Yakobo zéma ninzéñ ninzéñac dac munahéra énézémuac niñ énézéma ama imi waima baec méñjiguc keñec.

*Miñ Kewunéñ Herode bakia meleñ miyu humuyec.*

<sup>18</sup> Ama gian̄iyu yaré ic ienen̄ Petero hocma iwawai dimuhuc hicñimizac imi ménda niņasarima qewelon̄ yanda wañgic. <sup>19</sup> Wañu Herodenéñ hocma ménda mihicñima awiawi ichéra zéqesi wañ énécmimaguc humuciguc onopocmu niñac énézéyec. Wañu Herodenéñ Yuda baec waima Kaisarea baeciguc hiñgacma imuaru kerec.

<sup>20</sup> Herodenéñ Tiro zéma Sidon ama miñina hazéc yanda wañ énécmiyec. Wañu ama imuac miñina ienen̄ nene yaka ic kewu iwac murunec hicñian̄zac imi mema kecañgic imuac niñ ewa momac wamma ic kewu iwac muru haréma Bilasito ic kewu imuac hehe tatacya mindiñima welen̄ qemian̄ec i mebélacgé mima luae niñac

welec migic. <sup>21</sup> Wañu Herodenénj nalé meyec imi ducñiyu ic kewuac maleku héima tatic edamuyaguc imuaru mama tacma ic embac ac énézéyec. <sup>22</sup> Ic momac yanda ieneñ hériañ haima yomuhuc zégic; Ewa imi icac ewa qahac, néñ Anutuac ewaya. <sup>23</sup> Wañu Herodenénj mepé qepési ac imi Anutuac muru ménda melenj eñec, imuac niñ Miñ Kewuac kua meme uñanéñ qeyu nanecnénj kigic nalé sosola qahac humuma qahac wañec.

<sup>24</sup> Wañu Anutuac ackuazécnénj muñguc yanda yandi saima keñec. <sup>25</sup> Wañu Banaba zéma Saulo iereñ Yerusalemiguc haleñ énécmimiawac ai imi metecgéma Yohane, Mareko zémimia i wagiric Yerusaleme waima lilingéma keñec.

## 13

*Buñá zéauau ai niñac Banaba zéma Saulo méli érécmigic.*

<sup>1</sup> Antiokia hénaoriñ suginaiguc Anutuac tilin tilin ic zéma qeriawac kiwi ic yomuhuc kecgic; Banaba, Simeon qara ménj Nigere, Lukio Kirene ama igucnec, Manaen (Ic kewu Herode i guc namu momacnec nema yandiyoc), zéma Saulo. <sup>2</sup> Wañu kaiwe ménjiguc nene zikima zéwelec wamma Miñ Kewu mepésima kecgic Uña Téréyanénj ac yomuhuc zéyec; Banaba zéma Saulo iri ai tosara memaoc niñ ururuyi imuac niñ iri ai imuac gésiérécmigic. <sup>3</sup> Zéyu imuac nene zikima zéwelecmaguc méragina qacgiraiguc hai érécmima méli érécmigic.

<sup>4</sup> Ic éréhéc imi Uña Téréyanéh méli érécmiyu Silukia amaiguc mekemma imuarunec zéiciguc Kipuro amaiguc keñoc. <sup>5</sup> Kemma Salami ama areña yandaiguc haréma Yuda ic ionac tocgotocgo amaiguc Anutuac ackuazéc énézényoc. Wañu Yohanenéh iriguc kecma méra érécmiyec. <sup>6</sup> Konduñ baec komoc komoc sugginaiguc qer-icma kemma Pafo amaiguc keremma imuaru Yuda ic séwi galeñ Bayesu mihicñigic. Wañu ic imi Anutuac kua meme ic ikora. <sup>7</sup> Wañu inéh Baec galeñ méñ Serigio Paulo i guc keroc. Serigio Paulo inéh ninñaguc. Wañu inéh Banaba zéma Saulo ururuma Anutuac ackuazéc nimmañ zé wañec. <sup>8</sup> Wañu Elima zé mimia (Imuac hénia imi séwi galeñ.) inéh hazéc wañ énécmima baec galeñ imi ninzéh ninzéh andé qema kemmac niñ seliseli wamma ézényec. <sup>9</sup> Wañu Saulo qara méñ Paulo inéh Uña Téréyanéh qeria sécgémiyu Elima imi héñ sosolima yomuhuc zényec; <sup>10</sup> Gi imi uña biriawac merac, iwawai dindiña moczoñ yanda imuac hazécya. Ikoc zéma manam batuc hénia hénia imi qerigaiguc kuaya qema hezac. Miñ Kewuac hénia dindiña imi meqariñ géanzañ. Haka biria imi ménda waiwésémañ me? <sup>11</sup> Imuac degucguc Miñ Kewuac mérianéh guyu gi kic hilic wamma nalé sura imuhucgeñ gi kaiwe ménda hémbésémañ. Imuhuc zéyu nalé imuarunec doku wéséséya zéma siñi yandanéh hoturumiyu mérayanéh mezañ qezañ wamma keñha wamma méraya mema méra mimuac niñ wañec. <sup>12</sup> Wañu baec galeñ néñ iwawai hicñiyec imi hémma ninzéhgyec. Wañu Miñ Kewunéh imuhuc hénia

kumiyu auriyec.

*Paulonéŋ Pisidia Antiokia ama areŋa yandaiguc Yuda ic buŋa suruc hiabia énézéyec.*

<sup>13</sup> Paulo zéma ichéra i guc momacnec keŋha waŋgic ieneŋ Pafo ama areŋa waima zéiciguc emma Pamfilia baec Perege amaiguc kereŋgic. Waŋu baec imuaru Yohanenéŋ wai énécmima Yerusalem amaiguc lilingéma keŋec. <sup>14</sup> Keŋu ieneŋ Perege ama igucnec keŋkecma Pisidia baec Antiokia ama areŋa yandaiguc kemma kecgic Sabata ducŋiyu tocgotocgo amaiguc emma tacgic. <sup>15</sup> Waŋu ieneŋ Moseac héna ac zéma Anutuac tiliŋ tiliŋ ic ionac kiwi téréya imi oloŋgic ama imuac galeŋhéra ieneŋ ic tosara méli énécmima yomuhuc qesi énécmigic; Dacmuna hécnina, meseli nénécmimu zé ackuazéc ménŋ nimma keczuiguc zégic niŋni. <sup>16</sup> Waŋu Paulonéŋ yacma méranéŋ séséc wamma yomuhuc énézéyec;

Israel ic zéma ic embac Anutu ee héihéi wammianzu ini ackuazéc zéwa niŋgic. <sup>17</sup> Israel ic neŋaŋ Anutunéŋ esaŋambéc hécnina gési énécmiyec. Ieneŋ Izipte baeciguc ic kianŋ kecgic, néŋ Anutunéŋ eegina héima kuha yandanéŋ on-agicma hayec. <sup>18</sup> Zéléŋ baeciguc yawuŋ 40 imuac séc hakagina biria hémma bisiqatéŋ waŋ énécmima kecaŋec. <sup>19</sup> Waŋu Kanaan baeciguc kisic areŋ yanda 7 unuhumuma ionac baec imi onac buŋa zéma wai énécmiyec. <sup>20</sup> (Moczon toroqema zéwa yawuŋ 450 séc ic kianŋ kecgic.) Imi tecgéyu zémindiŋ mindiŋi ic énécmiyu keŋ kecma Anutuac tiliŋ tiliŋ ic Samuelac naléya

hayec. <sup>21</sup> Waᅇu ic kewu niᅇac welecgic Anutunéᅇ Benjaminac qelihéra ionarunec Kisiac naᅇa Saulo énécmiyu inéᅇ yawuᅇ 40 imuac séc galeᅇgé énécmiyec. <sup>22</sup> Waᅇu i auma Dawidi ic kewugina kumu énécmima iwac ac yomuhuc zéyec; Ni Yesi naᅇa Dawidi mihicᅇiwa ewana kunéᅇ yanda hemizac. Inéᅇ mia ewa siᅇna tohoma iwawai moczoᅇ meselimac. <sup>23</sup> Waᅇu Anutunéᅇ ac zikiyec séc Dawidi iwac qelihéra ionarunec Israel ic neᅇaᅇaru aᅇgéᅇ titi ic Yesu méliyu hayec. <sup>24</sup> Waᅇu Yesunéᅇ sucninaiguc hicᅇi asarimacac niᅇ walac Yohanenéᅇ ewa melenac doku naec haka imi Israel ic embac momac yanda zéau nénécmiyec. <sup>25</sup> Yohane i héna zémiyec séc titecgéma ic embac yomuhuc énézéyec; Ini nuac méré zéma ninzu? Ni Kristo qahac, néᅇ andénaiguc hama keczac iminéᅇ imi mia wanzac. Nidac imuhucyanéᅇ héna usuyawac hésaya hulacmaᅇac séc qahac.

<sup>26</sup> Dac munahécna, Abarahamac qelihéra zéma ic embac Anutu ee héihéi wammianzu ini ac yomuac niᅇgic; Aᅇgéᅇ titiac gezac qézéᅇ ac yomi nonac muru haiyu hayec. <sup>27</sup> Yerusalem imuac ic embachéra zéma ionac galeᅇ hécgina enéᅇ Yesu zéma Anutuac tilinᅇ tilinᅇ ic ionac ackuazéc Sabata nalé séc oloᅇ niᅇanzu imuac hénia imi ménda niᅇasarigic. Hénia imuac niᅇac Yesuac zéma késpedesiraguc zétecgégic Anutuac tilinᅇ tilinᅇ ic ionac ackuazéc imi hélaguc waᅇec. <sup>28</sup> Ieneᅇ késpedesira humucac sécyá ménda mihicᅇigic, néᅇ tinduc qehumumac niᅇac Pilato welecmigic. <sup>29</sup> Imuhuc wamma kiwi téréyaiguc iwac niᅇ ogic hezac imi moczoᅇ wammidacgic. Imuac andéyaiguc ic iguc-

nec metecgéma hoc kifañaguc haigic. <sup>30</sup> Wañu Anutunéh humumia suggina igucnec i meqeliyec. <sup>31</sup> Meqeliyu inéh ic embac sasala Galilaia baec igucnec Yerusalem kenjic ionac muru ai meme sasala hicñi énécmiyec. Hicñi énécmiyu ienené ic embac ionac muru iwac héipuc ic wamma keczu. <sup>32</sup> Nini acguc zikiziki ac esañambéc hécnina énécmiyec imuac zéau énécmiziñ. <sup>33</sup> Imi mia Anutunéh Yesu meyarú sisipac ac iminéh qelihécgina nenañaru hélaguc wanzac. Imuac mia kiwi téréya Legic lépaya éréhéc imuaru ac yomuhuc ogic hezac; Gi imi nuac Nañna. Neñ degucmi mihicñigéñi. <sup>34</sup> Wañu Anutunéh Yesu meqeliyu yaru andiaiguc muñguc ménda houmacac niñ imuac ara yomuhuc zéyec; Ni sisipac ac téréya Dawidiac muru meyi imi meseli énécmimanñ. <sup>35</sup> Imuac Legic lépaya ménjiguc ac yomuhuc hezac; Gi icga téréya ménda waina houmac. <sup>36</sup> Wañu Dawidinéh naléyaiguc Anutuac ewa siñ tohoma ai metecgéma gau seli heyu esañambéc héra ionac muru toroqema haigic houyec. <sup>37</sup> Wañu mén Anutunéh meqeliyec iminéh ménda houyec. <sup>38</sup> Imuac niñac iwac murunec késpedesic waiwaiac buñ suruc hiabia imi zéauénécmiyu ninzu imi niñasarimu. <sup>39</sup> Moseac hénac acnéñ késpedesic momac yanda imuarunec ménda mesolañi énécmiyec. Wañu Yesuac niñ wamma ninzéngegic séc yéwéria moczoñ yanda igucnec metecgé énécmima késpedesicgina qahac zéénécmimac. <sup>40</sup> Imuac niñ Anutuac tilinñ tilinñ ic ionac ackuazéc zérac yomuhucyanéh onaru hélaguc ménda wammacac niñ galenñ memu. <sup>41</sup> Ni

onac naléginaiguc iwawai ménj memañ. Wañu iwawai imi hémma énézégic ninzénngémuac séc qahac imuhucya. O! zédesi ic ini hénqacgéma humuqai wammu.

<sup>42</sup> Zéyu tecgéyu Paulo zéma Banaba tocgotocgo ama igucnec mamanec nañu ic eneñ Sabata oumuac acguc ackuazéc imi nénézému zéma zégic. <sup>43</sup> Wañu hénəoriñ imi héndəñ amuma madacgic kecma Yuda ic sasala zéma ic embac tosara Anutu ee héihéi wammima Yuda ic ionac hénəiguc toroqegic ieneñ sasala Paulo zéma Banaba méndac érécmigic iniguc ac zéma Anutuac ewa hiaiguc kecmu niñ meseli énécmiyoc.

<sup>44</sup> Wañu Sabata muñguc ducñiyu ama imuac miñina moczoñ yanda Anutuac ackuazéc imi nimbiñ zéma hadacgic. <sup>45</sup> Hagic Yuda ic ieneñ inicgic nimbupuc kuaya qeénécmiyu Paulo ac mematiti wammima zébiri migic. <sup>46</sup> Imuhuc wañgic Paulo zéma Banaba ieneñ kicginaiguc zénéñgira ménda hiriyu yomuhuc énézəyoc; Anutuac ackuazéc imi walac Yuda ic onac muru énéc énézəyawac hezac, néñ eñaoc niñgic ini kekec hémbénaña imuac buña wammuac séc qahac wañu waizu. Imuac niñ wai énécmima baera baera ic embac ionaru kembic. <sup>47</sup> Imuac mia Miñ Kewunəñ yomuhuc zénércmiyec; Neñ baec tetcgia séc ic embac ionac añgəñ titi niñac iri ic enia ionac asacmararañ kumu ércmizua. <sup>48</sup> Imuhuc zəyic ic enia ieneñ moczoñ ac imi nimma ségiségi wamma Miñ Kewuac ackuazéc ee héihéi wammigic. Wañu kekec tetcgia qahac imuac buña wammu niñ gési énécmiyec séc ninzégégic. <sup>49</sup> Wañu Miñ Kewuac ackuazécneñ

baec imuhucgeŋ saima keŋec. <sup>50</sup> Waŋu Yuda ic ieneŋ Paulo zéma Banaba urunesi waŋ érécmimu niŋac embac eŋeŋagina tosara Anutu ee héihéi wammiaŋgic ini zéma ama imuac ic kuneŋ ini hinocgé énécmigic baec imuacnec nesi érécmigic keŋoc. <sup>51</sup> Kemma ic iereŋ hémma hénia niŋ asarimu niŋ sésécya wamma hénia titigiraiguc seitotoŋa qeyic mayuguc Ikonion ama areŋa yandaiguc keŋoc. <sup>52</sup> Keŋic Yesuac ai ic embac baec imuaru hiŋgic ieneŋ ewa hia zéma Uŋa Téréyanéŋ sécgé énécmiyec.

## 14

### *Ikonion ama areŋa yandaiguc ackuazéc zéyoc.*

<sup>1</sup> Waŋu Ikonion ama areŋa yandaiguc Yuda ic onac tocgotocgo amaiguc emma ackuazéc imuhucyanec zéyic Yuda ic zéma Girik ic sasalanéŋ Yesu niŋzénégic. <sup>2</sup> Waŋu Yuda ic tosara ackuazéc ménda tohogenic ieneŋ ic enia tosara néndéŋ énécmigic niŋzén niŋzénac dacmuna nimbiri énécmigic. <sup>3</sup> Imuac niŋ nalé horua tocgotocgo ama imuaru kecma Miŋ Kewuaru héima ackuazéc zénéŋgira ménda hiriyu zéauyoc. Zéauic Miŋ Kewunéŋ séséc baec icnéŋ ménda memeya zéma kiwi welic welicgia hénia hénia méragiranéŋ memaoc niŋ naŋgé érécmima ackuazéc eŋeya ewa hiawac nénécmimia imi measariyec. <sup>4</sup> Waŋu ama yanda imuac ic embac ieneŋ méndéŋ amuma tosara Yuda ic iniguc, tosara Yesuac Mélíméli ic iniguc kecgic. <sup>5</sup> Waŋu ic enia zéma Yuda ic ieneŋ galenŋ hécginaiguc zébiri érécmima hocnéŋ uruwiŋ zé usuŋnec harégic.



<sup>6</sup> Harégic nin̄tecgicma néngacma Likaonia baec>Listera ama aren̄a yanda yanda zéma Debe ama aren̄a yanda zéma ama aren̄a tosara lelecgéma heyec imuaru keṅoc. <sup>7</sup> Kemma imuaru buṅa suruc hiabia énézégoc.

*Lisitera ama aren̄a yandaiguc  
Paulo zéma Banaba iorac niṅ  
Anutu zéérécmigic.*

<sup>8</sup> Waṅu>Listera ama aren̄a yandaiguc ic mén̄ neṅgocac héri qeria igucnec hēna éréhécyā séléc sélécgīya hicṅīma hēna keṅhaya qahac tacāṅec. <sup>9</sup> Waṅu Paulonéṅ ackuazéc zéyu nimma taru héṅsosolima iwaru nin̄zég̃ nin̄zēṅa hafiya mehiaru mimacac séc hemizac imi nin̄tegi-rec. <sup>10</sup> Nin̄tecgicma ac kucnec zéma yomuhuc ézég̃; Gi hénaganéṅ tima héṅgeṅnec yacma nanna. Imuhuc zéyu inéṅ técgéma yacma keṅḥa waṅec. <sup>11</sup> Waṅu ic tuṅ yanda ieneṅ Paulonéṅ ai meyec imi hémma kuagina séc Likonia acginaiguc yomuhuc zég̃ic; Anutu iereṅ ic séwiguc wamma sucn-inaiguc mama hazaoc. <sup>12</sup> Waṅu ieneṅ Banaba i Zeusi zémima Paulo i ac galeṅ kerec imuac niṅ Hereme zémigic. <sup>13</sup> Waṅu ama yanda imuac séṅgaṅgeṅiguc anutu Zeusiāc oc-muṅ tarec. Taru imuac hofac oo icnéṅ bu-rumakao zéma iwawai zuria mema ama aren̄ yandawac nagu yandaiguc hama ic embac iniguc lémbaṅ owiṅ zé waṅgic. <sup>14</sup> Waṅu Yesuac Mélíméli ic éréhéç Banaba zéma Paulo iereṅ nimma malekugira muzurac gémaguc tuṅ yanda sugginaiguc usuṅnec kemma qacma yomuhuc énézég̃oc; <sup>15</sup> Ic mandac, ini némac niṅ haka

imuhucya wanžu? Niri imi ini éséc icnec. Neren imi ini iwawai héla qahac imuhucya waima Anutu baec kurumen zéma iwawai moczon imuac qerigiraiguc hezac imi zéyu hicnyec i imi hénihéniaya zéma tetecgiaya qahac kecanzac iwac muru lilingéma hamuac niŋ ackuazéc imi énézézic. <sup>16</sup> Anutunéh bec nec baec séc ic embac wai énécmiyu eŋaŋ hénagina méndacma keŋha waŋaŋgic. <sup>17</sup> Waŋu eŋeya hénia imi ménda zéauyu asariyec me? Qahacgucnec. Hé lacnec zéasari énécmiyec. Inéh kia kaiwe énécmima héla memeyawac naléya meénécmima, goi héihéi énéczéyu héŋaŋgic. Waŋu nene yaka sasala mi-hicŋi énécmima ségiségi yanda ewa qeriginaiguc tiénécmiyec. <sup>18</sup> Ieren ac imuhuc zéma ai yanda mema qetali énécmiyic lémbaŋ oérécmimiawac ai imi waigic.

*Paulo hocnéŋ héigic.*

<sup>19</sup> Imuhuc wamma ker ic Antiokia ama areŋa yanda zéma Ikonion ama areŋa yanda imuacnec Yuda ic ieneŋ haréma ic embac énépésima Paulo hocnéŋ héigic. Héima niŋgic humuyec ésécnec waŋu ama yanda séŋgaŋgeŋiguc héréma kemma giligic. <sup>20</sup> Waŋu Yesuac ai ic ieneŋ keremma lelegéma naŋgic imuarunec inéh yacma muŋguc ama yandaiguc keremma heyec. Heyu ama gianaŋyu Banaba i guc Debe ama yandaiguc keŋoc.

<sup>21</sup> Ama yanda imuaru buŋa suruc hiabia imi zéyic ic sasalanéh Yesuac tohotoho ic waŋgic. Waŋu imuarunec muŋguc lilingéma Lisitera zéma Ikonion zéma Antiokia ama areŋa yandaiguc keŋoc. <sup>22</sup> Yesuac hénaoŋniŋ ninzéh

ninzéŋ niŋselima kecmu zéma meseli énécmima yomuhuc zéyoc; Anutuac héngalenj ama areŋa yandaiguc kerembiŋ zé neŋaŋ zéra béra kileŋ yanda mihicŋiwiŋ. <sup>23</sup> Zéyu tecgéyu hénaoriŋ tuŋa tuŋa séc galenhécgina mihicŋi énécmima nene zikima zéwelecma ninzéŋ ninzéŋ miŋina Miŋ Kewuac muru onoporoc. <sup>24</sup> Waŋu Pisidia baec qericma keŋkecma Pamfilia baeciguc kereŋoc. <sup>25</sup> Keremma Perege amaiguc buŋa suruc énézéma Atalia amaiguc hiŋgaroc. <sup>26</sup> Imuarunec zéiciguc emma keŋkecma Antiokia ama areŋa yandaiguc kereŋoc. Ama imuaru mia becnecc doku naec ieneŋ Anutuac ewa hiaiguc ai ic éréhéc imi oropocgic. <sup>27</sup> Keremma hénaoriŋ tocgó énécmima Anutunéŋ naŋgé érécmiyu ai meycic ic enia ionac nagu auénécmiyec imuac ac surucya moczoŋ waŋ énécmiyoc. <sup>28</sup> Waŋu imuaru Yesuac hénaoriŋ iniguc nalé horua keroc.

## 15

*Paulo zéma Banaba iereŋ ac eminimbiŋ zé Yerusalem eŋoc.*

<sup>1</sup> Yuda baec igucnec ic tosara Antiokia ama areŋa yandaiguc mama hama ackuazéc ku énécmima yomuhuc zégic; Ini Moseac haka tohoma séwi taségina ménda hericmuiguc aŋgéŋgina ménda timac. <sup>2</sup> Imuhuc zégic Paulo zéma Banaba iereŋ iniguc zééŋ zéma wamma qegetali yanda waŋgic. Waŋkecma yomuhuc acgina zikima zégic; Paulo zéma Banaba iereŋ ic tosara ionarunec iniguc eŋawu Yesuac Mélíméli ic zéma galenj tosara Yerusalem keczu ionac muru

zézé qesiqesi ac imi mema kemmu. <sup>3</sup> Imuhuc zéma hénarinj ienenj méli énécmigic kenjic. Kemma Foinike zéma Samaria baec qericma kemma ic enia sasalanéj ewa qerigina melenjic imuac suruc ninzénj ninzénj dacmuna énézégic. Zégic ninjic ionaru ewa hia kunej yanda hicnijec. <sup>4</sup> Wañu kenjkecma Yerusalem kerenjic hénarinj héra zéma Yesuac Mélíméli ic zéma galejhéra ienenj zézé ségiségi wañ énécmigic. Wañu Anutunéj iniguc ai meyec imuac ac suruc moczonj wañ énécmigic. <sup>5</sup> Wañu ninzénj ninzénj dac muna tosara Farisaio tunj ionarunecnéj yomuhuc ninzénjgéma zégic; Ic enia ionac séwi taségina hericma Moseac hénac ac tohomuac ninj ku énécmiwijnac hezac.

*Peteronéj ac énézéyec.*

<sup>6</sup> Zégic Yesuac Mélíméli ic zéma galej ienenj imuac ara zéwinj zéma enjanc nec tocgégic. <sup>7</sup> Tocgéma ac sasala zézé qesiqesi wañkecgicguc Peteronéj yacma yomuhuc énézéyec; Dac munahécna ini ninzu ésécnec Anutunéj ic enia ienenj nuac kuana igucnec ackuazéc imi nimma ninzénjgému ninjac becarunec sucnina igucnec ni gésinéjec. <sup>8</sup> Wañu qeri héhénj Anutunéj Yuda neñañ ninj wañ nénécmiyec ésécnec ic enia ionac acguc Uñja Téréya énécmima énépésiyec imi measari nénécmiyec. <sup>9</sup> Inéj ninzénj ninzénjginanéj qerigina zuacénécmiyu ini zéma ninj neñac neñac qahac wanzac. <sup>10</sup> Imuac ini némac ninjac iwawai réwéria esañambéc hécnina zéma neñac huabipianzinj imi Yesuac hénarinj ionac qacginaiguc haima Anutu batocgéwinj zé

wanžu? <sup>11</sup> Nini zéma ic enia ini momacnec Miņ Kewu Yesuac ewa hiawac aņǵéņnina tiyu kecziņ imi ni ninzéņǵézuā.

<sup>12</sup> Waņu tocgégic ieneņ acgina qaima eņ tacma Banaba zéma Paulo iereņ Anutunéņ naņǵé érécmima ic enia ionac suginaiguc séséc ai zéma iwawai welic welicgia meyec imuac suruc waņ énécmiyic nindacǵic. <sup>13</sup> Énézéyic tecgéyu Yakobonéņ ac yomuhuc énézéyec; Dac munahécna acna zéwa niņǵic, <sup>14</sup> Walac Anutunéņ ic enia eņeya buņahéra wammu niņac dimuhuc winini énécmiyec imi Simeonnéņ nénézéyec. <sup>15</sup> Anutuac tilij tilij ic ionac ackuazécnéņ ai imi yomuhuc zéma naņǵézac; <sup>16-17</sup> Ic munduņa tosara, ic enia nuac qac buņanaguc zééncmimia imi moczoņ Miņ Kewu qac hoc wammimuac niņ neņ bianǵuc liliņgéma hama Dawidiac ama zénzéņgia, ama sauha muņǵuc meyacgéma héi qelimaņ. <sup>18</sup> Miņ Kewu iwawai imuhucya moczoņ nénézéyu baec yomuac naléya hama keņec imuac suraiguc baec ic neņaņ héņǵicac héņaņziņ inéņ mia ac imuhuc zézac; <sup>19</sup> Imuac niņ ni yomuhuc niņǵésima zézua; Ic enia Anutuac muru liliņgéma hahaya ionac iwawai réwéria ménda énécmiwiņ. <sup>20-21</sup> Moseac héna ac imi becarunec ama yanda séc zéaugic niņaņzu. Waņu Sabata séc tocgotcgo amaya amayaiguc oloņǵic niņaņzu imuac niņ ieneņ nemu me imuac irehawac buņa haihaiya imi zéma kaisero ai zéma yaņ déméņa miżicgéma qehumugic imi zéma sac imi waima lakec kecmu imuac sac kiwi oma énécmiwiņ iminéņ hia wammac.

*Yerusalemnec kiwi haigic  
baec séc keñec.*

<sup>22</sup> Wañu Yesuac Méliméli ic zéma galeñ zéma hénaoñ momac yanda ieneñ sugina igucnec ic éréhéc Paulo zéma Banaba iriguc Antiokia ama areña yandaiguc méli énécmigic kemmu niñ acgina zikima ninzéh ninzéh dacmuna ionac galeñ Yuda Basaba zémimia imi zéma Sila gésiércmigic. <sup>23</sup> Wañu kiwi imi yomuhuc oma méraginaiguc haigic; Dac muna hécgina kecziñ Yesuac Méliméli ic zéma galeñ tosara nini ninzéh ninzéh dacmuna hécnina baec méñ Antiokia ama areña yanda zéma Siria ama yanda zéma Kilikia baeciguc keczu baec méñunec dacmuna ini zézé ségiségi wañ énécmima kiwi yomi hai énécmiziñ. <sup>24</sup> Sucnina igucnec ic tosananeñ acnina ménda mema eñ onaru hama ac énézéma qeri yéwéri meénécmigic imuhuc zégic niñiñ. <sup>25</sup> (25a) Wañu nini ic éréhéc imi gési érécmima ala téngéñ éréhécnina Banaba zéma Paulo, <sup>26</sup> Miñ Kewunina Yesu Kristo iwac niñ wamma kekecgira waiyoc (25b) iriguc momacnec méli énécmiwiñ zé ewa momac wanziñ. <sup>27</sup> Hénia imuac niñ nini Yuda zéma Sila méli érécmiñ hama kuagiranéñ kiwi yomuac héipuc wamma énézémaoc. <sup>28</sup> Uña Téréya zéma nini iwawai tosara qahac, néñ iwawai kileñdac memeyawac séc yomi sac hai énécmiwiñ niñac ewa momac wanziñ. <sup>29</sup> Nemu me imuac irehawac buña haihaiya imi zéma sac zéma kaisero zéma yañ déméña mizicgéma qehumugic imi waima imuacnec lakec kecmu. Ini iwawai imuacnec hia lakec kecmuac séc zéma

ninzéngéziŋ. Yaizézé waŋ énécmima imdacmi sac oénécmiziŋ.

<sup>30</sup> Haigic ieneŋ kiwi imi mema wai énécmima mekemma Antiokia ama areŋa yandaiguc keremma hénaoriŋ tocgo énécmima kiwi imi énécmigic. <sup>31</sup> Énécmigic meme seli ac oma énécmigic imuac oloŋ niŋ wamma ségiségi waŋgic. <sup>32</sup> Waŋu Yuda zéma Sila iereŋ acguc Anutuac tiliŋ tiliŋ ic keroc imuac niŋ ac sasala zéma meseli énécmiyoc. <sup>33</sup> Waŋu iereŋ nalé tosara iniguc kericguc ninzéŋ ninzéŋ dac muna ieneŋ luae ac érézéma oropocgic keŋoc. Kemma méli érécmigic ionaru liliŋgéma keŋoc. <sup>34</sup> (Ménda hezac.)

*Paulo zéma Banaba iereŋ  
méndéŋ amuyoc.*

<sup>35</sup> Paulo zéma Banaba iereŋ Antiokia ama areŋa yandaiguc toroqema kecma ic tosara iniguc momacnec Miŋ Kewuac ackuazéc ku énécmima zéaugic. <sup>36</sup> Ai meme tosara hama keŋu Paulonéŋ Banaba yomuhuc ézéyec; Nekaoc ama yanda tosara becnec Miŋ Kewuac ackuazéc zéauyic imuaru muŋguc liliŋgéma kemma ninzéŋ ninzéŋ dacmuna hécnina inicma dimuhuc keczu imi hémbiŋ. <sup>37</sup> Zéyu Banabanéŋ Yohane Mareko zémimia i wagiric eŋawu momacnec kemmu niŋ waŋec. <sup>38</sup> Waŋu Marekonéŋ becnec Pamfilia baeciguc wai érécmima ménda toroqema ai meyec. Imuac niŋ Paulonéŋ wagicma kemmac niŋ niŋu ménda sécgéyec. <sup>39</sup> Waŋu Banabaguc zéqegetali yanda waŋkecma méndéŋ

amuyoc. Méndémma Banabanéj Mareko wag-icma zéic késama Kipuro amaiguc keñoc. <sup>40</sup> Wañu Paulonéj Sila megésiyu ninzén ninzén dacmuna ienen mérianj ac ézéma Miñ Kewuac ewa hiaiguc oropocgic keñoc. <sup>41</sup> Kemma Siria zéma Kilikia baec qericma kemma Yesuac hénarinj meseli énécmiyec.

## 16

*Timoteonéj Paulo zéma Sila ioraru toroqeyec.*

<sup>1</sup> Paulonéj keñkecma Debe zéma Lisitera ama areña yandaiguc kereñec. Wañu Lisitera ama areña yanda imuaru Yesuac tohotoho ic ménj kerec qara imi Timoteo. I neñgocya imi Yuda embac, néj ninzén ninzén embac wañec. Wañu mañgocya imi Girik ic. <sup>2</sup> Lisitera zéma Ikonion ama areña yanda igucnec ninzén ninzén dacmuna ienen Timoteoac eeya héigic. <sup>3</sup> Wañu imuaru Yuda ic kemma kecgic ienen iwac mañgocya imi Girik ic imi nindacgic. Imuac niñ Paulonéj i wagicma kemmanj zé wamma iwac séwélaiguc séwi tasé hericheric haka wammiyec. <sup>4</sup> Wañu ama areña kunéj kunéj séc lelecgéma Yesuac Méliméli ic zéma galeñ enéj Yerusalemiguc ac zikima hénac ac mema ogic imi tohomu niñac énécmiyoc. <sup>5</sup> Imuhuc wamma ai meyc hénarinj ienen ninzén ninzén gina seligiya kucgina mema kaiweya kaiweya zañgégina toroqema keñec.

*Paulonéj Makedonia ic méñnéj tilinj tilinjiguc wininiyu héñec.*



<sup>6</sup> Waŋu Uŋa Téréyanéŋ Asia baeciguc ackuazéc ménda zéaumuac niŋ énézéyu Firigia zéma Galatia baec orogicma keŋgic. <sup>7</sup> Keŋkecma Misia baec giŋgiŋaiguc keremma Bitinia baeciguc kerembiŋ zégic Yesuac Uŋanéŋ imuhucyanec oaec ménda zéénécmiyec. <sup>8</sup> Imuac ienen Misia baec giŋgiŋanec keŋkecma Troa amaiguc mekeŋgic. <sup>9</sup> Siŋiyaiguc Paulonéŋ tilinŋ tilinŋiguc héŋu Makedonia ic ménéŋéŋ iwaru wininima namma welecma yomuhuc zéyec; Gi doku qericma konduŋ nénéwécgeŋ Makedonia baeciguc hama méra nénécmiwésémaŋ. <sup>10</sup> Paulonéŋ tilinŋtilinŋiguc séséc hémma zéyu, Anutunéŋ ionac buŋa suruc hiabia énézéwiŋ niŋ nénézézac zéma ninzéhéŋéma nalé sosola qahac konduŋ qericma Makedonia kembiŋ niŋac zéréŋ qéréŋ waŋiŋ.

*Maleku meme embac Lidia.*

<sup>11</sup> Zéiciguc emma Troa ama areŋa yanda imi waima qericma didiŋanec kemma Samotera konduŋ baec komociguc kereŋiŋ. Ama gianŋiyu imuacnec keŋkecma Neapoli ama areŋa yandaiguc kereŋiŋ. <sup>12</sup> Imuaru zéic igucnec mama keŋkecma Filipai ama areŋa yandaiguc kereŋiŋ. Filipai imi Makedonia imuac ama areŋa yanda tosara onogicma kunehŋina wawaŋa. Roma ic eneŋ ama areŋa yanda imi aŋgéŋ tima galéhéŋéma kecgic. Waŋu ama areŋa yanda imuaru ai meme tosara kerinŋ. <sup>13</sup> Sabata ducŋiyu ama areŋa imuac nagu yanda séŋgaŋgeŋiguc doku ménéŋ heyec imuaru zéwelec welecac tatarawac séc ménéŋ hezac me qahac imi hémbiŋ zéma keŋiŋ. Kemma imuaru tacma embac tocgoma

tacgic ionac ackuazéc énézéiñ. <sup>14</sup> Wañu niñgic ionac suggina igucnec embac mén qara Lidia kerec. I imi maleku qouc qoucgia meme embac. Wañu Tiatira ama yanda igucnec. Inéñ Anutu ehéihéi wammianec. Wañu Miñ Kewunéñ qeria mebéréngéyu ackuazéc Paulonéñ zéyec imuac wamma niñec. <sup>15</sup> Wañu eñeya zéma héná géséhéra moczoñ doku naec énécmiñ nalé imuaru inéñ amayaiguc héihéré nénécmima yomuhuc zéyec; Eneñ mia nuac niñgic niñzéñ niñzéñ embac wamma Miñ Kewuac qeriaiguc keczaiguc hama nuac amaiguc tacyac wammu.

*Paulo zéma Sila hésa amaiguc oropocgic.*

<sup>16</sup> Nalé ménu zéwelec welecac kawéiguc kembiñ zé keñkeñi welen qe qe embac mén kuwicyagucnéñ mihicñi nénécmiyec. Embac imi bianac ac zéénécmima miñhéra ionac soukiwa sasala mihicñi énécmianec. <sup>17</sup> Wañu inéñ mia Paulo zéma nini méndac nénécmima ac qacma yomuhuc zéyec; Ic yominéñ Anutu eñeña yanda iwac welen qe qehéra kecma añgéñ titiac héná zéau énécmianzu. <sup>18</sup> Kaiweya kaiweya imuhuc wañ nénécmima keru ai meme sasala tecgéyec. Paulonéñ niñu aiya kiléñ yanda héricmiyu liliñgéma kuwic yomuhuc ézéyec; Ni Yesu Kristoac qaraiguc gézézua, embac iwac qeria igucnec éréma kenna. Imuhuc zéyu imuarunec éréma keñec. <sup>19</sup> Wañu welen qe qe embac iwac miñhéra ieneñ soukiwa hia mihicñimuac séc qahac wañec imi héñtegicma Paulo zéma Sila érépésima galeñ mihicñi énécmiwiñ zé nénnagémba sombeñiguc héré érécmima keñgic.

20 Galenḡ ionacmuru héré érécmima yomuhuc zégic; Ierenḡ Yuda icnénḡ amaninaiguc hama mebirinénécmiyic qewelonḡ yanda mihicḡziḡ. 21 Waḡu haka méréra Roma ic neḡaḡ ménda wamma mema kekera imuac mia nénézézaoc. 22 Waḡu ic tuḡ yanda naḡic ienenḡ naḡgé amuma momacnec hazéc ac waḡ érécmigic galenḡ ienenḡ séwi usugira hetec qetecgéma hihilocnénḡ urumu niḡac énézégic. 23 Zégic ienenḡ hihilocnénḡ kilenḡ yanda urumaguc hésa amaiguc oropocma nagu meselima hiabianec awima nammac niḡ galenḡ meme ic ézégic. 24 Ézégic nimma hésa ama qeria ménḡ suraiguc taczac imuaru oropocma hénagira ic kembraḡa dépaḡ yanda éréhéc imuac namuḡaiguc qatéyu kilanziyu heyoc.

*Hésa ama galenḡ meme ic doku naec miyec.*

25 Siḡiya namuḡaiguc Paulo zéma Sila ierenḡ Anutu legic héima zéwelec welec wammiyic hésa ic tosaraneḡ imi niḡic. 26 Waḡu élanzaḡnec naḡ yanda geriwagucnénḡ mema hésa amawac hénia mehiriyu hésa amawac naguya moczoḡ aḡgédarec. Waḡu ic momac yanda seḡ hésagina loloma madarec. 27 Waḡu galenḡ meme icnénḡ gau igucnec niḡqelima héḡu nagu aḡgéma nandaru hésa ic néḡgacdaczu imuhuc zéma nimma souya héréma eumaḡ zé waḡec. 28 Imuhuc wammaḡ zéyu Paulonénḡ qacma zéyec; Séwiga ménda mebirina nini moczoḡ you tacziḡ. 29 Waḡu galenḡ meme icnénḡ kifa niḡac qacma emma zénéḡa hiriyu Paulo zéma Sila iorac wéségiraiguc

sicgé érécmiyec. <sup>30</sup> Waṅu oragicma éréma qe-siérécmima zéyec; Ic kewu éréhcna ni dimuhuc wamba Anutunéṅ aṅgéṅna timac? <sup>31</sup> Zéyu ierenṅ yomuhuc ézéyoc; Miṅ Kewu Yesu ninzéṅgéna gi zéma héna géséhécga aṅgéṅgina timac. <sup>32</sup> Waṅu ierenṅ i zéma héna géséhéra Miṅ Kewuac ackuažéc énézéyoc. <sup>33</sup> Éénézézéyic galeṅ meme icnéṅ sinṅ imuaru nalé sosola qahac oragicma wizigira hicṅiyec imi zuac érécmiyec. Waṅu nalé sosola qahac eṅeya zéma héna géséhéra doku naec énécmiyoc. <sup>34</sup> Waṅu i eṅeyaoc ama qeriaiguc oropocma nene hai érécmiyec. Waṅu i zéma hénagéséhéra moczoṅ hama Anutu ninzéṅgéṅic imuac niṅ ségiségi yanda waṅec.

<sup>35</sup> Ama gianṅiyu galeṅ ienenṅ ai ic tosara méli énécmigic hama yomuhuc ézégic; Ic éréhc imi hulac érécmiṅna. <sup>36</sup> Zégic galeṅ meme icnéṅ nimma Paulo yomuhuc ézéyec; Galeṅ éréhcna ienenṅ ai ic tosara méli énécmigic hama hulac érécmiṅna zézu imuac iri ewa bénzénṅ nimma kemmaoc. <sup>37</sup> Zéyu Paulonéṅ yomuhuc ézéyec; Niri Roma ic kecziṅ waṅu képésicniṅna ménda zétecgéma ic tuṅ yanda kicginaiguc eṅ nuruma hésa amaiguc noropocgic. Waṅu deguc éléṅ méli nérécmiwiṅ zé wanzu? Imuhuc qahac, eṅaoc hama noragicgic kembiṅ. <sup>38</sup> Waṅu ai ic ienenṅ liliṅgéma kemma galeṅ énézégic. Énézégic ienenṅ ic éréhc imi Roma ic wanzaoc imi niṅasarima aurigic. <sup>39</sup> Aurima ic éréhc mebélacgé érécmiwiṅ zé iorac muru hama hésa ama igucnec oragicma éréma ama areṅa yanda imi waima kemmaoc niṅ érézégic. <sup>40</sup> Waṅu ierenṅ hésa ama igucnec

éréma duña Lidia iwac amaiguc kemma imuaru Yesuac ninzéh ninzéh dac muna inicma meseli énécmimaguc ama yanda imi waima keñoc.

## 17

*Paulo zéma Sila ierenj Tesalonika ama areña yandaiguc keñoc.*

<sup>1</sup> Wañu Paulo zéma Sila ierenj Amfipoli zéma Apolonia ama areña yanda orogicma Tesalonika ama areña yandaiguc kereñoc. Wañu imuaru Yuda ic onac tocgotocgo ama mēj tarec. <sup>2</sup> Wañu Paulonéh hakaya méndacma tocgotocgo amaiguc emma Sabata haréwéc séc iniguc kiwi téréya olomma eminiñgic. <sup>3</sup> Imuhuc wamma hénia zéasarima héipuc wamma yomuhuc zéyec; Kristo i qenzenj manzenj qema humuma humuc igucnec yacmac niñac kiwi téréyaiguc ogic hezac. Wañu ni énézéanzua Yesu iminéj Kristo wanzac. <sup>4</sup> Zéyu sugcinaiguc tosara zéma Girik ic tuñ yanda Anutu ehéihéi wammianjic imi enenj zéma embac eñeña éréhécdac qahac, nēj sasala momacnec ninzéhégema Paulo zéma Sila iorac muru toroqegic. <sup>5</sup> Wañu Yuda ic enenj nimbupuc niñ érécmima nénnagémba sombenjiguc kemma kaiziliwenj ic tosara onagicma tunjinaguc wamma hénima ama areña yanda qeriaiguc qewelonj yanda wañgic. Wañu Paulo zéma Sila mihicñi érécmima ic embac sugcinaiguc héréma kemma oropochñj zé Yasonac amaiguc usuñnec keñgic. <sup>6</sup> Wañu ménda mihicñi érécmigic. Imuac niñ Yason zéma ninzéh ninzéh dacmuna tosara énépésima unuruma ama galeñ ionac

wéséinaiguc kemma qacma zégic; Baera baera ic embac ionac qerigina mesoho énécmianzaoc imi ereñ mia nonac muru hayoc. <sup>7</sup> Hayic Yasonnéñ héihéré érécmiyecac érécmima keczac. Ieneñ Roma ic kewuac ac logima Ic kewu ménj keczac, imi mia Yesu zéanzaoc. <sup>8</sup> Zéyic ama areña yanda ichéra zéma galen ieneñ ac imi nimma qewelon yanda wañgic. <sup>9</sup> Wañu galen eneñ Yason zéma alahéra ionac murunec soukiwa mema oropocgic keñoc.

*Paulo i Berea ama areña yandaiguc ackuazéc énézéyec.*

<sup>10</sup> Wañu sinjiyaiguc ninzénj ninzénj dac muna ieneñ Paulo zéma Sila méli érécmigic Berea tañgic kemma Yuda ic ionac tocgotcogo amaiguc eñoc. <sup>11</sup> Wañu Berea ama areña yanda miñina ionac hakagina imi Tesalonika ama areña yanda miñina ionac hakagina ogicma bénzénja wañec. Imuac ackuazéc imi siña nimma késama añgénj tigid. Añgénj tima acgira imi hélacnec me deic zéma kaiweya kaiweya kiwi téréya imi olomma niñgésigic. <sup>12</sup> Imuhuc wamma ionarunec sasalanénj ninzégégic. Wañu Girik embac eñeña zéma Girik ic embac efefia qahac, néñ sasala ninzénjgégic. <sup>13</sup> Yuda ic Tesalonika ama areña yanda igucnec ieneñ Paulonénj Berea ama areña yandaiguc acguc Anutuac ackuazéc zéauyec imi nimma Berea ama areñ yandaiguc hama imuac miñina qeriginaiguc netu énécmima aigira qeri qaonj qeénécmima yéwéri mihicñi énécmigic. <sup>14</sup> Imuhuc wañgic ninzénj ninzénj dac muna ieneñ Paulo kondunj heyec imuhucgenj

lakec kemma kecmac niṅac mélimigic. Waṅu Sila zéma Timoteo ieneṅ imuaru\* waima keroc. <sup>15</sup> Waṅu ic tosara ieneṅ Paulo wagicma Aten ama areṅa yanda tarec imuhucgeṅ lakec keṅgic. Waṅu Paulonéṅ Sila zéma Timoteo eṅeya muru foc méli érécmigic hamaoc niṅ énézéyu gezac qézéṅ ac imi mema liliṅéma keṅgic.

*Paulonéṅ Aten ama areṅa yanda yandaiguc buṅa suruc hiabia énézéyec.*

<sup>16</sup> Waṅu Paulo i Aten ama areṅa yandaiguc iorac mambéc tac kecma ama areṅa yanda imuac qeriaiguc baniara sasala naṅgic hémma qeri geric waṅec. <sup>17</sup> Waṅu Yuda ic onac tocgotogo amaiguc Yuda ic zéma Girik ic tosara Anutu ehéihéi wammianzu ionac ackuazéc énézéyec. Waṅu nénnagémba sombeṅiguc kaiweya kaiweya ic mihicṅi énécmiyec séc imuhuc waṅ énécmiyec. <sup>18</sup> Waṅu Epikue nininṅ ic zéma Stoike nininṅ ic ieneṅ acguc i guc ac eminiṅgic. Waṅu Paulonéṅ Yesu zéma humuc igucnec yacyac imuac ac zéyec. Imuac niṅ tosananéṅ Pauloac niṅ kua doku ic yominéṅ néma ac zémanṅ zé wanzac me imuhuc zégic. Waṅu tosananéṅ ic yomi mia baec méṅac nemu mérérawac suruc zézac gezanṅ imuhuc zégic. <sup>19</sup> Imuhuc zéma Areopago kaunsol sombeṅiguc wagicma kemma zégic; Iwawai qelia zézanṅ imi nini hia niṅareṅ géwiṅac séc wanzac me? <sup>20</sup> Geṅ ackuazéc méréra zéna ninzinṅ imuac héniaya nimbiṅ zé wanzinṅ. <sup>21</sup> Imi mia Aten ic zéma ic kianṅ imuaru kecgic ieneṅ ac méréra

---

\* **17:14:** Berea ama areṅa yandaiguc.

nimma ac imuacnec zéma zé wamma nalégina auanġic imuac niġ imuhuc qesimigic.

*Miġ Kewu mérérawac hénia énézýec.*

<sup>22</sup> Waġu Paulo imi Areopago kaunsol sombenġ yanda namuġaiguc namma ic yomuhuc énézýec; Aten ic mandac, ni yomuhuc hémma ninzua, Ini mepé qepési ic keczu. Iwawai moczoġ yanda mepési énécmianzu. <sup>23</sup> Ni ama areġa yandagina imi lelecgéma kicna hima onac mepé qepésiac iwawai inicba zaki téréya méġiguc kiwi yomuhuc heyu olonzua; Nemu méréra ménda ninziġ iwac zaki téréya. Deguc ni nemu méréra ménda nimma mepésimianzu, i énézéwa niġtecgicmu. <sup>24</sup> Anutu baec kurumeġ zéma imuac qeriaiguc iwawai momac yanda hezac imi zéyu hicġidarec inéġ mia baec kurumeġ imuac miġina keczac imuac niġ inéġ ocmuġ téréya méraninanéġ memeya imuac qeriaiguc ménda kecanzac. <sup>25</sup> Waġu I eġeyaoc ic embac moczoġ yanda kekec zéma wésésé zéma iwawai moczoġ yanda nénécmianzac imuac niġ iwawai méġ niġac waġu méraninanéġ haimiwiġac séc qahac. <sup>26</sup> Inéġ ic momacguc mihicġima iwarunec ic tuġa tuġa hicġima kemma baec séc kecmuac niġ ézýec. Waġu nalénina zéma kekecac qaġaġ sililicnina zénénécmiyec. <sup>27</sup> Imi mia ic neġaġ iwac niġ wamma qerininanéġ mété qététaġ wamma kemma Anutu eġeya mihicġiwiġ niġac nimma imuhuc waġec. Waġu inéġ ic momac momac neġaġ murunec lakec ménda kecanzac.

<sup>28</sup> Neġaoc iwac kuhaiguc kekec wamma keġha waġanzuġ. Onac legic zéra meme ic



tosaranéh yomuhuc zégic; Neñañ Anutuac qelihéra. <sup>29</sup> Imuhucyanec Anutuac qelihéra kecziñ imuac niñ Anutuac ninni goli me siliwa me hocnéñ niniñnina tohoma irec ooya méndacma meyacgéanzñiñ séc ménda wammac. <sup>30</sup> Anutunéh ménda nimma kekecac naléyaiguc ménda ninicma tuambuam wañec. Wañu deguc mia baec séc ic momac yanda qerina melembiñ niñac nénézézac. <sup>31</sup> Anutunéh baec ic embac solañanec gési nénécmimañ zé naléya meyecac heyu ic méñ ai imi mia memac niñac kumuyec. Wañu ic imi mia humuc igucnec meqelima héipuc yanda baec ic moczoñ ninzéhégmuac sécyá nénécmiyec.

<sup>32</sup> Paulonéh imuhuc zéyu ic tosanaréh humuc igucnec yacyac imuac zédesi wañgic. Wañu tosanaréh nalé méñac ac suruc imuac muñguc zéna nimbiñ imuhuc zégic. <sup>33</sup> Imuhuc wañgic Paulonéh wai énécmima keñec. <sup>34</sup> Ic sasala qa-hac, néñ tosara Paulo ala wammima ninzéhégic. Ionarunec éréhéc imi Areopagoac gésigési ic Dionisio zéma embac Damari, wañu tosara méñ kecgic.

## 18

*Paulo inéh Korinti ama areña yandaiguc ackuazéc ai meyec.*

<sup>1</sup> Imuac andiaiguc Paulonéh Aten ama areña yanda waima Korinti ama areña yandaiguc keñec. <sup>2</sup> Imuaru Yuda ic méñ mihiçniyec, qara imi Akila. I Ponto baeciguc hiçniyec. Ic kewu Klaudionéh Yuda ic imi Roma ama areña yanda

waima kemmu niḡac énézéyec. Imuac niḡ inéḡ iniḡa Priskilaguc\* Italia baec igucnec Korinti ama areḡa yandaiguc qelia hayoc. Waḡu Paulonéḡ iricmaḡ zé keḡec. <sup>3</sup> Iereḡ imi aigira momacguc imuac niḡ momacnec kecma ai meyoç. Waḡu iereḡ yaḡ séwélanéḡ sel meyacgéyu boḡ meanoç. <sup>4</sup> Waḡu Paulo i Sabata nalé séc Yuda ic ionac toçgotocgo amaiguc emma Yuda ic zéma Girik ic iniguc ac eminimma meme seli ac waḡ énéçmiaḡec.

<sup>5</sup> Waḡu Sila zéma Timoteo iereḡ Makedonia waima hayoc. Nalé imuaru ackuazéçnéḡ Paulo késayu ewa moçzoḡnec Yesu imi Kristo téḡgéḡ zéma imuac héipuc wamma Yuda ic zéasari énéçmiyec. <sup>6</sup> Waḡu Yuda ic ieneḡ hazéc wammima zébiri migic séséc wamma séwi usuya miminçzaliyu seitotoḡa mayu yomuhuc énézéyec; Onac sacnéḡ onac orucginaiguc liliḡgéma hamac, néḡ ni aina mema solananiwa képésicna qahac wanzac.☆ Degucmuacnec ni ic enia ionac muru kemmaḡ. <sup>7</sup> Waḡu toçgotocgo ama imi waima ic méḡ Anutu mepésiançac qara Titio Yusito iwac amaiguc emma tacyac waḡec. Amaya imi toçgotocgo ama imuac maréḡaiguc tareç. <sup>8</sup> Waḡu toçgotocgo amawac galeḡ qara Krispo zéma hena géséhéra ieneḡ ackuazéc nimma Miḡ Kewu ninzégégic. Waḡu Korinti ic ionarunec sasalanéḡ acguc Pauloac ara nimma ninzéggéma doku naecgic. <sup>9</sup> Waḡu siḡi méḡiguc Miḡ Kewunéḡ Paulo tilinç tilinçiguc hicḡimima yomuhuc ézéyec; Gi zénéḡḡa ménda hiriyu ac imi ménda waima

\* 18:2: Me Priska. ☆ 18:6: Ezk 3:18

zévésémaḡ. <sup>10</sup> Ni giguc kecaḡzua imuac niḡ ic méḡnéḡ méḡ gumebiri ménda waḡgémmac. Ama arenaḡ kunéḡ yanda yomuaru nuac ic embac sasala keczu. <sup>11</sup> Imuhuc ézéyu Paulonéḡ ama imuaru toroḡema kecma Anutuac ackuazéc ku énécmima keru yawuḡ momacguc zéma emma maso 6 mahayec.

<sup>12</sup> Waḡu Galionéḡ Akaia baeciguc baec galéḡ yanda waḡec. Nalé imuaru Yuda ic ieneḡ zikiamuma Paulo hažéc wammima baec galéḡac muru wagicma keḡgic. <sup>13</sup> Kemma yomuhuc zégic; Ic yomi héna acnina logima héna méréraiguc tima ic embac Anutu mepésimimu niḡac zéhinocgé énécmianzac. <sup>14</sup> Waḡu Paulonéḡ ac zémaḡ zé waḡu Galionéḡ Yuda ic yomuhuc énézéyec; Ini Yuda ic, kaiziliweḡ me haka biria niḡac zézuiguc neḡ acgina niḡénécmimaḡac hezac. <sup>15</sup> Néḡ eḡaḡ ackuazéc me qac méḡ me héna ac imuhucyawac ara wanzuiguc eḡaoc zémindiḡimu. Ni iwawai imuhucyawac niḡésimaḡ zé wammaḡac ménda ninzua. <sup>16</sup> Imuhuc zéma nesi énécmiyu magic. <sup>17</sup> Waḡu ieneḡ momac yanda tocgotocgo amawac galéḡ Sositene wagicma baec galéḡac kiwaiguc qehéi wammigic. Waḡu baec galéḡ Galionéḡ inicma ewa éréhéc ménda waḡec.

*Paulonéḡ Antiokia ama arenaḡ yandaiguc liliḡéma hayec.*

<sup>18</sup> Paulonéḡ Korinti ama arenaḡ yandaiguc ai meme sasala méḡ kecmaguc ninzéḡ ninzéḡ dac muna wai énécmima zéiciguc Siria baeciguc keḡec. Waḡu Priskila zéma Akila iereḡ i guc momacnec keḡgic. Waḡu zézé selia niḡac

zéiciguc embiñ zéma Korinti ama areña yanda Keñkereaiguc oruc zucya merirec. <sup>19</sup> Wañu Efeso ama areña yandaiguc keremma Paulo ic tosara momacnec keñgic ini imuaru wai énécmimañ zé eñeyaoc Yuda ic ionac tocgotocgo amaiguc emma iniguc ackuazéc eminiñ wañgic. <sup>20</sup> Wañu ic sasalanéñ eñañguc nalé horua mén kecmac niñac welecgic, néñ ménda niñénécmiyec. <sup>21</sup> Wañu Anutuac ewa siñ imuac heyu onaru muñguc liliñgémañ imuhuc zéma zéiciguc emma Efeso ama areña yanda imi waima keñec. <sup>22</sup> Keñkecma Kaisarea zéic alawac ama areña yandaiguc kereñec. Imuaru élélahaiguc ekemma Yesuac hénaoriñ héra yaižézé ac wañ énécmima Antiokia ama areña yandaiguc keñec.

<sup>23</sup> Imuaru komora kecmaguc muñguc waima Galatia zéma Firigia baec orocgicma Yesuac héihéré énécmimia momac yanda meseli énécmima keñec.

*Apolonéñ Efeso ama areña yandaiguc ackuazéc énézéyec.*

<sup>24</sup> Wañu Efeso ama areña yandaiguc Yuda ic mén hayec, qara imi Apolo. Imi Aleksandria ama areña yandaiguc hicñiyec. Ic imi niniñ yandayaguc, kiwi téréya hia niñaren gédarec. <sup>25</sup> Inéñ Miñ Kewuac héna ac zégic niñarengeña ewa moczoñnec Yesuac ac suruc dindinanec ku énécmianec. Néñ ic imi Yohaneac doku naec haka sac niñec. <sup>26</sup> Inéñ Yuda ic ionac tocgotocgo amaiguc ackuazéc zénéña ménda hiriyu hénima zéyec. Zéyu Priskila zéma Akila ieren zézéya nimmaguc i amagiraiguc héihéré

mima Anutuac héna muᅅguc yanda zéasarimiyoc. <sup>27</sup> (27a) Waᅅu Apolonéᅅ Akaia baeciguc kem-  
maᅅ zé waᅅu ninzéᅅ ninzéᅅ dac muna ieneᅅ  
meme seli ac wammima ninzéᅅ ninzéᅅ dacmuna  
imuaru keczu ieneᅅ Apolo hérémimuac niᅅac  
énézéwiᅅ zé ionac muru kiwi oma migic késama  
keᅅec. <sup>28</sup> Kemma Korinti ama areᅅa yandaiguc  
keremma kiwi téréya héiqelima Yesu imi Kristo  
wanzac imuac héipuc wamma ic embac ionac  
kicginaiguc kuhaguc zéauma Yuda ic ionac ac  
memamiyec. <sup>(27b)</sup> Imuac niᅅ ic embac Anutuac  
ewa hia niᅅac ninzéᅅgégic ionac méᅅguc yanda  
méra énécmiyec.

## 19

*Paulonéᅅ Efeso ama areᅅa yandaiguc Yohane  
mihicᅅiyec.*

<sup>1</sup> Apolonéᅅ i Korinti ama areᅅa yandaiguc  
kerunec Paulonéᅅ huaᅅgeᅅ baec waᅅgoᅅa Saut  
iguc keᅅkecma Efeso ama areᅅa yandaiguc  
keremma Yesuac tohotoho ic tosara mihicᅅi  
énécmiyec. <sup>2</sup> Waᅅu inéᅅ yomuhuc qesiénécmiyec,  
Ini ninzéᅅgégic nalé imuaru Uᅅa Téréyaguc  
waᅅgic me qahac? Zéyu zégic, Qahac, Uᅅa  
Téréya keczac imuac buᅅa ménᅅ méndagucnec  
niᅅiᅅ. <sup>3</sup> Imuhuc zégic muᅅguc qesiénécmiyec; Ini  
némac doku naecgic? Zéyu zégic; Yohaneac doku.  
<sup>4</sup> Zégic Paulonéᅅ yomuhuc énézéyec; Yohaneᅅᅅ  
ewa melenᅅ melenᅅac doku naec énécmima ic  
embac yomuhuc énézéyec; Andénaiguc hama  
keczac i ninzéᅅgému. Waᅅu ac imi Yesuac niᅅ  
mia imuhuc zéyec. <sup>5</sup> Ic eneᅅ ac imi nimma

Miŋ Kewu Yesuac qaraiguc doku naecgic. <sup>6</sup> Waŋu Paulonéŋ orucginaiguc méria haiyec nalé imuaru Uŋa Téréyanéŋ ionaru mayu ac méréra zéma andiawac ac momacnec zégic. <sup>7</sup> Waŋu ic zaŋgégina imi 12 ésécnec waŋec.

<sup>8</sup> Waŋu Paulonéŋ Yuda ic ionac tocgotcgo amaiguc nalé séc emma, ackuazéc zénéŋa ménda hiriyu énézéma, maso haréwéc séc Anutuac héŋgaleŋ ama areŋa yandayawac énézéma, meseli énécmima kerec. <sup>9</sup> Waŋu ic tosara eneŋ ewa seli wamma ménda tohoma ic embac kicginaiguc héna imi zébirigic. Waŋu Paulonéŋ wai énécmima tohotoho ic tosara onagicma kemma Tirano kiwi téréyawac amaiguc kaiweya kaiweya ackuazéc ku énécmiyec. <sup>10</sup> Ai yawuŋ éréhéc imuhuc wamma keru Yuda ic zéma Girik ic Asia baeciguc keczu ieneŋ moczoŋ Miŋ Kewuac ackuazéc nindacgic.

<sup>11</sup> Waŋu Anutunéŋ Paulo nanŋémima iwarunec kiwi baec icnéŋ ménda memeya ogicqogicma sasala meyec. <sup>12</sup> Waŋu ic eneŋ séwi kereŋ tosara zéma ai memeyawac séwi usu tosara mema hama Pauloac séwiyaiguc osima mema kemma hafi ic ionac qacginu haigic hiarugic. Waŋu kuwic acguc wai énécmima néŋgacgic. <sup>13</sup> Waŋu Yuda ic tosara baec séc lelecgéma méra kiwi meanŋic ieneŋ batucgéma Yesuac qaraiguc kuwicginaguc yomuhuc énézégic; Paulo zéanzac Yesu iwac qaraiguc énézézua, éréma keŋgic. <sup>14</sup> Yuda ic hofac oo ic kiwa ménŋ qara Sikewa iwac nanhéra 7 ieneŋ imuhuc mia waŋgic. <sup>15</sup> Waŋu kuwicnéŋ ac yomuhuc melenŋ énécmiyec; Yesu ninzua, waŋu

Paulo i ninzua, waŋu ini méré ic? <sup>16</sup> Imuhuc zéma kuwicyagucnéŋ merac éréhéc momacnec qacgiraiguc técgéma emma uruqéfac qéfac waŋ érécmiyu wiziginaguc wamma katanec ama qeria igucnec mama néŋgacgic. <sup>17</sup> Waŋu haka imuac buŋa Efeso ama areŋa yandaiguc Yuda ic zéma Girik ic ieneŋ nindacma zénéŋgina hiriyu Miŋ Kewu Yesuac qara ehéihéi wammigic. <sup>18</sup> Waŋu ninzénégic ieneŋ sasala haréma wawaŋ memegina biria zéaudacgic. <sup>19</sup> Waŋu ic tosara méra kiwi meanjic ieneŋ imuac kiwi papia mutalaŋéma mema hama ic embac kicginaiguc gericiguc haigic zedarec. Waŋu kiwi imuac boŋa toroqegic siliwa gocmia\* 50,000 ogirec. <sup>20</sup> Imuhuc waŋgic Miŋ Kewuac ackuazécnéŋ kuhaguc yacma saiyec.

*Paulonéŋ Yerusalem kemmac niŋac zéréŋqéréŋ waŋec.*

<sup>21</sup> Héla imuhuc hicŋidaruguc Paulonéŋ Makedonia zéma Akaia baec orogicma Yerusalem kemaŋ zé ewayanéŋ niŋselima yomuhuc zéyec; Ni Yerusalem keremmaguc bianjuc Roma ama areŋa yanda acguc hémmaŋ zé wanzua. <sup>22</sup> Waŋu ic méra migic ionarunec éréhéc Timoteo zéma Erasito iereŋ Makedonia baeciguc kemmaoc niŋac méli érécmiyec. Waŋu i eneya Asia baeciguc nalé komodia ménj toroqema kerec.

*Efeso ama areŋa yandaiguc qewelonj yanda hicŋiyec.*

---

\* **19:19:** Siliwa gocmia momacguc imi ai ic méŋac ai meme momacgucac ai boŋa wanzac.

23 Waŋu nalé imuaru Efeso ama areŋa yandaiguc héna ac imuac niŋ hétéŋ efefia qahac, néŋ hétéŋ yanda hicŋiyec. 24 Surucya imi yomuhuc; Ic méŋ siliwanéŋ iwawai meyacgéma kerec, qara imi Demetirio. Ic inéŋ nemu Atemiac† ocmuŋ imi siliwanéŋ meyacgéma soukiwa efefia qahac, néŋ kunéŋ yanda ai momachéra mihicŋi énécmianŋec. 25 Waŋu inéŋ ai ichéra zéma ai momachéra tocgó énécmima yomuhuc énézéyec; Ic mandac, ini ainina iminéŋ mia soukiwa yanda mihicŋi nénécmianzac imi ninzu. 26 Waŋu Paulonéŋ Efeso ama areŋa yanda zéma Asia baec tosara igucnec ic embac zénaŋgé énécmima yomuhuc zéanzac; Iwawai ic méranéŋ memeya imi Anutu héla qahac. 27 Imuhuc waŋkeru nénagémba aininawac qara imi qahac wambac niŋac. Imi sac qahac, embac nemu yandanina Atemi iwac ocmuŋ imi mamaya waŋu, Asia baec igucnec zéma baec tosia igucnec ic momac yanda ehéihéi wammianzu imi imuhucyanec qahac wambac niŋac.

28 Demetirionéŋ ac imuhuc énézéyu nimma qeriginaiguc héribiric kuaya qeyu kucnec qacma yomuhuc zégic; Efeso ic neŋaŋ Atemi i eŋeŋa yanda! 29 Imuhuc zégic nalé sosola qahac waŋu ama areŋa yanda séc hétéŋ yanda imi sécgéma kendarec. Waŋu Makedonia ic éréhéc Gaio zéma Aristako Pauloguc momacnec keŋha waŋaŋgic i iri imi érépésima héré érécmima moczoŋ yanda séséc memec azoazoro ama kunéŋ yandaiguc usuŋnec keŋgic. 30 Waŋu Paulonéŋ nimma sucgi-

---

† 19:24: Anutu embara Daianawac qara.



naiguc kemmanj zéyu tohotoho ic ienej neunj héimigic. <sup>31</sup> Imi sac qahac Asia baec yanda imuac ai ic eņeņa tosara Pauloac alahéra kecgic ienej azoazoroiguc ménda kemmac niņac kiwi oma haigic iwaru keņec. <sup>32</sup> Waņu azoazoroiguc ic eneņ ewagina meemma ac imuhucya imuhucya zéma qewelonj yanda waņgic acgina sohodaru ic sasala yanda imi némac niņ tocgégic hénia imi ménda niņasarigic. <sup>33</sup> Waņu Yuda ic ienej alagina méņ qara Aleksande naņgémigic ou wéséginaiguc emma namma Paulo imi Yuda ic, néņ hazécnina wanzac zéma yéwéri imi zémindiņimaņ zé acgina qaimac niņac méranéņ séséc waņ énécmiyec. ‡  
<sup>34</sup> Waņu ic ienej ic imi Yuda ic wanzac imi héņtegicma kuagina séc qacma kaiwe kiwa 2 aua séc yomuhuc zéma naņgic; Efeso ic neņañ Atemi i eņeņa yanda! <sup>35</sup> Imuhuc waņkecgic tauņ imuac kiwi oo ic inéņ ic melanzi énécmima yomuhuc énézéyec; Efeso ic mandac, Efeso ama areņa yanda miņinanéņ Atemi yanda ninawac ocmuņ zéma baniara kurumeņ igucnec mamaya imuac awiawi ic kecanziņ imi baec séc ic embac moczoņ nindaczu. <sup>36</sup> Iwawai imi qaecgé mimiawac séc qahac. Imuac niņ ini qerigina kugic mayu haka sicsaocya méņ ménda wammu. <sup>37</sup> Ic énépésima hazu yomi eneņ embac nemuninawac ocmuņ igucnec iwawai méņ kowu ménda megic. Waņu nonac embac nemu ménda zébirimigic. <sup>38</sup> Waņu Demetirio zéma ai ichéra ienej ic méņac

---

‡ **19:33:** Yuda ic eneņ Paulo zéma Kristoac hénaořiņ niņac hazéc miħicjiwiņ niņac zénéņgina ħiriyu Pauloguc ewa momac ménda wanzu hénia imi zéasari énécmiwiņ zé imuhuc batucgégic.

ara késa keczuiguc kápésic zézé naléya zéma baec galenġina he énécmizaoc imuac niġ imuac gésigési amaiguc aciguc opocamumu. <sup>39</sup> Waġu ac tosara méġ hezaciguc kua meme ic azoazoroiguc mema kemma zétecgému. <sup>40</sup> Nini azoazoro yanda héniya qahac yomuac niġac yéwéri mihicġiziġ. Ic kewu yandanéġ nimma hétéġ yanda niġac ac zé nénécmiwac niġac. Qesi nénécmimaciguc nini azoazoro hena ac logilogiya yomuac ac bakia méġ owiġac séc qahac wammac. <sup>41</sup> Imuhuc zéyu tecgéyu méli énécmiyu kendacġic.

## 20

### *Paulo i Makedonia zéma Akaia baeciguc keġec.*

<sup>1</sup> Ac hétéġ yanda imi qahac waġu Paulonéġ tohotoho ic unuruma meme seli ac énézéma wai énécmima Makedonia baeciguc keġec. <sup>2</sup> Baec imi ogicma tohotoho ic ac sasala énézéma meseli énécmima keġkecma Girik baeciguc kereġec. <sup>3</sup> Imuaru maso haréwéc kecma zéic késama Siria amaiguc kemmaġ zé waġu Yuda ic ieneġ Paulo qewiġ zéma ac saġec zéġic niġteġicma Makedonia baeciguc muġuc liliġgéma kemmaġ zé niġseliyec. <sup>4</sup> Waġu ic tosara i guc momacnec Asia baeciguc keġġic imi yomuhuc; Berea ic Piroac naġa Sopatero, Desalonika ic Aristako zéma Sekundo, Debe ic Gaio, waġu Timoteo, waġu Asia ic Tikiko zéma Tirofimo. <sup>5</sup> Ic imi ieneġ walac kemma Troa ama areġa yandaiguc keremma mambéc nénécmima taġġic. <sup>6</sup> Nini saméġ yisya qahac imuac kendoġ tecgéyu Filipi ama areġa yanda waima zéiciguc kaiwe méra

ménj keŋkecma Troa ama areŋa yanda miŋina ionac muru keremma imuaru ai meme 7 kerinj.

*Paulo i Troa ama areŋa yandaiguc merac ménj mehiaruyec.*

<sup>7</sup> Sabata tecgéyu Sondaiguc saménj newinj zéma tocgéinj. Waŋu Paulonénj ama gianjiyu kemmanj zéma ackuazéc zémanec nanju sinji namuŋa waŋec. <sup>8</sup> Ama qeria qacyaiguc tariŋ imuaru kifa sasala zema naŋec. <sup>9</sup> Waŋu merac ménj qara Yutiko inénj luhuc memecac kifana igucnec tackecma gau niŋac qeka meka qema tarec. Waŋu Paulonénj ackuazéc zéyu horugiyu gauac kuhanénj qéléléngéyu tendiŋgéma hiŋgacma baeciguc qeyu heyu mema yachéŋgic humuyec. <sup>10</sup> Waŋu Paulonénj hiŋgacma eŋeyaoc merac qacyaiguc héima tétécgéma yomuhuc énézéyec; Zénéŋgina ménda hirimac, kekecyá hemizac. <sup>11</sup> Imuhuc zéma ama qeria qacyaiguc heyec imuaru emma saménj nema ic iniguc ac eminiŋ wamma nalé horua tacgic ama gianjiyec. Ama gianjiyu wai énécmima keŋec. <sup>12</sup> Ic ienenj merac qeliyu amayaiguc wagicma keŋgic ewagina hiaruyu ségiségi yanda waŋgic.

*Paulonénj Milete ama areŋa yandaiguc keŋec.*

<sup>13</sup> Paulonénj eŋeyanec baec héna kemmanj zé ai areŋa zénénécmiyec imuac niŋ nini walac zéiciguc emma Paulo wagicbiŋ zéma Aso amaiguc keŋinj. <sup>14</sup> Waŋu Paulonénj Aso amaiguc mihični nénécmiyu zéiciguc wagicma Mitilene ama areŋa yandaiguc kereŋinj. <sup>15</sup> Imuacnec keŋkecma Zintaiguc Kio kondunj baec komociguc kereŋinj.

Imuacnec keŋkecma Mitiwoiguc Samo kondur baec komociguc kereŋiŋ. Waŋu imuacnec keŋkecma Seiyaiguc Milete ama areŋa yandaiguc kereŋiŋ. <sup>16</sup> Paulonéŋ ai meme 50 imuac kendoniguc Yerusalem kemmanŋ zé waŋec. Imuac Asia baeciguc keru nalé ogicbac niŋac Efeso ménda kemma qericma moczoŋ Milete ama areŋa yandaiguc keŋec.

*Efeso ama areŋa yandaiguc  
kua meme ic ac énézéyec.*

<sup>17</sup> Kemma Milete imuarunec inéŋ Yesuac hénaroiŋ héra ionac galenŋ hécgina onagicma hamu niŋac ic tosara méli énécmiyu Efeso ama areŋa yandaiguc keŋgic. <sup>18</sup> Onagicma hagic Paulonéŋ ac yomuhuc énézéyec; Ni Asia baeciguc hama iniguc kecma ai memena hénia igucnec hénima kaiweya kaiweya wawan memena dimuhuc wamma kecaŋi imi hémma nindacgic. <sup>19</sup> Séwi memama hakanaguc zéma kic masinaguc wamma manam batuc sasala Yuda ic eneŋ menéŋgic zéra béra hénia hénia imuac qahaiguc kecma Miŋ Kewu mepésiŋ. <sup>20</sup> Waŋu iwawai méra énécmimia méŋnéŋ méŋ henéŋu hénaroiŋ kicginaiguc me amaya amayaiguc ménda niŋyéwérima moczoŋ énézéma ku énécmiyi. <sup>21</sup> Imuhuc wamma Yuda ic zéma Girik ic momacnec ewagina melemma Anutuac muru késpedesgina zéauma Miŋ Kewunina Yesu Kristo ninzéŋgému niŋac énézéŋ. <sup>22</sup> Waŋu ninzu? Uŋanéŋ qerina qatéma héréyu Yerusalem kenzua. Waŋu ou kemma haka dimuhucya méŋ mihicŋimanŋ imi ni ménda

ninzua. <sup>23</sup> Momacgucdac ninzua imi yomuhuc; Ama séc keremma kecha imuaru Uña Téréyanéñ hésa ama zéma zérabéranéñ mambéc nénzac imi nézézac. <sup>24</sup> Héna menéñec imi usuñec kemma Anutunéñ ewa hiawac ackuazéc imi héipuc wamma énézémanñ niñac ai buña qenéñec imi metecgémanñ zéma neñ nena kekecnawac nimba eeyaguc ménda wanzac.

<sup>25</sup> Ninzu, ni sugginaiguc kenña wamma héngalenñ ama areña yandawac buña énézédaczua. Wañu ini moczoñ kic ségérana muñguc ménda hémmu imi ni ninzua. <sup>26-27</sup> Ni ménda osima Anutuac ewa siñ moczoñ énézédari. Imuac niñ, zésolañiwa niñgic, sugginaiguc ménéñéñ ménéñ birigic ionac sac kitiwa imi nuac muru ménda hemac. <sup>28</sup> Eñac galenñgé amuma rama tuñhécgina imuhucyanec galenñgé énécmimu. Uña Téréyanéñ ini ionac galenñ gési énécmiyec imuac niñ Miñ Kewuac hénacoriñ héra, eñeya sawanéñ boñhére énécmiyec ionac inicgalenñ wamma kecmu. <sup>29</sup> Ni wai énécmima kema haséñ kazu zéragucnéñ onaru haréma rama goigina ménda héimu. <sup>30</sup> Wañu eñañ sugginaiguc ic tosara hicñima tohotoho ic hérégic méndac énécmimu niñac ac qariniñ qariniñ zému. <sup>31</sup> Imuac galenñgina mema kecmu! Wañu yawuñ haréwéc séc siñi kaiwe ménda waima kic masinaguc eñac eñac énézéañi imi niñqelima kecmu. <sup>32</sup> Deguc ni Anutu zéma iwac ewa hiawac ackuazéciguc ini onopoczua. Ac kuazéc iminéñ mia hia meseli énécmiyu yacma météré ichéra sugginaiguc ai buña mihicñimu. <sup>33</sup> Ni

ic méñac goli me siliwa me séwi usuya niñac hémbaoc ménda wañi. <sup>34</sup> Ini ninzu ésécñec, ni méra éréhécnanéñ ai mema ni zéma ichéçna nonac iwawainina mihicñianzua. <sup>35</sup> Imuhuc wamma haka séséc héiénéçmiwa héndacñic. Ini imuhucyanec ai kuney mema ic kucgina çahac méra énéçmimu. Wañu Miñ Kewu Yesunéñ ac yomuhuc zéyec imi niñqelima keçmu; Haléñ énéçmimia ionac ségiségigina imi haléñ késakéça ic ionac ségiségigina imi ogicanzac.

<sup>36</sup> Paulo i ac imuhuc zéteçgéma moczoñ yanda iniguc simiñ héima zéwelerec. <sup>37</sup> Zéweleru ieneñ moczoñ zésiçac yanda wamma Pauloac ewayaiguc gilic hincgaru kiricne çiricne wammigic. <sup>38</sup> Ini kic ségérana muñguc ménda némmu zéyec; Ac imi nimma ewa biric kuney yanda wamma wagicma zéiciguc kemma opocñic.

## 21

*Paulonéñ Yerusalem kemman  
zé zéiciguc eñec.*

<sup>1</sup> Wañu nini wai énéçmima keñkeçma kondun baec komoc Ko baec komociguc kereñiñ. Ama gianiyu keñkeçma Rodo kondun baec komociguc keremma keñkeçma Patara ama areña yandaiguc kereñiñ. <sup>2</sup> Imuaru zéic méñ Foinike kondun baec komoraiguc kemman zé wañu mihicñima imuaru emma keñiñ. <sup>3</sup> Keñkeçma Kipuro kondun baec komoc kanaigucgeñ taru hémma ogicma Siria baecigucgeñ keñkeçma Tiroiguc kerenni imuaru zéicnéñ hinaya haihulac wamman zé wañu élélaiguc eñiñ. <sup>4</sup> Emma tohotoho ic

tosara mihicņi énécmima imuaru iniguc kaiwe 7 kerin. Waņu Uņanén hinocgé énécmiyu nimma Paulo Yerusalem ménda kemmac niņac welec migic. <sup>5</sup> Nalé imi tecgéyu ic embac waima kenni ienen iniņ merachécgina moczoņ yanda iniguc nonagicgic ama areņa yanda imuac élélahaiguc hiņgacma sakasaciguc simiņ héima Miņ Kewunina zéwelec miyiņ. <sup>6</sup> Zéwelecni tecgéyu waia-muma zéiciguc enni ienen amaiguc liliņgéic.

*Anutuac tiliņ tiliņ ic Agabonéņ Pauloac andi-awac ara zéyec.*

<sup>7</sup> Waņu Tiro ama areņa yanda igucnec keņkecma doku héna méndacma Tolemai zéic ala ama areņa yandaiguc keremma imuaru ninzén ninzén dacmuna yaizézé ac waņ énécmima ai meme momacguc iniguc kerin. <sup>8</sup> Ama gianjiyu waima keņkecma Kaisarea zéic alawac ama areņa yandaiguc keremma Filipino mihicņiyiņ. Filipino imi ai ic 7 gési énécmigic ionac sugina igucnec. Iwac amaiguc mia emma kerin. <sup>9</sup> Iwaru bérachéra imi kembon qahac kecgic. Waņu ienen moczoņ embac seraņa. Waņu andiawac ara zéaņgic. <sup>10</sup> Waņu imuaru ai meme sasala kecni Yuda baec igucnec Anutuac tiliņ tiliņ ic méņ qara Agabo i nonaru mama hayec. <sup>11</sup> Haréma Pauloac rikunā mema iminéņ eņeya héna méria zikima yomuhuc zéyec; Uņa Téréyanén yomuhuc zézac; Yerusalemiguc Yuda ic ienen rikun yomuac miņina yomuhuc mia zikimima ic enia ionac méraginaiguc haimu. <sup>12</sup> Ac imuhuc zéyu nini ama imuac miņina iniguc Paulo Yerusalem ménda emmac niņ Anutu zéwelec miyiņ. <sup>13</sup> Waņu

Paulonéj yomuhuc zéyec; Némac niñ siacma ewa howuc néngu? Zikinémmu sac qahac, Miñ Kewu Yesuac qara niñac Yerusalemiguc humumañ niñac efidaczua. <sup>14</sup> Wañu ac ézéni ménda niñu waima yomuhuc zéyiñ; Miñ Kewuac ewa siñnéñ selimac.

*Paulo Yerusalem keñec.*

<sup>15</sup> Ai meme tosara imi tecgéyu zérénj qérénj wandacma Yerusalem eniñ. <sup>16</sup> Wañu Kaisarea zéic alawac ama areña yanda igucnec tohotoho ic tosara ienenj niniguc momacnec kemma Kipuru ic ménj qara Nason tohotoho ic kerecac kerec iwac amaiguc kecbiñ zé ic imi wagicma keñiñ.

<sup>17</sup> Wañu keñkecma Yerusalem kerenni imuaru ninzénj ninzénj dacmuna ienenj goihéihéi wañ nénécmima nénépésigic. <sup>18</sup> Wañu ama gianiyu Paulonéj Yakoboac amaiguc nonagicma enu in-icni galenj moczoñ imuaru hama kecgic. <sup>19</sup> Wañu Paulonéj yaizézé ac wañénéc midacmaguc inénj welenj qemiyu Anutunéj ic enia ionaru ai meyec imi momacguc momacguc bénzénj bénzénj énézédarec. <sup>20</sup> Énézéyu ienenj nindacma Anutu mepési migic. Mepési migic tecgéyu Paulo yomuhuc ézégic; Ninzañ, Yuda ic sucninaiguc ninzénj ninzénj ic tausenja tausenja hicñigic. Wañu ienenj moczoñ Moseac héna ac seliseli wamma nañgéanzu. <sup>21</sup> Wañu ienenj imi geñ Yuda ic tosara ic enia ionac sugginaiguc keczu ienenj Mose andé qema merachécgina ionac séwiginaiguc séwi hericheric ménda wamma yanda ionac haka waimu niñ énézéanzañ imi nindacgic. <sup>22</sup> Gi Yerusalem hazañ imuac suruc tinduc nindacmu.



Imuac niŋ dimuhuc wambinŋ? <sup>23</sup> Imuac nini ac mēŋ gézéni imuac séc wambésémaŋ. Nonaruiguc ic kembonŋ qahac Anutuguc ac zikima nalé hotonŋadac oruc zucgina ménda mericma kecanzu. <sup>24</sup> Waŋu geŋ ic imi onagicma kemma météré meme haka wamma olémbaŋ boŋa meénécmina oma orucgina mericmu. Gi imuhuc wanna gémma guac ac hayu niŋgic imi héla qahac zéma gi héna ac tohoma kecanzaŋ imi héŋtegicmu. <sup>25</sup> Waŋu ic enia Yesu ninzéhéma kecanzu ionac imi haka imuhucya ménda niŋtohomu, néŋ baniarawac ireha zéma imuac olémbaŋa zéma sac zéma yaŋ hésaiguc korogic humugic imi zéma kaiseroac haka imuacnec sac eliŋgé amuma lakec kecmu niŋac zétecgéma oma hai énécmiyiŋ. <sup>26</sup> Waŋu ama siŋjima gianjiyu Paulonéŋ ic kembonŋ qahac imi onagicma iniguc météré meme haka wamma eŋaŋ météré meme naléya tecgéyu eŋac eŋac lémbaŋ oo naléya waŋec imi énézéwiŋ niŋac ama téréyaiguc eŋec.

*Paulo ocmuŋiguc keru késagic.*

<sup>27</sup> Ai meme 7 séc lémbaŋ oo ai mema kecgic imuac naléya tecgémaŋ zé waŋu Paulonéŋ ocmuŋ téréyaiguc naŋkeru Yuda ic tosara Asia baec igucnec ieneŋ i hémma ic momac yanda qerigina acginnanéŋ netu énécmima Paulo késagic. <sup>28</sup> Késama qacma zégic; Ohec Israel ic mandac, hama méra nénécmigic! Ic yomi baec séc kemma Yuda ic neŋaŋ hazéc waŋ nénécmima héna acnina zéma ocmuŋ téréyanina yomi zébirima ic embac momac yanda ku énécmianzac imi mia. Imi sac qahac ocmuŋ téréyaiguc Girik ic onagicma éréma ama

téréya yomi mezapi qezac. <sup>29</sup> (Imi mia ic mén Efeso ama areña yanda igucnec qara Tirofimo inén Pauloguc ama areña yanda imuaru kenken haha wañu hémma inén ic imi wagicma ama téréyaiguc éréyec gezañ imuhuc zéma niñgic.)  
<sup>30</sup> Imuhuc wammigic ama ic momac yanda qerigina yaru usujnec hadacma Paulo késama ama téréya igucnec héréma magic nalé imuarunec naguya héidacgic.

*Yaré ic galeñginanéñ Paulo méragina igucnec metecgéyec.*

<sup>31</sup> Ic eneñ Paulo qehumuwiñ zé wañgic Yerusalem imi hétén yandayaguc wañec imuac surucya yaré ic 1,000 galeñgina iwaru hayu niñec.  
<sup>32</sup> Ac imuhuc nimma imuarunec yaré ic tuñhéra zéma yaré ic 100 imuac galeñhéra énépésima usujnec mekenñgic. Wañu hétén meme ieneñ yaré ic 1,000 imuac galeñ zéma yaré ichéra inicma Paulo qema nañgic imi waima eñ nañgic.  
<sup>33</sup> Wañu yaré ic 1,000 ionac galeñgina iminén kemma Paulo wagicma señ hésanéñ zikigic zéma énézéma Paulo qara zéma iwawai wañec imuac qesiéncmiyec. <sup>34</sup> Qesiéncmiyu ic tuñ suggina igucnec méñnéñ méñac, méñnéñ méñac qacma zégic qeweloñ niñac hénia niñtegicmacac séc qahac wañu ai ama qeriaiguc wagicma kemmu niñac énézéyec. <sup>35</sup> Wañu Paulonéñ déc henaiguc emmañ zé wañu ic eneñ kaiziliweñ yanda wammigic yaré ic ieneñ Paulo elingémima hua nañgémima eñgic. <sup>36</sup> Imi mia ic tuñ yanda ieneñ nesi énécmima, Ic imi qegic qahac wammac! Imuhuc qacma zégic imuac niñ imuhuc wañgic.

*Paulonéh saiwa ac waŋamuyec.*

<sup>37</sup> Waŋu Paulo ai ama qeriaiguc mema embiŋ zé waŋgic Paulonéh yaré ic 1,000 imuac galen ézéyec; Ninna ni ac mén hia gézemaŋac séc? Zéyu zéyec; Girik ac ninzaŋ? <sup>38</sup> Imuhuc waŋu gi bec nec yaré qema yaré ic 4,000 énépésima baec kéra kérésiaiguc keŋec Izipte ic imi mia me? <sup>39</sup> Qesimiyu Paulonéh yomuhuc ézéyec; Ni Yuda ic, Taso baec Kilikia ama areŋa yanda imuac nec. Kilikia imi ama areŋa yanda eŋomia qahac. Gi niŋnéna ac komora énézéwa. <sup>40</sup> Waŋu inéh nimmiyu Paulo i déc héná imuac boŋaiguc namma ic méranéh séséc waŋ énécmiyu acgina qaiyu nandacgic Hebiraió aciguc yomuhuc énézéyec;

## 22

*Paulonéh Yerusalemiguc Yuda  
ic ac énézéyec.*

<sup>1</sup> Maŋgoc dacmuna hécna hénia imi zéasariwa niŋgic. <sup>2</sup> Paulonéh Hebiraió aciguc ac zéyec. Hénia imuac niŋac némbéh yanda qema naŋgic. <sup>3</sup> Waŋu toroqema énézéyec; Ni Yuda ic, Kilikia baec Taso ama areŋa yandaiguc hicŋiyi. Waŋu ama yanda Yerusalem yomuaru kecma yandima ic Gamaliel iwac méra bawaiguc kecba yanda hécninawac héná ac selianec ku néŋu niŋaren gédari. Waŋu ini moczoŋ yanda deguc waŋanzu éséc nec Anutuac niŋ wamma geriwaguc ai meañi. <sup>4</sup> Waŋu héná qelia yomi mebirima toho-toho ic humuac séc unuma hazéc waŋ énécmima ic embac momac nec qaté énécmima hésa amaiguc onopocaŋi. <sup>5</sup> Héfac oo ic eŋeŋa zéma galen

ieneŋ imi haka imuac héipuc ic wanzu. Waŋu ionarunec dacmuna hécna Damasiko ama areŋa yandaiguc kecaŋgic ionac kiwi mema ama imuac ninzéhŋ ninzéhŋ ic imuhucyanec qaté énécmima Yerusalemiguc énépésima hawa kitiwa memuac niŋ keŋi.

<sup>6</sup> Keŋkecma Damasiko ama areŋa yandaiguc hosuru kemba gau komoc ésécneŋc waŋec. Waŋu imuaru kurumeŋ igucneŋc asac mararaŋ yandanéhŋ élanzaŋneŋc mama hoturunéhŋc. <sup>7</sup> Hoturunéhŋu ni baeciguc mama nuyu hema nimba ewa ménŋ yomuhuc mayec; Saulo, Saulo, gi némac niŋ nunesi waŋ némma keczaŋ? <sup>8</sup> Zéyu zéyi; Miŋ Kewu gi méré? Zéwa yomuhuc nézéyec; Nunesi waŋ néŋanzaŋ Yesu Nazarete ama areŋa igucneŋc ni imi mia. <sup>9</sup> Ic niguc kecgic ieneŋ asac mararaŋ sac héŋgic, néŋ i nézéyec iwac ewaya imi ménda niŋgic. <sup>10</sup> Ni qesima zéyi; Miŋ Kewu ni némac wammaŋ niŋac wanzaŋ? Zéwa Miŋ Kewunéhŋ yomuhuc nézéyec; Gi yacma Damasiko ama areŋa yandaiguc kenna ic méhnehŋ guac ai buŋa qegénzua imi moczoŋ gézémac. <sup>11</sup> Waŋu ni imi asac mararaŋa niŋac kicanéhŋ hémmaŋac séc qahac waŋec imuac niŋ ic tosara niguc kecgic ieneŋ méranaiguc népésima hérénéŋgic Damasiko ama areŋa yandaiguc keŋi.

<sup>12</sup> Ama areŋa kuneŋ yanda imuac ic ménŋ qara Anania inéhŋ héna ac séciguc keru Yuda ic ama areŋa yanda imuaru kecgic imi eneŋ momac yanda iwac ehéhéi wammiaŋgic. <sup>13</sup> Ic iminéŋ mia hama nuac wésénaiguc namma zéma; Ninzéhŋ ninzéhŋ ic munana Saulo, kicga muŋguc hima

hémhésémaṅ. Imuhuc zéyu imuarunec ni kicna hima ic imi héñi. <sup>14</sup> Waṅu ac yomuhuc nézéyec; Yandahécnina ionac Anutunéṅ eṅeya ewa siṅ imuac gézéyu niṅasarima Soláṅa miṅina imi hémma ewaya kuaya igucnec nimbésémaṅ niṅac gésigéṅec. <sup>15</sup> Imuac gi iwac niṅ wamma ic embac momac yanda ionac kicginaiguc iwawai hémma niṅnec imuac héipuc wamma énézézésémaṅ. <sup>16</sup> Waṅu némac niṅ mambéc kecna horumac? Gi yacna doku naecgémba Yesuac qara qacna késpedesca zuacgémmac.

*Paulo ic enia ionac mélimigic.*

<sup>17</sup> Waṅu Yerusalem lilingéma hama ocmuṅ téréyaiguc emma zéwelecma tilinṅ tilinṅiguc Yesu héñi. <sup>18</sup> Hémba Miṅ Kewunéṅ yomuhuc nézéyec; Gi nuac héipuc ac zéna Yerusalem yomuac ic embac ieneṅ ac imi ménda niṅ tohomu, imuac gi focdac ama areṅa yanda yomi waima kembésémaṅ. <sup>19</sup> Zéyu ni ac yomuhuc melemma zéyi; Miṅ Kewu, ni ic embac gi ninzéhéṅ géṅgic ini énépésima hésa amaiguc onopocmaṅ zéma tocgotocgo amaya amaya keṅi imi ic youmi eneṅ nindaczu. <sup>20</sup> Waṅu buṅa zézé icga Stefano qegic sacya mayec nalé imuaru ni imuaru namma héipuc waṅ énécmima i qegic ionac malekugina galéhéyi. <sup>21</sup> Imuhuc zéwa Miṅ Kewunéṅ yomuhuc nézéyec; Keṅna, neṅ ic enia baera baera keczu ionac muru méligénzua.

<sup>22</sup> Bénzéhé nimmanec kecgic, néṅ ac yomi zéyu nimmaguc ewagina meyacma qacma zégic; Ic

imuhucyanéh baec igucnec qahac wammac. Kek-erawac séc qahac. <sup>23</sup> Imuhuc qacma séwi usug-ina hetecgéma seitotoᅇ héigic eᅇec. <sup>24</sup> Waᅇu yaré ic 1,000 ionac galeᅇginanéh Paulo ai ama qeriaiguc wagicma emma ic eneᅇ némac niᅇac qacmizu imuac hénia zéyu nimmu niᅇac qes-  
imima hihilocnéᅇ qemu zéma yaré ic énézéyec. <sup>25</sup> Waᅇu hésa yaᅇ séwélanéᅇnec meyacgéigic im-  
inéᅇ qatégic Paulonéh yaré ic 100 ionac galeᅇ  
méh hosuraiguc naᅇu ézéyec; Ini Roma ic ara  
ménda zétecgéma hihilocnéᅇ hia qemuac séc?  
<sup>26</sup> Imuhuc zéyu yaré ic 100 ionac galeᅇginanéh  
nimma 1,000 ionac galeᅇ iwaru kemma ézéma  
zéyec; Dimuac wammaᅇ zé wanzaᅇ? Ic imi  
Roma ic. <sup>27</sup> Zéyu yaré ic 1,000 ionac galeᅇginanéh  
Pauloac muru kemma yomuhuc ézéyec; Nézéna,  
gi Roma ic me? Waᅇu Paulonéh zéyec; Oo, ni  
Roma ic. <sup>28</sup> Zéyu yaré ic 1,000 ionac galeᅇginanéh  
zéyec; Ni imi soukiwa yanda haima Roma ic  
qac buᅇa meyi. Waᅇu Paulonéh zéyec; Ni imi  
hicᅇi hicᅇihicᅇina igucnec éréma deguc Roma ic  
kecanzua. <sup>29</sup> Waᅇu imuarunec Paulo iwawai  
qesimiwiᅇ zégic imi eneᅇ waima kendacgic. Yaré  
ic 1,000 galeᅇginanéh acguc Paulo i Roma ic imi  
niᅇ asarima hésanéᅇ qatémiyec késpedes imuac  
niᅇac auriyec.

<sup>30</sup> Ama gianjiyu yaré ic 1,000 ionac galeᅇginanéh  
Yuda ic eneᅇ Paulo némac niᅇac hazéc wammigic  
imuac hénia nimmac niᅇac hésaya hulacmima  
hofac oo ic tosara zéma gésigési ic tuᅇ eneᅇa  
Sanhederin tocgé énécmima Paulo wagicma  
hiᅇgacma wéséginaiguc oporu naᅇec.

## 23

*Paulo i ic kiwa ionac azoazoroiguc namma ac énézéyec.*

<sup>1</sup> Paulonéh gésigési ic inicosolima ac yomuhuc énézéyec; Dacmuna héčna ni becarunec érékecma deguc ewa qerina solananc Anutuac kiwaiguc kecanzua. <sup>2</sup> Imuhuc zéyu hofac oo ic eņeņa Anani- anéh Pauloac hosuraiguc nanġic ionac yomuhuc énézéyec; Ini kuayaiguc qegic. <sup>3</sup> Zéyu Paulonéh yomuhuc ézéyec; Gi biriawac demin lalac Anu- tunéh gumac. Gi héna aciguc ninġési némman zé tacma héna ac imi logima ni numu ninac énézézan? <sup>4</sup> Imuhuc zéyu ic hosuraiguc nanġic ieneņ yomuhuc ézégic; Gi Anutuac hofac oo ic eņeņa efima zébirimizan? <sup>5</sup> Zégic Paulonéh yomuhuc zéyec; Dacmuna héčna, inéh hofac oo ic eņeņagina keczac imi ménda nimma ac zézua. Kiwi téréyaguc ac yomuhuc ogic hezac; Gi guac hénaoriņ hécga ionac galenġina ménda zébiri miwésémaņ.

<sup>6</sup> Waņu gésigési ic tosara imi Sadukaio ic, waņu tosara imi Farisaio ic kecgic imi Paulonéh ninasarima gésigési ic inicma qacma énézéyec; Dacmuna héčna ni imi Farisaio ic, esaņ ambéchéčna ieneņ Farisaio ic kecgic. Imuac ni ninġumuma humuc igucnec yacyac imuac nanġéma zéwa aciguc nopoczū. <sup>7-8</sup> Sadukaio ic eneņ humuc igucnec yacyac zéma kua meme uņa zéma qeri uņa iwawai imuhucya imi ménda keczu zéma ménda ninzénġégic, néņ Farisaio ic eneņ iwawai imuhucya imuhucya imi moczon keczu zéma ninzénġégic. Imuac nin ac imuhuc

zéyu Farisaio ic zéma Sadukaio ic sugcinaiguc hazéc ac hicñiyu méndéñ amugic. <sup>9</sup> Wañu imuaru tohalic yanda hicñiyec. Wañu Farisaio ic ionarunec hena acac kiwi ic tosara yacma ac geriwaguc eminimma yomuhuc zégic; Nini ic yomuac niñni késpedesira qahac wanzac. Uña mén me Kua meme uña méñnéñ ézéyeciguc dimuhuc zéwiñ? <sup>10</sup> Wañu hazéc ac imi kunéñ yanda wañu yaré ic 1,000 ionac galeñginanéñ Paulo késahérégic séwéla tegicbac niñ zénéña hiriyu, yaré ic ieneñ haréma ic sugcina igucnec Paulo onagicma ai amagina qeriaiguc wagicma kemmuac niñ énézéyec.

<sup>11</sup> Wañu Miñ Kewunéñ siñi imuaru Paulo hosuraiguc namma yomuhuc ézéyec; Gi meseli amuna you Yerusalemiguc nuac héipuc wamma énézézañ imuhucyanec Roma ama areña yandaiguc acguc héipuc ac wañ némbésémañ.

*Yuda ic tosia eneñ Paulo qewiñac zéma ara zégic.*

<sup>12</sup> Ama gianjiyu Yuda ic ieneñ tunjinaguc wamma nene ziki kecma Paulo ménda qehumuwiñiguc yakanina ménda newiñ zéma zéseligic. <sup>13</sup> Ic eneñ qeriginanéñ zikiamuma sisipac ac wamma imuhuc zégic imi zañgégina 40 ogirec. <sup>14</sup> Ic eneñ mia hofa oo eñeña zéma galeñ ionaru kemma yomuhuc zégic; Nini Paulo ménda qewiñiguc yaka ménda newiñ. <sup>15</sup> Imuac eneñ kaunsol ic iniguc yaré ic 1,000 ionac galeñgina iwaru ac yomuhuc haigic kemmac; Gi Paulo nonac kaunsol iguc mélina hayu iwac ara muñguc nimma didiñanec zétecgéwiñ. Mélimiyu



hosucginu ménda hayunec hénaiguc qehumuwin zé ninziñ.

*Paulo ac sañec imi niñec.*

<sup>16</sup> Wañu Paulo deuyanéh ac sañec imi nimma yaré ic ionac amaiguc keremma oña Paulo ézéyec. <sup>17</sup> Ézéyu Paulonéh yaré ic 100 ionac galeñgina méñ uruma yomuhuc ézéyec; Gi merac yomi wagicma yaré ic 1,000 ionac galeñgina iwaru wagicma kenna ac méñ késakeczac imi ézémac. <sup>18</sup> Zéyu merac wagicma yaré ic 1,000 ionac galeñgina iwaru kemma yomuhuc ézéyec; Merac yominéh ac méñ késakeczac imuac niñ hésa ic Paulonéh nuruma merac yomi wagicma guaru hamañ niñac qesinéñzac. <sup>19</sup> Imuhuc ézéyu yaré ic 1,000 ionac galeñginanéh merac mériaiguc késama sasañgiaiguc wagicma kemma éléh qesimiyec; Némac ac nézémañ zé wanzañ? <sup>20</sup> Zéyu zéyec; Yuda ic ienen Pauloac ara muñguc didiñanec nimbiñ zéma hénaoriñ hécgina ionaru Paulo wagicma hamu niñac qesigémbiñ zé ewa momac wamma ac sañec zézu. <sup>21</sup> Wañu gi acgina ménda niñ énécmiwésémañ. Ic zañgégina 40 ogicogiranéh Paulo qehumuwin zéma sañgima mambéc taczu. Ienen imi i ménda qewiñiguc nene ménda newiñ zéma acgina zikigic. Wañu ienen zéréh qéréh wandacma zéwelec welecgina imuac ac bakia niñac mambéc keczu. <sup>22</sup> Yaré ic 1,000 ionac galeñgina inéh merac mélimima zézé seli ac yomuhuc ézéyec; Gi ac nézézanañ imi ic méñ ménda ézéwésémañ.

*Kawali ienen Paulo Kaisarea zéic alawac ama areña yandaiguc késama kenjic.*

<sup>23</sup> Waņu yaré ic 100 galenġina éréhéc ururuma ac yomuhuc érézýec; Baec héná kenġen yaré ic 200 zéma becosic yaré ic 70 zéma luac késa késa yaré ic 200 énézýic zérénġ qérénġ wamma kecgic sinġiya 9 kilok waņu Kaisarea zéic alawac ama areña yandaiguc keremmu. <sup>24</sup> Waņu Paulo bénzénġ baec galenġ Feliki iwaru wagicma kemmuac niġ becosic ménġ héitatac héimima mambéc nammu. <sup>25</sup> Waņu inénġ kiwi ménġ yomuhuc oyec; <sup>26</sup> Klaudio Lisia, neġ kewuna baec galenġ Feliki guac yaizézé ac waņġenzua. <sup>27</sup> Yuda ic ienenġ ic imi qehumuwiġ zé waņġic. Waņu ic imi Roma ic imi nimma yaré ichécna iniguc kemma méragina igucnec metecgéyi. <sup>28</sup> Waņu aciguc opocġic imuac hénia nimmaġ zéma Yuda ic ionac gésigési ic ionac muru wagicma kenġi. <sup>29</sup> Ara zégic imi moczoġ héná acġina imuac ara waġec, néġ iwawai waġec mérġnéġ ménġ qehumumu me hésanéġ ziki mimiawac séc ménda waġec imi mihicġiyi. <sup>30</sup> Waņu ic tosanénġ ic yomi qewiġ zéma ac saġec zégic ic mérġnéġ nimma nézýu duġa guac muru méliwa hazac. Waņu ara zézu ic imi enenġ imuhucnec guaru kemma ara gézému niġac énézézua.

<sup>31</sup> Waņu baec héná yaré ic ienenġ énézýec séc Paulo sinġiyaiguc wagicma kenġkecma Antipatri ama areña yandaiguc kerenġic. <sup>32</sup> Imuaru ama ġianġyu becosic yaré ic ienenġ Paulo wagicma kenġkecma Kaisarea zéic alawac ama areña yandaiguc kemmuac niġ ionac muru opocma

baec héná keñkeñ yaré ic ieneñ yaré ic ionac amaiguc lilingéma hagic. <sup>33</sup> Becosic yaré ic ieneñ Kaisarea zéic alawac ama areña yandaiguc keremma baec galeñ yanda kiwi mima Paulo imuhucnec mériaiguc opocgic. <sup>34</sup> Baec galeñnéñ kiwi olomma Paulo qesimima Kilikia baec igucnec imi niñasariyec. <sup>35</sup> Wañu inéñ Aciguc gopoczú ic imi eneñ hama harégic guac ac nimmañ imuhuc zéma yaré ic eneñ Herodeac ama kewuya imuac qeriaiguc galeñgégic tacmac niñ énézéyec.

## 24

*Paulonéñ Kaisareaiguc Felikiac wésiaiguc nañec.*

<sup>1</sup> Kaiwe ai meme méra mén tegéyu hofac oo ic eñeña Ananianéñ qeriawac galeñ tosara zéma héná acac zézé ic mén qara Teatulo iniguc Kaisarea zéic alawac ama areña yandaiguc hiñgacma Paulo aciguc opochiñ zé baec galeñac kiwaiguc nañgic. <sup>2</sup> Wañu Paulo ézéma wagicgic hayuguc Teatulonéñ baec galeñ ac yomuhuc hénima ézéyec; Ic kewunina Feliki, geñ hia galeñgé nénécmína luaeiguc kecanzin. Wañu bian héhéñawac niniñ yandaga niñac baec yomuaru hai netec ai sasala hicñianzac. <sup>3</sup> Ic kewuna Feliki, iwawai imuhuc hicñiyu imuac me imuac amanina séc ewa hia yanda niñgéñanzin. <sup>4</sup> Wañu yéwéri ménda gémbiñ zé ac hotonñadac gézeni gi ewa béznéñgaiguc niñnéncmína. <sup>5</sup> Nini ic yomuac ninni hafi warihaguc ésécnec wañanzac. Yuda ic baec séc kemma keczu ionac sugginaiguc qewelon yanda mihicñi énécmianzac. Inéñ mia

héna ikorawac miñina Nazareteneç iwac toho-toho ichéra ionac galeñgina. <sup>6</sup> Wañu inéñ ocmuñ téréyanina mezapi qemañ zéyu késayin. <sup>7</sup> (Ménda hezac.) <sup>8</sup> Imuac gi geñgaoc zéqesi wammima acnéñ qatémiziy imuac hénia imi moczoñ niñ asariwésémañ. <sup>9</sup> Ac imuhuc zéyu Yuda ic ieneñ, Ac imi héla, zéma méra migic.

*Paulonéñ baec galeñac kiwaiguc  
ac bakia melenec.*

<sup>10</sup> Wañu baec galeñ yandanéñ Paulo orucnéñ séséc wammiyu ac yomuhuc zéyec; Gi baec yomuaru yawuñ sasala gésigési ic eneña kecanzañ imi nimma saiwa acna efima gézémañ. <sup>11</sup> Niñtegiçzañ ésécneç, ni Yerusalemiguc Anutu mepésimañ zé emma keçba ai meme <sup>12</sup> ménda ogirec. <sup>12</sup> Wañu ieneñ ni ocmuñ téréya qeri-aiguc ic méñguc ac méñ ménda zéwa néñgic. Wañu toçgotocgo amaiguc me ama areña yanda imuac héniaiguc ic embac qeriiguc ésé ésé méñ ménda wañ énéçmiwa néñgic. <sup>13</sup> Ic yomi eneñ aciguc nopocma gézézu imuac héipuc ac méñ gézémuac séc qahac. <sup>14</sup> Wañu ac yomi mia héla wanzac, Ni héna qelia méñ ieneñ héna ikora zébirianzu imi méndacma yanda héçninawac Anutu mepésianzua. Wañu ni Anutuac tiliñ tiliñ ic ieneñ ogic hezac imi moczoñ zéma iwawai héna ac séçiguc hezac imi moczoñ ninzéñgéanzua. <sup>15</sup> Wañu ic yomi eneñ iwawai méñac Anutu ninzéñgéma mambéc keçzu imi ni momacneç késakeçma mambéçanzua, wañu imi mia yomuhuc; Ic solaña zéma ic biria momacneç humuc igucneç qelima yacmu. <sup>16</sup> Imuac niñac

Anutuac kiwaiguc zéma ic kicginaiguc ewa solañã kecmañ zéma nalé séc seliseli wamma kecanzua. <sup>17</sup> Wañu yawuñ sasala baec lakeciguc kecañi, wañu degucdacmi ic embac yéwérigina mihicñizu ionac énécmiwiñ zéma haleñ zéma Anutuac buña haihaiya mema hayi. <sup>18</sup> Wañu Anutuac buña imi haimañ zé météré amuma ocmuñ téréyaiguc eñi. Wañu tocgotocgo me hétéñ ménj ménda wamma eñdac kecba mihicñi néñgic. <sup>19</sup> Wañu Yuda ic tosara Asia baeciguc kecgic ieneñ mia nuac késpedes ménj héñgiciguc guaru tinduc haréma zéasarimuac hezac. <sup>20</sup> Imi qahac wañu ic yomi eneñ ni Sanhederin kaunsol ionac kicginaiguc nañi imuaru nuac késpedes ménj mihicñigiciguc gézému. <sup>21</sup> Ionac sugginaiguc namma acna momacguc sac kucnec qacma zéyi imi yomuhuc; Humuc igucnec yayac imuac nañgéma zéwa deguc aciguc nopocgic kicginaiguc nanzua. Ac imi qahaciguc ac ménj zémuac séc qahac.

<sup>22</sup> Felikinéñ héna imuac buña niñhumuyec imuac niñ Pauloac ac imi ménda zétecgéma yomuhuc énézéyec; Yaré ic 1,000 ionac galeñ Lisia mayuguc acgina zétecgémañ. <sup>23</sup> Wañu yaré ic 100 ionac galeñgina ménjac yomuhuc ézéyec; Ini Paulo ménda zikimigic eñ keru galeñgému. Alahéra ménñéñ ménj haréma goi héihéi wammiviñ zégic ménda qetalimu.

*Paulo yawuñ éréhéc hésa amaiguc taru baec galeñnéñ waima keñec.*

<sup>24</sup> Ai meme tosara kecma Felikinéñ iniña Yuda embac Durusila i guc momacnec hama Paulo qarú emma Kristo Yesuac ninzéñ ninzéñ

imuac hénia imi érézéyu niṇoc. <sup>25</sup> Waṇu haka dindiṇa zéma séwi siṇac sigi kekec zéma gésigési yanda imuac ara érézéyu Felikinéh aurima Paulo yomuhuc ézéyec; Degucac imi sécgézac, yacma kenna kecma andiaiguc sura méṇu titiṇa hicṇiyu muṇguc héihéré gémmaṇ. <sup>26</sup> Waṇu inéh ara sac nimmac niṇac ménda waṇec, Paulonéh soukiwa mimac niṇac mambéc wamma hatac sasala héihéré mima ac waṇoc.

<sup>27</sup> Waṇu yawuṇ éréhéc tecgéyu baec galeṇ qara Porikio Fesito inéh Felikiac tatac késayec. Waṇu Felikinéh Yuda ic ewa hia waṇ énécmimaṇ zé Paulo hésa amaiguc waiyu tacmanec kerec.

## 25

*Yuda ic ieneṇ Fesito iwaru keremma Pauloac ikoc ac zégic.*

<sup>1</sup> Fesitonéh baec galeṇ wamma ai meme haréwéc kecma Kaisarea zéic alawac ama areṇa yanda igucnec Yerusalem eṇec. <sup>2</sup> Eṇu hofac oo ic kiwahécgina zéma Yuda ic galeṇhécgina ieneṇ iwaru keremma Paulo acnéṇ qatéma ézégic. <sup>3</sup> Waṇu ieneṇ henaiguc saṇgima Paulo qehumuwiṇ zéma acgina nimma Fesitonéh niṇénécmima Paulo méliyu Yerusalem hamac niṇac welecmic. <sup>4</sup> Zégic Fesitonéh yomuhuc énézéyec; Paulo i Kaisarea hésa amaiguc taczac. Waṇu ni imuaru muṇguc liliṅéma hiṇgacmaṇ. <sup>5</sup> Pauloac kápésic méṇ hemizaciguc onarunec kiwahécgina tosara niguc momacnec hiṇgacma zému.

<sup>6</sup> Imuhuc zéma ai meme 8 me 10 Yerusalem kecma Kaisarea zéic alawac ama areña yandaiguc mekenec. Ama sinjima gianjiyu gésigési tataciguc tacma Paulo késama érému niñac énézéyec. <sup>7</sup> Inéñ haréyu Yuda ic Yerusalemnec magic ieneñ lelecgé mima hazéc ac réwéria sasala zégic. Wañu acgina héipuc wammuac séc qahac wañec. <sup>8</sup> Zégic Paulonéñ kawalia mema yomuhuc zéyec; Ni Yuda ic neñañ hena ac me ocmuñ téréya me Roma ic kewu Kaisawac késpedesic ménj ménda wañi. <sup>9</sup> Wañu Fesitonéñ Yuda ic eneñ niñgic hiarumac niñac Paulo yomuhuc qesimima zéyec; Gi guagicma Yerusalem kemma imuaru acga zétecgémañac wanzañ? <sup>10</sup> Qesimiyu Paulonéñ yomuhuc ézéyec; Ni Roma ic kewu Kaisawac gésigési amaiguc nankeczua, imuac nuac ac yomuaru zétecgémuac hezac. Geñgaoc ninzañ ésécnec ni Yuda ic. Wañu iwawai biria ménj ménda wañ énécmiyi. <sup>11</sup> Ni hena ac logima késpedesic ménj mewa nuwiñ zézuiguc humumañ zé ewa éréhéc ménda wambinec. Ac zénénzu imi moczoñ héla qahac wanzaciguc ménjnéñ ménj ni méraqinaiguc nopocmacac séc qahac. Imuac Roma ic kewu Kaisanéñ acna zétecgémac niñac wanzua. <sup>12</sup> Imuhuc zéyu Fesito ichéra iniguc eminiñ wamma Paulo yomuhuc ézéyec; Gi Kaisa\* iwaru acga haizañ imuac Kaisawac muru kembésémañ.

*Ic kewu Agripanéñ Fesito  
hicjimima Pauloac niñac ézéyec.*

---

\* **25:12:** Romawac ic kewu yanda niñac Kaisa zéañgic.

<sup>13</sup> Ai meme tosara tecgéyu ic kewu Agripa zéma nauŋa Beanike iereŋ Kaisarea zéic aláwac ama areŋa yandaiguc hiŋgacma Fesito zézé ségiségi ac wammiwi zéma hayoc. <sup>14</sup> Waŋu iereŋ ai meme sasala imuaru tacyac waŋic Fesitonéŋ Pauloac ac suruc wammima ic kewu yomuhuc ézéyec; Felikinéŋ hésa ama ic ménéŋ waima keŋu tacma keczac. <sup>15</sup> Waŋu ni Yerusalem eni nalé imuaru hofac oo ic kiwahécgina zéma Yuda ic ionac galeŋ ieneŋ iwac hazéc ac zéma késpedesiraguc zéma zétecgémanŋ niŋac welecnéŋgic. <sup>16</sup> Waŋu ni ac bakia yomuhuc énézéyi; Ic ménéŋ aciguc enzac imi ac zézé ic iniguc ménda aŋamma tacma arawac kawalia ménda mema zéyu niŋgicnec waimiwiŋ imi Roma ic nonac haka silicnina qa-hac. <sup>17</sup> Imuhuc énézéwa Yuda ic ieneŋ niguc yomuaru hagic nalé sosola qahac ama gianŋiyu gésigési tataciguc tacma énézéwa ic imi wag-icma érégic. <sup>18</sup> Waŋu ac wammigic ieneŋ ac zégic, néŋ késpedesira ménéŋ nimmanŋ zé mambéc kerimiménda mihicŋiyi. <sup>19</sup> Waŋu eŋaŋ hénagina zéma ic ménéŋ qara Yesu iwac niŋ Paulonéŋ humuc igucnec qelima yarec zéyec ac imuac niŋ zéeŋ zéma waŋgic. <sup>20</sup> Waŋu ni ac imuhucya dimuhuc zémindiŋimanŋ zéma hocma Paulonéŋ Yerusalem kemma ac gésigési amaiguc ac imuac nambésémaŋac wanzaŋ? zéma imuhuc qes-imiyi. <sup>21</sup> Waŋu Paulonéŋ Roma ic kewunéŋ acya zétecgémac niŋ galeŋgé mimanaŋac welecnéŋec. Waŋu keŋkeŋ naléya ducŋiyu méliwa Kaisa† iwacmuru kemmac niŋ ézéwa hésa amaiguc taczac.

---

† 25:21: Qac imuac hénia imi; Romawac ic kewu.



22 Imuhuc ézéyu Agripanéŋ Fesito ézéyec; Ni acguc nenaoc iwac ara nimmaŋ zé wanzua. Zéyu Fesitonéŋ zéyec; Hia oraŋguc nimbésémaŋ.

*Paulo i ic kewu Agripa iwac kiwaiguc naŋec.*

23 Ama gianaŋyu Agripa zéma Beanike ieren ehéihéi waŋ érécmima hénagira megic haréma yaré ic 1,000 ionac galaŋ tosara zéma ama yanda imuac ic kunaŋ iniguc gésigési amaiguc emma tacgic Fesitonéŋ énézéyu Paulo késama eŋgic.

24 Eŋgic Fesitonéŋ ac yomuhuc zéyec; Ic kewu Agripa zéma ichécna tosara ac énézéwa niŋgic. Ic nanzac yomi iwac niŋ Yuda ic ieneŋ kucnec qaema, Ic yomi Kekecac séc qahac! zéma Yerusalem zéma ama yomuaru welecnéŋgic.

25 Waŋu ni niŋgésiwa haka humucac séc méŋ ménda waŋec. Waŋu i eŋeyaoc Roma ic kewuac wamma zéyec imuac niŋ iwaru mélimimaŋ zé wanzua. 26 Waŋu ic kewu eŋeŋawac ac héra méŋ omaŋac séc qahac wanzac. Imuac mia zéqesi mima ac héra méŋ mihicŋiwiŋ zé ic yomi onaru zéma sucninaiguc ic kewu Agripa guac muru opoeba nanzac. 27 Ni hésa ic méŋ kápésicyawac ara méŋ ménda oma Roma ama areŋa yandaiguc eŋ méliwa kemmacac séc qahac.

## 26

*Paulonéŋ Agripa zéma Fesito iorac kicgiraiguc ac zéyec.*

1 Waŋu Agripanéŋ Paulo yomuhuc ézéyec; Geŋgaoc ac zéna guac niŋgéni. Zéyu Paulonéŋ méranéŋ séséc wamma yomuhuc zéyec; 2 Ic kewu Agripa, Yuda ic eneŋ ac waŋ nénzu

imuac bakia degucmi guac kicgaiguc zéman zéwa ewana hiaruzac. <sup>3</sup> Imi mia gi Yuda ic nonac haka silic hénia hénia zéma zéqesinina imi nindaczan imuac niñ imuhuc wanzua. Imuac ewa bénzénigaiguc acna zéwa niñnémbésémañ. <sup>4</sup> Ni komocna igucnec hénima Yerusalem zéma nena baec yanda qeriaiguc dimuhuc kecma yandiyi imi Yuda ic ieneñ moczon nindaczu. <sup>5</sup> Ieneñ becarunec nalé horua néngicac néñanzu imuac niñ héipuc wañ némmuac siñgina hewacnec ni Farisaio ic Yuda ic ionac tuñ méñ héna ac dindiñanec méndacanzu ionarunec zéma héniana momacnec hia zédacbunec. <sup>6</sup> Wañu ni Anutunéñ yanda hécnina ac ziki énécmiyec imuac mambéc kecanzua. Wañu hénia imuac niñ ni deguc ac gésigési amaiguc nanzua. <sup>7</sup> Wañu zikiziki ac imuac héla imi késawiñ zéma Israelac qelihéra kisic areñhéra 12 neñañ siñi kaiwe séc Anutu mepési mianziñ. Ic kewuna, buña imuac mia mambéc wamma ai mewa Yuda ic ieneñ aciguc nopoczu. <sup>8</sup> Anutunéñ humumia meqeli énécmianzac, héla imi ini némac niñ niñgic ménda wawanac ésécnec wañanzac? <sup>9</sup> Wañu ni acguc Yesu Nazarete ama areña igucnec iwac qac buña mesoho wammimañ zé iwawai moczon tinduc wammañ imuhuc zéma niñi. <sup>10</sup> Yerusalem imuaru ai imuhucya mia meyi. Wañu hofac oo ic kuaya ionaru kuc buña mema météré ic sasala hésa amaiguc onopocma keri. Wañu unuhumuwiñ zé zétecgégic ewa momac wamma oaec zéénécmiyi. <sup>11</sup> Bakia énécmimañ zé Yuda ic ionac tocgotocgo amaya amaya kemma Yesuac qac zébirimu niñac tericgé énécmiyi. Wañu qe-

rina geriwiguc waŋu mebirí énécmimaŋ zé ama areŋa yanda yanda Yuda baec séŋgaŋgeŋ hezac imuarugeŋ acguc keŋi.

<sup>12</sup> Ai imuhucya memaŋ zé hofac oo ic kuaya ionac oaec kiwi qacŋinaguc imi mema Damasiko ama areŋa yandaiguc kemmaŋ zéma keŋi.

<sup>13</sup> O, ic kewuna, keŋkecba gau komoc waŋu, kurumeŋunec asac mararaŋ kaiwe kiwa asac mararaŋa ogicogira imuhucyanéŋ mama ni zéma ichécna hoturu nénécmima qetagali nénécmiyec.

<sup>14</sup> Waŋu nini moczoŋ baeciguc tendiŋgé nunuyu hema ewa méŋ Hebirairo aciguc yomuhuc niŋi; Saulo, Saulo, gi némac niŋ nunesi waŋ néŋanzaŋ? Gi zéraiguc hénaganéŋ qena guyu siŋga hía nimbésémaŋ?

<sup>15</sup> Imuhuc zéyu ni yomuhuc zéyi; Miŋ Kewu, gi méré? Zéwa Miŋ Kewunéŋ yomuhuc nézéyec; Nunesi waŋ néŋanzaŋ Yesu ni mia. <sup>16</sup> Gi yacma hénaganéŋ tima nanna, ni imi gi iwawai hénzaŋ imi zéma kecma gézéwa hémbésémaŋ imuac buŋa zézé ic wamma nuac welen qeŋe icna wambésémaŋac gésigémmaŋ zé hicŋigénzua.

<sup>17-18</sup> Geŋ kicgina méwéréŋgé énécmiŋa siŋi igucnec asac mararaŋ igucgeŋ, Biria miŋinawac kuc igucnec Anutuac murugeŋ liliŋgéma hagic biriagina zuac énécmiwa ni ninzéŋgé némma météré ic sugŋinaiguc ai buŋa késamu niŋac neŋ geŋga ic embac Yuda ic zéma ic enia ionac sugŋina igucnec gésigémma muŋguc ionac muru méligémmaŋ.

*Buŋa suruc énézéyec imi muŋguc zéma Agripa ézéyec.*

19 Ic kewuna Agripa, hénia imuac niñ ni iwawai kurumeñunec nézéyu héñi imi ménda qetalima 20 walac imi Damasiko ama areña yanda miñina, wañu keñkecma Yerusalem miñina zéma Yuda baec séc ic embac zéma ic enia momac yanda ewagina melemma Anutuaru liliñgéma hama haka hiabia, qeri melen melenac séha wammu niñ ackuazéc énézéma keri. 21 Wañu imuac niñ Yuda ic eneñ ocmuñ téréyaiguc népésima nuwiñ zé wañgic. 22 Wañu Anutunéñ nañgénéñu érékecma deguc ic eñeña mamaya momac yanda ionac kicginaiguc namma ackuazéc énézéañiac énézéanzua. Wañu zéanzua imi ac méréra qahac. Anutuac tiliñ tiliñ ic zéma Mosenéñ iwawai kileñ hicñimac zégic imi sac énézéanzua. 23 Kristonéñ qenzeñ manzeñ qema humuma humumia ionarunec walac yacma Yuda ic zéma ic enia asac mararañac zéau énécmimac imuhuc zégic ac imi mia neñ zénañgéanzua.

24 Paulonéñ zédiñima ac imuhuc énézéyu Fesitonéñ ac kucnec zéma ézéyec; Paulo, gi ewaga sohozac. Niníñ yandaganéñ qeriga mesoho génzac. 25 Zéyu Paulonéñ ac yomuhuc melen miyec; Ic kewuna Fesito, ni ewana ménda sohozac, néñ ac héla niñareñgéma zézua. 26 Ic kewu, geñgaoc iwawai hicñiyec imi moczoñ nindaczañ imuac niñ ni efima gézézua. Iwawai imi baec wañgoñaguc ménda hicñiyec. Imuac haka méñac méñ guac kicga igucnec musañ gégyawac méñ ménda hezac imi ni ninzéngegúza. 27 Ic kewu, Agripa gi Anutuac kua meme ic ionac acgina imi ninzéngeanzañ? Gi ninzéngeanzañ

imi ni ninzua. <sup>28</sup> Imuhuc zéyu Agripanéñ Paulo yomuhuc ézéyec; Ac hotoñadac zéma Kristoac ic wammañ niñ meseli néñzan me? <sup>29</sup> Wañu Paulonéñ zéyec; Ac hotoña me ménda horua, gi momacguc sac qahac, néñ tosara deguc acna ninzu ini moczoñ señ hésana yomuac sac ménda mihicñjima nena ésécnec téñgéñ wammu niñac wanzua.

<sup>30</sup> Imuhuc zéyu ic kewu zéma baec galeñ zéma Beanike zéma ic tosara iniguc tacgic ieneñ moczoñ yacma keñgic. <sup>31</sup> Kemma eminiñ wamma eñawu yomuhuc zégic; Ic yomi haka mén humumia me hésa amawac buña wawaña séc mén ménda wañec. <sup>32</sup> Wañu Agripanéñ Fesito yomuhuc ézéyec; Ic imi Kaisanéñ\* acya zétecgémac niñ ménda welec miwacnec geñ hia hulac miwañec.

## 27

*Paulo Romaiguc wagicma kemmu niñac zéiciguc opocgic.*

<sup>1</sup> Italia baeciguc zéiciguc kembiñac niñ baec galeñnéñ zétecgéma Romawac ic kewu Kaisawac yaré ic 100 ionac galeñgina mén qara Yulio iwac mériaiguc Paulo zéma hésa ic tosara onoporec. <sup>2</sup> Zéic mén Adramiten ama areña yanda igucnecnéñ Asia baeciguc ama areña yanda tosara konduñ giñgiñgic tacma keñec imuaru kemmañ zé taru eñiñ. Wañu Makedonia ic mén qara Aristako, Tesalonika ama areña yanda igucnec

---

\* **26:32:** Qac yomuac hénia imi; Romawac ic kewunéñ

imi momacnec kenij. <sup>3</sup> Ama gianiyu zéicnéj Sidon ama arenja yandaiguc kerej héiyu Yulionéj Paulo goi héihéi wammima alahéra iniru méra mimuac niñ ézéyec. <sup>4</sup> Ama imuarunec muñguc hénima kenni Luhuc kembiñ zé wañij imuhuc geñnec hayec imuac niñ Kípuro baec komoc imuac héiya igucnec luhuc qizizijngéma kenij. <sup>5</sup> Wañu Kilikia kondunj zéma Pamfilia kondunj qericma keñkecma Likia baec Mira ama arenja yandaiguc kereñij. <sup>6</sup> Imuaru zéic Aleksandria ama arenja yanda igucnec méjnéj Italia baeciguc kemmanj zéyu yaré ic 100 galeñginanéj nonagiru imuaru enij. <sup>7</sup> Wañu zéic iminéj bénzénj bénzénj keñkeru ai meme sasala tecgéyu Kinido kondunj baec komoc wésiaiguc kereñij. Wañu luhucnéj ménda wai nénécmiyu Salmone sia yanda andé qema Krete kondunj baec komoc kanaya igucnec kenij. <sup>8</sup> Baec komora imuac giñgiñaguc méndacma qenzej manzej qema kemma Lasea ama arenja yanda hosuraiguc zéic ala méj qara zéic Asia Soroc imuaru kereñij.

*Pauloac ac ménda nimma héna méju kemma yéwéri mihicñigic.*

<sup>9</sup> Kondunjiguc nalé horua kemma kecni nene zikima zéwelec wawaña imuac kendonj tecgéyu luhuc naléya hayec. Hayu bec kondunnéj biriyu keñkeñawac séc ménda wañec. Imuac Paulonéj gorogina zéma yomuhuc énézéyec; <sup>10</sup> Ic mandac, ni hémba héna yominéj hina zéma zéic sacnec qahac, néj ic neñañ kekecnina acguc nonagicmacac séc wanzac. <sup>11</sup> Imuhuc zéyu yaré ic 100 ionac galeñginanéj Pauloac ac niñbipima

zéic galeŋ zéma zéic miŋina iorac ac nimma tohoyec. <sup>12</sup> Waŋu kondun imi zéicnéŋ saŋgeŋa naléyaiguc hia tatarawac séc ménda waŋec. Imuac sasalanéŋ kondun imi kilen waima Krete baec komoc imuac ama mén Foiniksi imuaru keremma tacni saŋgeŋa naléya tegémac niŋ zéic. Ama baec imuac suŋguruŋa bakianéŋ Is zéma imuac héiya sugira hémma heyec. waŋu baec bakia ménnéŋ Is zéma imuac kanaya sugiraiguc hémma heyec.

*Konduniguc hiŋgacbiŋ zé waŋiŋ.*

<sup>13</sup> Waŋu luhucnéŋ Is imuac héiya igucnec bénzéŋ éreyu naŋgé nénécmizac imuhuc zéma nimma aŋga hérégic éreyu Krete kondun baec komoc giŋgiŋa méndacma keŋgic. <sup>14</sup> Keŋgic nalé ménda horugiyu kondun baec komoc imuac qaha igucnec qeuqewaŋ luhuc mén qara Is igucnec iminéŋ mama qeyec. <sup>15</sup> Qema zéic qéfagéyu luhuc hayecgeŋ kemmacac séc qahac waŋu mebi-ima waigic luhucnéŋ zéic wagicma hena méŋu keŋec. <sup>16</sup> Keŋkecma baec komoc mén qara Kauda imuac giŋgiŋa igucnec kenni zéic gomba qatéma héréma keŋiŋ imi galeŋgéwiŋac séc qahac waŋec. <sup>17</sup> Waŋu ai yanda mekecma héréni zéic qahaiguc éreyec. Waŋu zéic téwac niŋac rewakanéŋ bawa igucnec wagic emma zikiyiŋ. Waŋu sakasac éré éréya mén qara Siriti imuaru emmac niŋac hésaya hérégic maleku mayu luhucnéŋ naŋgé nénécmiyu keŋiŋ. <sup>18</sup> Waŋu luhuc niŋac qenzen manzen nimma kerin. Imuac niŋ ama gianiyu hina tosara konduniguc giligic hiŋgarec. <sup>19</sup> Waŋu ama muŋguc siŋima gianiyu zéicac iwawai tosara

imuhucyanec giligic hiŋgarec. <sup>20</sup> Waŋu ai meme sasala kaiwe me ménisikilu ménj ménda hicŋiyu héŋiŋ. Waŋu luhuc yanda qemanec naŋu ewa qerinaiguc kekecac niŋkumu ménj ménda he nénécmiyec.

<sup>21</sup> Waŋu ic sasalanéŋ nalé horua nene newiŋac séc qahac waŋu eŋ kecgicguc Paulonéŋ kemma suginaiguc namma yomuhuc énézéyec; Ic mandac, ini acna tohoma Krete konduŋ baec komoc ménda waiwunec réwéri imuhucya ménda mi-hicŋima hinagina imi ménda giliwunec. <sup>22</sup> Deguc meme seli ac waŋ énécmiwa niŋgic. <sup>23</sup> Zéic imi qahac wammac, néŋ ic ménéŋ ménj ménda humumac, imuac ewagina déŋ waŋu. <sup>24</sup> Deguc siŋiyaiguc miŋna Anutunéŋ eŋeya buŋa kecanzua nuac muru kua meme uŋaya ménj méliyu mama hama maréŋnaiguc nanzac. <sup>25</sup> Namma yomuhuc nézézac; Paulo gi bacga ménda yandimac. Gi Kaisawac wésiaiguc tinduc nambésémaŋ. Waŋu Anutunéŋ ic giguc zéiciguc keczu imi moczoŋ ewa hiawac géŋu guac buŋa wandacmu. <sup>26</sup> Imuac alahécna ini ewagina déŋ waŋu, ni Anutu niŋzéŋgézua. Ac nézézac imi hélaguc wammac. <sup>27</sup> Zéicnéŋ konduŋ baec komora méniguc eŋu nini imuaru osiwiŋ.

<sup>28</sup> Héna sicsaoc kecgic ai meme 14 waŋec. Waŋu Adria konduŋiguc lelecgémanec kerinŋ. Siŋi namuŋa igucgeŋ zéicac ai ic ieneŋ niŋgic baec hosuru hazinŋ éséc waŋec. <sup>29</sup> Imuhuc nimma hésa qétéyaguc waigic hiŋgaru 37 mita waŋec. Komora ménj kemma hésa qétéyaguc muŋguc haigic hiŋgaru 28 mita waŋec. <sup>30</sup> Waŋu



haroŋaŋiguc emma qewiŋ niŋac bacgina yandiyu zéic andiaiguc aŋga 4 haigic hiŋgaru ama gĩaŋimac niŋ welecma tacgic. <sup>30</sup> Waŋu zéic ai ic eneŋ zéic waima néŋgacbiŋ zé nimma gomba haigic hiŋgaru ikoc wamma yomuhuc zégic; Nini zéic suŋguruŋaiguc aŋga méŋ haini hiŋgacmac. <sup>31</sup> Imuhuc waŋgic Paulonéŋ yaré ic 100 ionac galeŋ zéma ichéra yomuhuc énézéyec; Zéic ic ieneŋ zéiciguc ménda kecmuiguc ini kekecginaguc kecmuac séc qahac wammac. <sup>32</sup> Zéyu yaré ic ieneŋ gombawac hésaya hericgic konduniguc hiŋgarec.

<sup>33</sup> Waŋu ama gĩaŋimaŋ zé waŋu Paulonéŋ ic momac yanda nene nemu niŋ yomuhuc énézéyec; Ini qeri séwigina héŋgeŋ héŋgeŋ wammanec kecma nene ménda nema eŋ mambéc kecgic kaiwe ai meme 14 wanzac. <sup>34</sup> Imuac nene nemu niŋac welec énécmizua. Ménda humuwiŋ zé wanzuiguc nene nema selimu. Oruc zucgina méŋ ménda mama saŋgimac. <sup>35</sup> Imuhuc zéma saméŋ mema hama Anutu ewa hĩa ac ézéma kuma neyec. <sup>36</sup> Neyu hémma qerigina efiyu imuhucnec nedacgic. <sup>37</sup> Ic zéiciguc kerin zãŋgénina imi 276. <sup>38</sup> Nene negic tomeŋgina qeyu zéic qeria igucnec wit gocmia gésé imi konduniguc giligic hiŋgacdaru zéic imi efima éréyec.

*Zéicnéŋ kondun baec komora suŋguruŋaiguc emma zéŋgéyec.*

<sup>39</sup> Ama gĩaŋidaru baec imi héŋtecgicbiŋ zé hibipigic. Waŋu kondun bakiaiguc sakasac séŋgaŋgeŋ heyu zéicnéŋ imuaru keremma emmac niŋac zéma niŋgic. <sup>40</sup> Ic tosara eneŋ

anğa hésaya qericma konduniguc giligic keņu tosanenē maleku hésaya zikigic heyec imi hulacma hérégic malekunén enu zéic imi luhuc mema sakasac igucgeņ keņec. <sup>41</sup> Keņu doku nêwéc nêwécnec hahayanén euanzaoc imuaru sakasac heyu zéic imuaru eņec. Waņu zéic sunğuruņa kiselima tacma seli qeyu temboņ yandanén zéic andia kuyu zéic andia imi zéngéyec. <sup>42</sup> Waņu hésa ama ic enenē fifia mema kemma néngacbu niņac yaré ic enenē unuhumuwiņ zé ac zégic. <sup>43</sup> Waņu yaré ic 100 ionac galenġinanén Pauloac kekecy aņgēja timaņ zé wamma qetali énécmima fifia meme ic énézýu walac konduniguc luma hiņgacma fifia mema baeciguc eņgic. <sup>44</sup> Waņu tosara enenē palaņ me zéic bakia qahaiguc emma keņgic. Imuhucnén imuhuc wamma moczoņ élélahaiguc endacma mén ménda humugic.

## 28

*Ic ienenē susunec Melite kondun  
baec komociguc endacgic.*

<sup>1</sup> Élélahaiguc bénzénec emmaguc baec komoc qara Melite imi zégic niņiņ. <sup>2</sup> Waņu baec komoc imuac miņina ienenē ala goi héihéi sasala waņ nénécmigic. Waņu kia hayu ama sanğenē qeyu geric yanda haigic zeyu héihéré nénécmigic. <sup>3</sup> Waņu Paulonén geric tosara mutu-laņgéma haiyu hiņgarec waņu imuac qeria igucnec mokoleņ méņnén séwéla geric waņu éréma iwac mériaiguc pipima naņec. <sup>4</sup> Waņu baec miņina ienenē mériaiguc mokoleņ naņu hémma

eminiŋ wamma zégic; Ic yomi ic tosara unuyec gezaŋ. Konduŋiguc ménda humuyec, néŋ solaŋa miŋinanéŋ ménda waimiyu kecmac. <sup>5</sup> Waŋu Paulonéŋ mokoleŋ qetecgéyu gericiguc hiŋgaru yéwéri ménda mihicŋiyec. <sup>6</sup> Imuhuc wamma naŋu ieneŋ sisiwiŋ hicŋimimac me élanzaŋnec tendiŋgéma humumac zéma mambéc naŋgic. Waŋu nalé horua haka méréra ménŋ ménda hicŋimiyu hémma zégic; Ic yomi anutu.

*Paulonéŋ hafi ic tosara mehiaru énécmiyec.*

<sup>7</sup> Nini kerinŋ imuac hosuraiguc ic kewugina qara Popilio iwac ama baec heyec. Waŋu ic inéŋ mia héihéré nénécmima ai meme haréwéc séc goi héihéi waŋ nénécmiyec. <sup>8</sup> Waŋu Popilio maŋgocya hafi hicŋimima séwi geric zéma kera huruc wamma heyu Paulonéŋ nimma amayaiguc emma zéwelecmaguc méria oruhaiguc haima mehiaruyec. <sup>9</sup> Imuhuc waŋu ama areŋ komoc imuaru ic tosara hafi zepaginaguc ieneŋ harégic imuhucnec mehiaru énécmiyec. <sup>10</sup> Waŋu ic ieneŋ eenina kuneŋ yanda héigic. Waŋu kembiŋ zé enni henaiguc hocbiŋac hezac hena mauŋ iwawai tosara zéiciguc hai nénécmigic.

*Paulonéŋ zéic méŋiguc keŋkecma Roma ama areŋa yandaiguc kereŋec.*

<sup>11</sup> Baec komoc imuaru mia kecni maso haréwéc tecgéyu zéic ménŋ Aleksandria imuaru saŋgeŋa naléya ogiru kemmac niŋ mambéc tarec, qara imi Diosguro.\* Waŋu imuaru emma

---

\* **28:11:** Neŋaŋ aciguc qara imuac hénia imi; Nemu héi séwi séwi - Kasito zéma Palukis.

waima kenjij. <sup>12</sup> Wañu Surakusai ama areña yandaiguc haréma imuaru ai meme haréwéc kerij. <sup>13</sup> Imuacnec lelecgéma Legium ama areña yandaiguc keremma imuaru ai meme momacguc kecni luhucnéñ baec wañgoña Saut igucnec hayu kenni ama muñguc siñima gianjiyu Puteoli ama areña yandaiguc kereñij. <sup>14</sup> Kenni ama areña yanda imuac ninzén ninzén dac muna ieneñ héihéré nénécmigic kaiwe 7 iniguc tacyac wammaguc Roma ama areña yandaiguc kereñij. <sup>15</sup> Wañu ama areña yanda imuac ninzén ninzén dac muna hécnina ieneñ nonac buña nimma hakecma Roma ic Apioac ama sombeñaiguc mihicñi nénécmigic. Tosianéñ ama baec qara ménj Qisicnec Ama Haréwéc imuaru hama mihicñi nénécmigic. Wañu Paulonéñ inicma Anutu ewa hia ac ézéma kuha meyec.

*Paulo i Yuda ic héihéré énécmima  
ac énézéyec.*

<sup>16</sup> Roma ama areña yandaiguc kerenni baec galeñnéñ zéyu Paulonéñ yaré ic ménñnéñ galeñgé miyu ama saméña ménjiguc tacyac wañec. <sup>17</sup> Kecma keru ai meme haréwéc wañu Yuda ic ionac sugina igucnec ic kuneñ tosara héihéré énécmiyu harégic ac yomuhuc énézéyec; Dac munahécna ni Yuda ic embac me yanda hécnina ionac haka silic imuac hazéc ac ménj ménda zéyi, néñ Yerusalemiguc népésima Roma ic ionac méraginaiguc nopocgic. <sup>18</sup> Wañu Roma ic ieneñ qesinémma kápésicna ménj humucac sécyá ménda mihicñjima hulac némmu niñac zégic. <sup>19</sup> Wañu Yuda ic ieneñ selianec qetaligic, héna ménj qahac

waŋu, Kaisanéŋ acna zétecgémac niŋ waŋi. Imuac mia nuac dac munahécna Yuda ic zébiri énécmimaŋ zéma you ménda hayi. <sup>20</sup> Waŋu ni hénia imuac niŋ mia inicma iniguc zéeminiŋ wambiŋ zé héihéré énécmiyi. Ni imi Israel ic neŋaŋ ninzéhégéma mambécanziiŋ imuac wamma hésa ic wamma kecanzua. <sup>21</sup> Imuhuc zéma énézéyu zégic; Nini ou Yuda baeciguc kecanzu ionarunec guac niŋ kiwi ménj ménda haigic hayu héŋiŋ. Waŋu dac munahécnina ionaru ménjnéŋ hama guac kápésicga me hazéc ac ménj ménda zéyu niŋiŋ. <sup>22</sup> Baec séc ic embac ieneŋ héná qelia imuac hazéc ac wamma zéanzu imi nini ninziŋ. Imuac gi dimuhuc ninzéhégézaŋ imi geŋgaoc zéna nimbiŋac wanziiŋ.

<sup>23</sup> Ieneŋ imuhuc zéma nalé megic. Waŋu nalé imi ducŋiyu Yuda ic sasalanéŋ Paulo tack-erec ama imuaru tocgégic. Waŋu Paulonéŋ Anutuac héngaleŋ ama areŋa yandawac ac suruc imi suŋgeŋnec hénima énézéma keru ama siŋiyec. Waŋu Moseac héná ac zéma kua meme ic ieneŋ kiwi ogic hezac iminéŋ meselima Yesuac suruc zéma meseli énécmimaŋ zé waŋec. <sup>24</sup> Waŋu ic tosananéŋ ac zéyec imi ninzéhégégic. Waŋu ic tosananéŋ ménda ninzéhégégic. <sup>25</sup> Waŋu acgina zéma zéqeqetali waŋamugic. Imuhuc wamma waima kembiiŋ zé waŋgic. Waŋu Paulonéŋ ac momacguc yomuhuc énézéyec; Uŋa Téréyanéŋ Anutuac tiliŋ tiliŋ ic Yesaiawac kuaya mema yanda hécnina ac yomuhuc énézéyec; Ac iminéŋ héla wanzac; <sup>26</sup> Gi kemma ic tuŋ yomuhuc énézéna; Ninzu waŋu ménda

niņasarizu hénzu waŋu ménda héntegiczu. <sup>27</sup> Ic tuŋ yomi ieneŋ qerigina seli qeyu ieneŋ gezacginanéŋ nimma niŋyéwérigic. Niŋyéwérima kicgina héménzaligic. Imuhuc qahac waŋu kicginanéŋ héntegicma gezacginanéŋ nimma qeriginanéŋ niŋtecigicma liliŋgéma hagic neŋ mehiaru énécmiwinec. <sup>28</sup> Imuac ni énézéwa yomuhuc niŋ asarimu; Anutunéŋ aŋgéŋ titi buŋa imi ic enia ionac muru méliyu hazac. Ieneŋ imi kilen niŋtohomu. <sup>29</sup> (Ménda hezac.)

<sup>30</sup> Waŋu Paulonéŋ yawuŋ éréhéć téŋgéŋ ama geric mén lagulawac boŋ mema imuaru kecma ic embac iwaru hagic séc héihéré énécmiyec.

<sup>31</sup> Héihéré énécmima Anutuac héŋgaleŋ ama areŋa yandawac surucya zésai énécmima Miŋ Kewu Yesu Kristoac hena ac imi bac yandi yandi qahac efima ku énécmima kerec. Keru ménéŋ ménda qetali miyec.

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665